

昌國典詠卷六

清金陵朱緒曾述之撰

昌國儒學

寶慶四明志學校熙寧八年令張懿文初建學
於縣東一百步中爲大成殿元豐八年令張節
記於石元祐七年簿尉顧復經又徙而東四十
步崇寧中廢士附於鄰邑政和六年令張如晦
重建主簿詹之綱記淳熙十六年令王阮徙於
縣南之芙蓉洲嘉泰開禧閒令葛洪建講堂曰申

昌國典詠

卷六

一四訓叢書
約園刊本

義攻媿樓公鑰書其扁而記之置田養士自紹
興五年令韓晦始嘉定令鄭伯謙聞韶趙大忠

相繼增益之學校始具體矣宋錢棣遷學記下

佳山水爲不少而人才亦何所不有然其生也
有地其出也有時推其大要則在乎上之人作
成之何如耳聞蜀之先人才固未之聞也及文
翁常袞一臨其地興學校風化布宣講作新激
勸之術人才爲之輩出迨此遠甲天下昌國之
邑於明始熙寧癸丑迄今百二十有二載前此
未有登第入仕者淳熙戊申八月九江王君阮
來幸觀學宮燕籩湫隘不足爲觀然有意建之
嚮應之南隙地數畝謀山帶水秀氣盤結若天
造地設然陰陽家以爲宜居於是排方正位營
新經始命工度材不愆於素殿宇講堂次第以
成東序甫畢君以通理去官且捐緡錢三十萬

以助其役其秋棟實繼之念前志不可不成乃
命學長王三錫直闕周端朝專董其事明年功
成師生有舍庖廩有次觀者雲集莫不稱美又
明年邑人應僚榮膺鸞薦而一舉登上第遠近
欽豔咸勃勃有仕進之意焉吁昌國之為邑自
若也何向之乏才而今乃闢出也耶棟非敢貪
天之功亦適其時爾棟秩滿將歸諸生請書於
石棣非老於筆墨者雖然其敢有辭嗟乎天下
佳山水為不少人才亦何所不在人作成之
何如昔之闕蜀今於昌國見之自是而往安知
昌國人才之盛不伯仲閩蜀耶諸
生其勉之紹興癸丑十月朔且記
袁燮重修昌
國縣學記闕斯道之興發是心之良而輔成國
於人猶食之有穀粟衣之有桑麻也豈可一日
缺哉四明之昌國海中一島也厥地狹矣而土
生其間俊敏超羣修潔自將者時有之其質
美矣加以切磨培植之功孰得而禦之前乎此

昌國典詠卷之二

約園刊本
二四明叢書

非無賢令尹也而教養一事多闕而未修蓋不
知當務之為急哉或者其興若廢與兵刑財用
不同非有朝廷之威令大吏之督責姑徐徐焉
未見其獲戾故雖有所興為一二焉而止其勢
然也若夫發於誠心無所畏慕而自為之其度
越他人顧不遠哉今承議郎趙侯清獻公之裔
孫也典刑猶在喟然興歎曰事豈有不為者
哉其力或不足痛節冗費可也檢核奸吏無俾
滲漏如是而後其用足矣左之右之莫不如志
而建學之規模在其中矣或因其故而葺治之
或創於今而增益之曰殿曰堂屹然居中曰齋
曰序翼然旁列門庭由是壯焉象設由是崇焉
祭器祭服由是作焉廡廡以儲之垣墉以衛之
承學之士皆得優游涵泳乎其間而又課焉試
焉以警厲之鶯飛魚躍咸受其賜無有終極可
不盡其職乎且南安小郡耳而東坡蘇公記學
之成稱其甲於江西禮殿講堂視大邦君之居
典領得人能使其居廣大理固然也今侯之所

爲其亦若是也夫雖然侯之設心非獨茲事嚴
所報之典則冢土是崇卹家乏之民則委積是
豐戶籍之嚴所以窅塚僞也海陟之儼與夫嶺
路之夷又所以便往來也凡是益於民者是究
是圖如恐不及矧惟禮義教化之宮其汲汲也
宜如之何侯名大忠三衢人擢進士科居官所
至可紀無忝厥祖
王應麟重建大成殿記
淳熙
之六年聖上尊善崇化以風四方綠字穗書敷
賁雍泮庠聲序音丕冒出日昌國大夫沈君壑
始至時禮殿之建適六十禩矣朽蠹弗葺諸生
進而言學肇基於縣治之東淳熙間令王阮遷
於芙蓉洲西挹秀涵清氣勢閎偉俊父魁士含
章挺出道源文脈實繁茲殿蓋鼎新之對揚雲
漢作人之休德君曰承流宣化職也敢不祗若
嗇用鳩工士歡趨之參預應公嘉其意諭帥守
顏公佐以郡少府錢公經始於明年莫春越季
夏殿成般爾獻巧校校尖尖貌像惟肖如臨沂

昌國典詠

卷六

三四

明叢書

徊俯坐啜食端重嚴赫陟降庭止式禮莫愆冠
追衣縫瞻儀與敬規模麗習文風藹如明季君
入監相與祀於學既十年諸王思之請著石章
應麟鄭末學也辭弗獲嘗讀臨之象曰君子以
教思無窮夫澤上有地猶君子之近民也近民
則教彌敦故周官族閭讀法視州黨尤密今之
學郡修而邑弛爲吏者政急而化緩期會訟獄
日鏡饒畏慮不越几案而夫子宮牆漫不省視
昧者無知怠者視蔭弁髦武城蒲密之言而談
曰難治教化不明淳澆浮朴散治不愈難與然
非獨今日也漢東京儒雅最盛令長垂意學校
者惟均陽仁著於傳何其寂寥哉沈君能急所
緩明然興於學可謂知本者也夫子慨道不行
託興於桴海是邦近天子之光家詩書人孝悌
吾道其行矣縣大夫雖不得循其業以俟道化
之成後之君子弗替引之時髦士規聖矩賢毋
以小成自畫學必正大志必高明言必忠信行
必篤敬進而經綸天下之大經退而居賢德之

約園刊本

善俗俾者彥縉紳願瞻禮肅然改容曰此賢
令教思之澤也將見立於朝者爲臧獲入其里
者比鄒魯尚富墨筆以
頌化民成俗之功云
宋陳著本堂集送兒沆

赴昌國學錄

來汝沆吾語汝蓬萊鄉仙者寓汝
行豈爲求仙故寶陀山佛者住汝

今豈爲禮佛去吾聞翁洲好學舍兵後絃歌尚
存魯巨盞杜宇蒼燕島長鯨欲舞紅靈路貴公
高節深猶在姑侯英標儼如視芷翁器業國有
倚逸少詞章家有譜扶桑日出長精神滄溟際
天豁襟宇灑水生落尾乘除風濤澎湃嘗險阻
耳目所接皆爲學身心所自當約取且氣清明
方見性人生涉歷終知越規模要放商前闊識
論要到心平處雪霜之際有陽春波溷之中有
蘓杜畏友當如父師敬平交當以兄弟處我雖
自較老何及汝方年壯力須努力欲長教在我
傍深恐獨學爲汝誤不然何以資一出幸猶近
只寸牛渡驚言曰仕實從游自昔成人出幸苦

昌國典詠 卷六

四四明叢書

看汝意氣勉自強味哉言語謹毋負東雲在望
道路開西風吹送衣裳舞消受宮牆飯幾盂勝
舉家庭祿三釜歲月箭過歸大德昌國州志淳
有期卻把本色初心娛父母

熙十六年令王阮徙於丞廳之南役未竟去官

其後令錢楛始竟有成嘉定甲申令趙大忠葺

治增益然始創之規遍仄環學皆水終不能有

所展拓歸附後陞縣爲州學亦隨之至元十七

年各道設提學司實五品官遂借擬教授董學

事至元二十九年省府例以下州不設教授止

存正錄至元三十一年七月朔日大成殿三閱

自遷學後殿宇頽圯往宋淳熙丁未令沈壑重建郡人尙書王應麟記歸附後元貞乙未州判馮福京始至首勉學之士協力修理由內及外

爲之一新時學正馮夷苟世英也州判記天下

一者何道是已是故三代之得天下以仁得此道也恭惟皇帝嗣登大寶嘉與天下洗濯維新他未遑及首發明詔惠顧學校使秀於民而爲士者有鳶飛魚躍之樂無風震雨霖之恐所以尊崇斯道者恩至渥也下士一介臣福京授關終曹來佐昌國凜凜乎學舍之將就頽圯以不稱聖朝新美之造日與諸生是究是圖承肩一心遂集羣力殿堂齋廡修理既完訓蒙有育德之堂櫺星啟闕之戶惟是始創乏規地勢逼仄環學水雖欲充拓無下手處矣諸生來言

昌國典詠

卷六

五四明叢書

約園刊本

曰吾黨於此旣幸而獲全性命於國家混一之餘聖恩隆厚又幸而絃誦之安共業游息之有其所其可自同於蚩蚩之氓而不知帝力之有哉迺者觀省迪厲之忱茲不爲大闕典乎於是鳩工礪石刊諸禮殿之前晨薰夕鑪不照對越雖適在海洲不啻天威之咫尺也因謂諸生曰學旣修矣諸生亦知所以自修者乎修道之教所以率性保命也修辭立誠所以居業進德也修其天爵所以置人爵於無足言也苟惟夏屋渠渠之是修而不能修其身於暗室屋漏之頃其如修學何古人不入大學已習爲治國平天下之道故胸中所有皆尊主庇民之事業用之則其道行不用則其學全決不虛生虛老於一世以任重道遠之事施諸身以或知爾則何以哉亦莫之規施諸學則凡凡榘榘薪之類之庶不負用斯道之意先聖先師羹牆如見洋洋乎是所

望於諸子也乃據儒籍之預有力於修學者刊
其姓名於下方以爲來者之勸云元貞丙中仲
秋日潼川 齋舊有四造道進德存心成性至元
馮福京

壬午本學申請提舉添置兩齋曰明善曰立禮

其實析四齋之屋而爲之至正四明續志學在

州治東一百四十步泰定閒重修者知州韓搏

也清容袁先生桷記清容居士集昌國州重修

學記青社韓侯蒞是州踰年頡頏學宮頽圯日

至喟然歎曰化民成俗必自學始爰相厥
攸居鉤稽負逋治其島和舉其閒日究整是先
泰定元年十月甲子役興用工二千有八百計
縑錢二千有五百匠石日食之費則諸生欣輸
以佐於是殿堂門廡庖福池徑咸得備具請桷

昌國典詠卷六

六四明續志

由翰苑歸俾記其事桷嘗聞之先儒以明理爲
綱領譏詆漢唐不少假謙洛之說盛行誠敬忠
恕亮分縷析一以體用知行概而伸之由是齟齬
之章悉能誦習高視闊步轉相傳授禮樂政刑
之具獄訟兵甲之實悉有所不講侈口避席謝
非所急言詞之不公則曰吾何以華漢爲哉考
數之不精則曰吾何以援揚爲哉吾性理是先
惟一是貫科舉承踵駁駁乎魏晉之術談孺宇
南北之不接乎視聽馴至社亡求其授命死事
率非皆時言性理之士後之學者寧勿置論而
循其故習者哉昌國惟是明海中州士之興起
自紹興始著樓宣獻公袁正獻公楊文元公尚
書深寧王公嘗記其建學論堂之本始揚雄有
言曰百川學海而至於海善喻者也首之以訓
誥之精次及乎名物度數之密由小成至於大
成非積年不能至於周官鄉三物之數詎止於
一而以爲傳道之要殆不可也委旅安行由蔡
而達訖歸於海學之功也侯名搏字仲舉旣興

其學乃復儒役以爲大比之勸學之士子能不自厲敢執筆以俟是役也州之長某州同知黃棟孫判官張信吏目陳益學正孫恕皆協贊其事泰定二年二月癸卯具官袁柄記

清容集袁州知事孔君墓誌孔昭孫男孔正瀛昌國州儒學舟山志學於洪武二十年與縣俱革先聖殿惟存銀杏一株巨至百圍微風則虎吼龍吟人不致褻故老禮敬之指爲杏壇乃唐宋時所植之物近年毀於颶風過者莫不與歎定海縣志康熙二十六年題請設縣建學宋時學基在芙蓉洲因先建營署難於移易知縣周聖化

昆國典詠

卷六

七

四明叢書

約園刊本

卜地於縣治之東地土窪下治址甚艱始事於三十年四月至八月告竣動支正項錢糧建造雖規模粗具而凡百草創大成殿則時葺時圯殆無虛歲啓聖祠兩廡湫隘拜跪無展足處而櫺星門泮池等缺略甚多知縣繆燧急欲改建柰工鉅費重不敢輕舉經營籌度藉認墾之資積數年之久至四十二年始克鳩工庀材修整大成殿擴蓋啓聖宮兩廡鑿泮池駕石梁易櫺星門以石築週圍墻垣照壁建兩齋公署規制

較宏遠焉知縣周聖化新建邑學記

夫子之道闕達而易

循筋要而易守行其道則其地治廢其道則其地亂人見其亂也以爲夫子之道無益於有事之時而不知所以有事者由於紬吾夫子之道向使有士者而皆植綱明紀去逆效順一由吾夫子之道則固可歷萬年而無事定海自唐開元二十六年設翁山縣至今九百年開廢興不一其地可謂多事矣唐爲縣僅二十年建學不久惟宋熙寧六年迨元至正之末皆立邑校而明時廢學亦且如之則夫千年之久斯土之得陶淑於吾夫子之教僅三百餘年而不被吾夫子之教者反六百三十四年何其不幸也今上御極二十有六年海寓承平聲教四荒凡遐方絕域向所委棄而不有者悉疆理而甸邑之於是鼓鐘之音鏗鐻於鼉鼉之窟玉帛之端焜燿於猿狖之鄉而夫子之學建矣是時聖化承乏茲上幸董其役自材木治埴黜聖之粗以及磬

昌國典詠 卷六

八四明叢書

約園刊本

管豆遜之細靡不躬親鞞革輪奐雖不能頡頏上庠之都麗而規模氣象亦略具矣落成之日教諭陳君昌言訓導徐君悅率多士而進曰公烏可以無記聖化再拜而言曰夫子之德窮土木不足以爲宇夫子之功罄丹黃不足以爲室夫子之澤竭金玉象犀珠璣玳瑁不足以爲飾尙何堂構之誇而塗墍之云耶雖然此文也非實也茲土自寇盜出沒兵燹播遷以來舉向時所生聚而富有教訓而方穀者蕩爲冷煙寒雨久矣幸聖天子仁聖撫卹庶陶阜以衣食淑以禮讓凡厥多士郁有彬彬由是以幾全盛之日摧巍科登臚仕固已不遠然此亦名也非實也土之游於聖人之門苟能升其堂高明廣大人其室精密深微而且作之以仁義中之以孝悌潤之以禮樂文章居於斯由於斯不敢稍踰吾夫子之矩吾見宮牆而外迴環而澎湃者非海也耶沐日浴月蒸雲蔚霞潛蛟龍而翔鳴鸞其觀大矣孟子言觀海者難爲水學夫子之道苟

能循循然糊之派之不舍晝夜而進則放乎海
無難及其原委既合萬壑同流而尚曰學海不
至於海也哉此吾所以宣教知縣繆燧重修儒
布化爲定之多士勉者也

學記學制之廢久矣釋奠釋菜四時之禮不行
而道德禮樂經術之具及所爲校射論獄
出師獻賦之典概不可問今之學視古何如哉
然置官師其中有弟子員姓名之籍高下其文
章行誼而勸懲之則敦教化美風俗未始不由
乎此定自開元置縣建學霞山之麓宋改昌國
遷學於芙蓉洲紹熙後文教大昌人材輩出元
陞邑爲州學如初至明廢爲衛所三百餘年鼓
鐘之音寂焉無聞我皇上崇儒重道壽考作人
遠塞荒徼之地皆設學校師儒木鐸以振興土
習圓橋觀聽視昔尤盛焉而定邑展復僅三十
年學圯毀已久前令周君經始於此規制未備
卽遷秩去其遜於他邑無怪也燧承乏茲土次
第構理學乃得成雖禮文不追夫古昔章采不

昌國典詠 卷六

九四明嚴書

約園刊本

速乎大邦然規略釐然具舉不敢或墜且懈以
從事竊思先王教人亦多術矣春秋禮樂冬夏
詩書皆所以養其性情消其邪慝而明人倫其
大者也故子輿氏云謹庠序之教申之以孝悌
之義後世善言教者莫加焉定邑地僻而風淳
民愿而土樸榮黠儂巧誣罔之徒游蹤罕至故
無異端邪說以惑眾無奇技淫巧以炫俗無紛
華靡麗以蕩心平居里巷往往多孝悌節義之
風垂諸誌乘班可攷夫以淳龐之民習易良
之俗施之以涵育加之以薰陶優游漸漬其樹
立豈復可限量若徒以兩祭之期奉行故事則
古之學制雖存猶廢也其將何以敦教化美風
俗也哉余旣自愧其未逮而不能無厚望
於後之宰斯土者故記其大略於碑陰

定海
續志莊綸渭重修學宮記考定海邑志學校肇
於宋之熙寧至崇寧
而廢復建於政和淳熙閒至洪武而又廢夫宋
之末造不足言明太祖開基英主而瀕海之地

不能昌明文治令挾策讀書者僅附於鄰邑之
後塵豈時會限之耶抑由人事之缺略也我大
清底定海邦康熙二十六年展復定邑卽題諸
建學以地勢窪下築址甚艱至三十年前令祥
符周公始落成之厥後颶風暴雨侵蝕不時數
十年來不無損壞加以乾隆十四年風潮殿宇
兩廡尊經閣或傾一角或圯數椽聖祠明倫
堂盡爲廢址署令蘇公卽詳請修葺估報工料
銀一千零八兩余莅任始領諸帑詣學核估傾
圮者乃浮於原冊因集邑之紳士語之曰學宮
新有日矣第曩者估報閱今六年矣六年中能
無颶風暴雨乎能不朽一木不場一瓦乎小地
舊料前估計可改用者能一一收貯無失乎紳
士皆曰不能余曰如諸君言則領數必不敷矣
堪復經胥吏之手今與諸君約推殷實廉幹數
人爲董事帑數悉付之購木鸞鳩工匠宜速爲
計海外之風潮諸君所知也勿以經費不敷草
率從事俟用罄再商於余紳士皆曰諾於是諸

昌國典詠

卷六

十四

明叢書

約園刊本

董事咸以修葺爲已任余公餘輒詣學督視核
其出納工逾半用告罄矣余乃捐俸以倡幸士
民勸勉踴躍爭輸鉅工已竣猶餘數百金遂令
樞門外皆砌以石坊顏近聖內外繚紅牆牆俱
用磚俾弗壞并遠接御書樓周遭計五十二丈
又牆內舊河濬深改方四圍石岸與泮池相表
裏泮池地低穢水易入稍築高明倫堂另鋪磚
地開射圃建文筆峯皆前估冊內所未有嗚呼
備矣夫定雖海外僻邑然志乘所載科第林立
若重桂坊之爲孫氏父子建鳴鳳坊之爲趙氏
叔姪兄弟建其尤彰明較著者也卽袁正肅之
產於岱山未有確徵而誠甫張公之定海人則
斷無疑者夫先生亦海外一諸生耳始之發
解繼以大魁人才之生豈必擇地哉況今茲邑
人事亦差勝於昔從茲科第人文繩繩未艾也
余日望之矣至董事諸君勤幹廉正不辭
勞勩其有功於學校不少例得附書

山川佳處毓人才大海波瀾更壯哉悟到百川都是學
就中何患取桴材

育德堂

大德昌國州志小學在學東廡之南舊名親仁
齋歲久不治至元貞乙未州判官馮福京重行
修葺扁曰育德堂專以爲訓蒙之所請鄉之耆

宿郭薦應季挺任教導焉且爲之記

天生蒸民有物有則

民之秉彝好是懿德則孩提之童其德固已渾
然及其長也是宜天下無不善之民矣然而世
有汗隆之異人有君子小人之分豈天之降才
爾殊無乃教導之不興而習俗之污染也康節

昌國典詠

卷六

十一

明叢書

約園刊本

邵子曰上品之人不教而善中品之人教而後
善斯言豈欺我哉曰非生知安行之上智其有
不待品節裁成之教而能德勝其氣哉是故古
之君子欲明德於天下者自上玉宮國都下
至比閭族黨修道之教靡敢一日而廢然而教
之必有其序未可躐等而施故蒙童之養聖人
慎焉自胄子之教昉興於帝朝而家有塾黨有
庠小學之教遂盛於周里今散見於傳記者悉
能食教右能言教唯以至視聽坐立洒掃應對
莫不有教迨十歲而出就外傳則其朝夕之薰
陶氣質之所變化已克驗其希聖希賢之質又
五年而入太學教以格物致知修己治人之事
知類通達有如時雨化之者則其德業之成就
詎可量哉此隆古盛時道行俗美臣焉而忠子焉
而孝人皆有士君子之行蓋自幼至壯日日
時時生生不息之歲月無適而不用其涵養漸
靡之教也州庠舊有小學頽圯不治草蔓淫塞
余始至而懼焉請於眾曰聖人之教有始有卒

小子之學焉可廢也逸歸地一而新之既訖
訖乃取蒙養之義書育德三字扁焉專以爲
發蒙之所而記夫教之不可道者
如此庶不負菁莪樂育之遺云
緒曾築馮福

京卽與郭薦等修大德昌國州志者或訛爲復
京非是其郭薦亦昌國州人州志小學云州判
官馮福京請鄉之耆儒任教導焉福京志中自
述其事皆作福京元祐四明志州判馮福京登
仕郎大德二年三月到任舟山志并定海縣志
皆作福京乃知今鈔本大德志題州判潼川馮
復京撰復當作福乃傳寫之訛

昌國典詠

卷六

十三四明叢書

約園刊本

負劍從容習少儀海鄉蒙養勵初基潼川政績分明在
更有耆儒坐講帷

翁洲書院

大德昌國州志翁洲書院在州治之北宋師機
應公係讀書之所登進士第好應公係接踵魁
多士官至參政於淳祐年間祖系書賜翁洲二字
因以爲名宗族姻黨之子弟肄業於中聖朝混
一各道建立提學司首以應翔孫任山長而江
浙行省例以爲闕本院素無田產翔孫於元貞

乙未帥其子姪撥已分產隸書院公其出納以

為教養之資州判官馮福京記翁淵書院往宋

讀書之所也先生由此奮身以詞賦魁天下上

立取要官薦登政府急流勇退歸榮故鄉翁淵

為昌國別名理宗書以寵光其居第先生遂以

為書院延師其閒率其子弟及族之人與夫鄉

之俊秀皆造焉講肄程式一遵晦庵文公白鹿

洞規矜佩贊禮樂晉秩宗乃為一方精舍之望

先生遺世越三十年大元混一行省例取以充

出長之選既受檄謂無以為養皆望洋而不至

則以其族之儒而耆者董行教事旦望舍菜而

已歲在乙未曰天定者以省親辭去白之州州

俾學正攝闡諸府遂次第以達行省之聽總準

命下詰問資糧之有無存沒之當否州謂院既

無寸產士又隸於州庠教養咸闕不可徒冒其

名具以實告行省幾去其闕先生之猶子全軒

昌國典詠 卷六

十三 四明叢書

翔孫義形於色曰不可使家世詩書之業自我

而墜乃較已分田隸書院公其出納以贖師生

告諸提舉司轉聞省人議躋之遂得不廢首選

延陵何君燁之來任山長事實大德改元之蜡

月也乃瀝龜朋之吉載刊鹿洞之規爰采新田

重恢舊觀於是君來言曰書院幾廢而復興

子實與聞其事願為之記以示後人嗚呼士無

志古道之行久矣三代盛時五家為比家有塾

焉五百家為黨黨有序焉為庠者三十而後合

於鄉鄉即遂也遂有深計則是無尺地而不興

之國若庠者序何可深計則是無尺地而不興

學無一民而不受教雖免置剗之夫皆時趾

道藝人也其孝友睦婣任恤之氣至今猶可想

見豈若後世之郡邑或百里或千里而後有一

學又必俟育司之建立縣官之經費哉往中初

造有四書院亦鄉自為之非出於在上者之驅

迫其意甚古自是邈乎無聞今書院再創

洲不惟繼志述事以有得於窮神知化之妙且
將推一家禮義之澤以漸沐其鄉里又使盛
遂序之遺風見諸當世可謂一舉而三得甚
甚偉非志於古道而篤於力行者能之乎因發
余之緒言告夫二三子者以爲切磨之益參政
公書院之創爲宗晦庵之學像而祠之所以使
來游來歌者之目擊而道存也二三子知之乎
晦庵於經術講論殆徧平生精力萃在論孟學
庸之四書蓋謂學者必學於此而能得夫窮理
正心之方以爲修己治人之本故爲之章句爲
之輯略又設爲或問惟恐辨之不明發之不盡
所以嘉惠後學之盛心可謂勤且忠矣今其書
具存上自公卿大夫下至齊民之子莫不家傳
而人誦固宜君子得聞大道之要小人得蒙至
治之澤若大學序文言之矣數十年來庠序日
廣而道學愈不明士籍日增而心術愈不正其
責認而行之未至耳大抵晦庵之書論辨反

昌國典詠卷六

十四四明叢書

覆訓釋詳明析事理之精微無毫釐之滲漏故
讀之者一開卷問口未絕吟而其理已粲然畢
陳於前不待思索皆自以爲有得迨夫卷方釋
手一回顧之頃則向者粲然畢陳之理已若空
中之華罔然復無所見然則暫曉了於手披口
吟之閒不浹洽於躬行心得之妙信奚益哉此
道學所以不明心術所以不正遂使先儒之傳
註幾爲聖經之贅疣蓋不善讀書者之罪也謝
顯道嘗以記問自矜明道程純公以玩物喪志
語之是知誦言而忘味者則言乃道之障礙伊
川程正公以易傳授尹彥明曰只說得七分學
者須自體究是知由辭而得意者則辭乃道之
筌蹄此伊洛諸老之成就後學悉皆引而不發
優而柔之使自得之懋而飲之使自趨之蓋欲
其深造自得實有以見夫道體之大全非徒從
事言辭而已也昔王文公註易或曰加詳焉使
學者易知何爲而不可曰不可也易知則學者
將不思不思則知也非自得之知旨哉斯言此

約園刊本

其爲後學慮者此豈訓詁諸儒之所及哉孔子曰學而不思則罔思而不學則殆孟子曰心之官則思思則得之不思則不得也二子其思之乎猶待警發鞭策乎所學所得果何物乎道是也六經皆載道之文然道非心外之物顯思與不思耳思之思之而又思之若有神物以通之超然而覺頓然而悟洞洞屬屬之輝全心皆道膠膠擾擾酬酢大道卽心出處語默之間造次顛沛之頃以起居飲食之微將無須臾而非道心之形著矣思至於復何思哉達則道行於世非己之達窮則道藏諸身非己之窮行藏係道己奚與焉矧今聖明御極詔天下郡國養士且議行貢舉制猗歟盛哉二三子何患乎道之不行也余他日於山澤漁樵之間聞有自海濱而應聘者必將以爲翁洲之士也二三子其誠思之則無負全軒作新書院之意亦何君遠來開堂之所樂也堂舍若干椽田土若干畝此有司之事故不書大德戊戌正月望日記

昌國典詠

卷六

十五

四明叢書
約園刊本

至元四明續志翁洲書院在州治北宋穆陵舊扁之名以賜參政應係入國朝其孫翹孫元貞閒撥田創基建禮殿奉宣聖燕居像別建祠祀先賢朱文公十一年爲颺風所仆延祐七年同知干文傳鼎建禮殿臺門至正二年山東朱延鸞起蓋東齋舍三閒四年知州徐敬建講堂三閒西廊齋舍三閒爲祠堂以奉葺址先生蘭坡先生全軒先生六年山長曹性之重建天台應奎翁記

明東南斗絕地自是以來皆濱渤矣去郡治不遠三十里而外土突出海中曰

翁州在昔或爲甬或爲翁山皆以地稱縣於宋
州於今遂爲昌國海面際天瓊州境微舟楫罔
通吏非迫士非隱農工商賈非甚昌昧刊不獲
已肯至然山川號名勝者若蓬萊安期祠陀塗
迦之屬類怪奇神異眩耳目宮梵宇參錯其
間棋布星列不可勝數以故鄰封接壤殊方絕
俗梯航而至者惟知尊禮仙佛求所謂清淨寂
滅一言片語囂囂然去焉至於堯舜禹湯文武
周公孔子之道六籍之學概未有聞也故宋參
政臨海侯葺址先生應公儼先徙自台常有濶
於斯卽讀書故地爲書院以求應者理宗嘉之
爲書翁洲二字爲之扁未就而卒皇朝旣一函
夏首崇學校元貞大德間先生之孫全軒公翔
孫克紹先志率羣從子弟割己產爲田若干畝
以贖七作先燕居堂祠文公朱子像一規白鹿
洞成式卒成書院事上其狀行省相君偉之尋
授公山長員以主教事後遂爲常選至大未改
元之前年歲在丁未秋颶風大作院毀不支一

昌國典詠

卷八

十四

明叢書

約園刊本

木昉延祐庚申至重紀至元戊寅垂二十年稍
復故殿宇儀門成於知州燕公赤不花同知州
千文傅鼎東西廡爲屋以間計者六東成於山
長朱君廷鷺西成於知州事徐公敬益以講堂
三間規模視昔有加會公考最解綬去山長天
台曹性之直學鄞人林大昌相與僇力獨俸於
己貸鑑於人增覆瓦之未樞者完齋廬之未構
者飾棠桷之未堅者崇垣墉之未築者退講堂
以闢其庭之未裕貿居宮牆外地正其疆之未
拓者未幾郡守王元恭敬父下車創意庶務弊
易廢舉飭庠序政教志愈篤一日山長白事府
署上侯曰先生分教地遯矣哉蒞事得無懈乎
對曰明公之志遠近聞之疇敢不力因陳其故
如前所云侯稱善旣退案地乘輿獻賢究本末
謀勒石以昭前烈以勵方來庶補侯意矣奎翁
參預公族孫客節久宜得其詳徵文爲記奎翁
竊惟夫子嘗欲居九夷矣嘗欲乘桴而浮海矣
見聖人之心不以絕遠而忘天下也翁洲當大

海之口海外諸番於是乎觀瞻便爲後之徒推其尊禮仙佛之誠而知尊孔子之道齊求其闡清淨寂滅之念而求夫六籍之學則書院之設於是不無助於聖教而聖朝之德之化亦可宏也已可無紀哉孟子有言能言距楊墨者緒曾聖人之徒也愚於有功於書院者亦云

緒曾

案大德志以翔孫爲儼猶子延祐四明志宋理宗出扁以賜參知政事應儼以其孫翔爲山長至正續志亦以翔孫爲儼之孫余考之而知大德是而延祐至正皆非也馮福京是而應奎翁非也考進士題名應儼紹熙四年進士應儼嘉定十六年進士注云伯儼又應翼孫景定文京

昌國典詠

卷六

七四明叢書

約園刊本

山榜

三年

進士注云祖儼世系分明翔孫與翼

孫兄弟行馮福京與翔孫同時謂爲儼之猶子

必無誤理迨至正續志乃敘葺址於蘭坡之前

儼字葺址儼字蘭坡已不知儼叔而儼姪矣皆

延祐志孫翔之文誤之也定海縣志人物條以

翔孫爲儼猶子古蹟條又以翔孫爲儼之孫自

相矛盾寶慶四明志敘人嘉熙元年童子科應

翔孫注云儼孫儼姪可無歧說矣劉仁本羽庭

集送童士珍由翁洲書院山長調浙東憲掾志

滿詩昔從鄴海得奇逢
奕奕衣冠禮樂雍春滿
翁洲生杜若霜飛憲幕采芙蓉
盡官東瀾觀風好卻夢西湖歸興濃
別酒一杯歌一曲片帆江上挂
雲峯案仁本元末依方國珍幕中據此翁洲書院信國遷徙始廢

聖度申天繪燕居人談白鹿洞中書端平御墨珍元代博士門牆劫火餘

岱山書院

大德昌國州志宋咸淳癸酉里人魏渠等請於

昌國典詠

卷六

十四明故書

約圖刊本

郡以岱山廢酒坊空官地建立至元三十年本處鹽場官徐應舉朱許芳遷於市宋咸淳癸酉

昌國縣令趙與沬

舟山志藝文元趙與沬元當作宋

岱山書院

記岱山居昌國縣蓬萊鄉之西斷海中環以鯨波浩渺無際書堂之設自咸淳辛未春邑人魏方真等聯詞請於縣縣爲轉聞於府制使蒙翁劉先生如所請給舊酒坊基撥就直棧舉助以繕數千縣亦有所指以相之邑富王一桂趙岩表請許君定職教導癸酉冬開學本翁陳先生開闢之初落成馬先生朝家之柱石吾道之津梁王學之儀准宜是學之克始克究許君之二子請記歲月與沬以淑開辭弗獲書院有記嘗聞之矣朱文公於石鼓則曰管其全於去之前察其機於將發之際善則擴而充之惡則克而去之呂成公於白鹿洞則曰挹先儒

誌賞之餘風服大學離經辨志之始教張宣公
於嶽麓則曰率性立命知天地而宰萬物者也
嘗試察乎事親從應物處事是端也苟能充而
達之則仁之大體不可得乎及其至也與天地
合德與鬼神同用至於武夷精舍出於韓元咎
之筆亦曰元晦儒者也方以學行其鄉善其徒
非若畸人隱士遁藏山谷服氣茹芝以慕夫道
家之流也是數者天下之名書院也記之者皆
天下之名君子也今岱山書院不韋諸此將奚
範歟想夫潛心游志於此則尊吾德行格吾詩
書茂吾藝文岱華其高山岳其神功崇惟志智
崇效天尚高節而抗浮雲斯無愧於斯矧斯地
也昔有名卿徐大農恭先有舉首朱進士介有
布衣許止齋字以文行孝義爲鄉閭倡有闢斯
學許君請曰茲卜築已定輸與方新士友相聚
言曰熙學立邑以來吾地特海峽耳淳熙開宸
寵以鎮名山川改觀諸鄉老負笈於慈湖絜
齋二老之門師友漸摩儒風日盛今又祠先聖

國典錄

卷六

十九

四明叢書

約園刊本

以儀後進居賢德以善俗是有功於名教也請
以名岱山書院不亦有光於斯道有迪於後人
哉愚載思之上有志於詩書道義映雪囊螢冬
不爐夏不扇雖夔夔繩樞環堵蕭然一性之充
裕如也烟高堂大宇明窗淨几良朋益友切偲
雁澤天乎哉道尊而人知敬德盛而人不侮俾
吾德行海岱也師友淵源汪洋大肆吾學問海
岱也事業日以彰聲名日以起吾聲譽海岱也
有舍生而取義雖嵩岱不吾壓吾節義海岱也
若希孔孟之徒苟能效石鼓白鹿岳麓武夷之
成規縱未能孔孟伊周寧不朱張呂韓乎縱未
能朱張呂韓寧不徐殳朱許乎善則善矣猶自
恕之論也若夫充石鼓擴充之善固自白鹿淳
固懿實之風率岳麓天地合德之神宏我夷學
行其鄉善其徒之學則充其徐魏朱許者可以
朱張呂韓矣充其朱張呂韓者可以孔孟伊周
矣有志竟成斯不負蒙翁之所以教庶幾乎淳
熙之中人以上者此今日祠先聖建書院之意

也又淳祐元年八月黃震岱山書院記國明枕

郡居天下極東而中於海為昌國縣又其東而中於海為岱山山尤遠在鯨波浩渺間去三韓幾一航而士生其間往往多俊拔置鄉書登上庠而擢高第躋臚仕者踵相接非山海碩大之氣之所鍾而能爾耶余固聞風而為之興起久矣一日士有家於岱者忽航海過余而言曰朱文公歎佛老之區偏天下至於學校乃一郡一縣而僅一置蓋謂講學之地不可以不廣也況岱山阻大海士雖欲擔簦負笈一至郡邑而不可得士果何以麗澤之也古者五百家為黨黨有庠今岱可三千家而反古者一黨之不若咸熙七年魏掣等因請於郡太守劉公猷即酒坊基創岱山書院以洞先聖而講其說劉公既捐公帑又歲減酒息錢乃得請鄉先生定席舉此與鄉之人士口藏修游息其中距今五年而書院大築成矣願為記以發其意余聞之益敬而

崑園輿詠

卷

二十四明集書

約園刊本

歎曰岱山多土地之偏而學之正也我宋三百年崇尚正學所以涵養成就配天其澤者於是不可向矣請因以學之正者而言之夫所謂學之正者何也理有自然而然歷萬世不可變者正也天高地下萬物散殊莫不具此自然之理人生其間秀於萬物莫不明此自然之理大之為三綱五常細之為起居服食莫非自然而然有不容不然者堯舜禹湯文武以是而見之行事吾先聖孔子以是而見之垂訓皆未嘗加毫末於是所謂正而已風氣日開世變日下揚子為我墨子兼愛非正也孟子闢之復於正老子清淨佛氏寂寞非正也韓子躡之復於正談空者過高功利者過卑非正也濂溪周子河南程子又闢而復於正每一異論必得一正論以救其後天右斯文若是信乎此理之正出於自然者終不可得而磨而世乃又有借周孔之說售佛老之私者謂愛非仁直欲掃除兒孺子入井之心謂心即道直欲用大舜人心道不對

立之論以爲證謂六經爲註脚謂孝悌爲支離
謂講學爲邪說幾於前聖所未有之論時則有
若文公出乎其閒又辭而闕之天地爲之重開
日月爲之重明有人心者宜知所向方矣奈何
好高之士習慣其說猶或卑正學爲不足道而
必其說之勝不知此非文公之言也吾先聖孔
子以來相傳之言也非吾孔子自爲之言也天
地閒自然而然自堯舜禹湯文武以來斷斷乎
不可易之正理也夫豈加毫末於其閒而必欲
外立一說以求勝耶岱山之講文公之學正矣
然世之攻其學者多也其幸精思而實得篤信
而力行使正論日興異論日消海隅蒼生日出
之地聖朝崇正之化洋洋流動至正四明續志
端於此占之矣敢敬書以勉

至元二年

世祖及順帝皆有至元
年號此至元乃順帝時

州判官許

廣大興建設顏子像以配享仍給富九都沙漲

昌國典詠

卷六

三四明叢書

塗田以供祀事許廣大爲記

舟山志州判許廣
大至元三年六月

到任記
文未載

明鄭真滎陽外史集送岱山書院陸山

長盛時文治似唐堯庠序煌煌碧海遙藩省故

人多薦剡瀛洲仙子失招邀沙田如草秋無雨

賦地浮花夜上潮講道從容雲榻靜閒將風物

寄清謠緒曾案慈湖楊簡絮齋袁甫蒙齋劉黻

許孚字正齋魏渠字方真而主講席者許定也

定海縣志列許孚於元人之末而朱介許定潛

德弗耀余案俞勉

大德志俞勉字勉道宋政和
閒入太學年才十有八時學

在東京夏晒爲博士鄉之游上庠者
昉於此案舟山志定海縣志俱未載郭維詳郭

墓任正之大德志任嚴字汝翼父正之早膺鄉

誌薦隱德弗耀公忍貧力學預鄉薦一

舉擢進士第初調德安民曹試令

王文貫王安

道大德志王文貫字貫道以詩學鳴弱冠薦於

調儀真校官秩滿司鑰左帑尋除架閣掌教麟

甲午再薦擢寶祐癸丑先以來名與公同領鄉薦

進士第終於婺水學官至正續志文貫精毛氏

詩說以輔氏爲宗從遊常數十人奉化汪元春

慈溪黃震俱以議論政事稱於時文貫由是名

益著錢大昕云至正成化二志俱以宗道爲文

貫之弟惟奉化志以爲時敎子非也朱介進士

無其人所謂舉首進士許定許孚魏架郭薦應

蓋特奏進士宋有此科

季挺大德志小學在學東廡之南舊名親仁齋

且爲之記案郭薦卽同修大德昌國州志者志

末有郭薦等應翔孫明章珍通經史術數中丞

申繳文牒

薦之不從歸授朱樞字守要廉讓有恩義於券

山下邑令表其堂曰熙世高賢年見張

八十餘子垣邑庠生盛德高行施邦彥下張

正模字國範孝謹好李能白字虛申定庠生友

讓兄緝橋構周介字士廉事母至孝成人韓璉

亭置義冢欲贈田三十畝助菽水不受

一日母往女家躬爲負輿喜曰母覺微

重養猶未已也家室供母匕箸常饒

靜號東洲正德戊辰進士授上海令先是吏遣

卒逮捕細民卽倚勢需索於是獨木人於庭有

陳訴者卽令持置所訊之家其人抱木人自詣

無敢後斥常例輸官倉督儲索資不與中傷之

改令湘潭遷知匡州擢徐浴字維新潭弟乃安

山西僉憲事辛於官

黨韓克濟字用之嘉靖壬午舉人六安知州鎮

文集行繆廉兄弟七人至老同居聚族李澤序

於世繆廉百餘口其祀各有條理

封股療母督學將表其門澤敬之曰澤欲

生母而非中豈所以教也終身諱其事李陞

字世登湖口教詠自號張垣字邦翰處州教

章翁性剛正嫻禮節

鎬歲儉賑饑重金子深俊亂孳母過南潭橋挺

鎬修狀元橋

昌國典詠卷六

三四明振書

約圖刊本

之

士所當祀於鄉賢者也不得以名位不顯而遺

去或曰賊果迫計安出曰愚時皆經明行修之

所爲者母也而賊之去來不恤

楊袁教澤尙如新道岸茫茫孰問津不乏名儒如許定

豈無好義魏方眞

紫陽書院

舟山志梅魁號霞山東甌人舊參將府在臨山

穆廟從兩臺請移鎮舟山公創府署立團練興

二市以周民用以直道去軍民立石頌德陳壇

作去思碑記

倭夷爲中土志自嘉靖己酉至於今餘二十年矣國家所以經略之

者甚至於設總兵參將開府建牙而臨之以

總督之文臣然後氣勢雄而機宜素足以壯東

南之保障參將之設初治臨山近始移泊舟山

舟山之有參將自霞山海公始蓋隆慶己巳也

兵亂之餘民物凋瘁又懸居海中眾洶向無固

志公開府其間筭路監縷以故庶事革創百允

旁午公居之以鎮定運之以籌畫經之以討論

決之以措置於是物色備人心安莫辨桑之樂

士回文物之舊規壯天險之金湯牢地軸之門

戶公之功偉矣故公起家盤石爲把總爲守備

爲都指揮爲游擊將軍而後爲參將其建立處

於松門於南龍於磐石於桐山前歧莒崗於東

大壘懸山南策於卻山於五爪湖於英烈湖劍

山青棚每先登擒勦有雋功軍門按院所以禮

獎刺薦者無慮數十舉咸以大將才歸之木兵

以東南之寄委重焉蓋妙簡也一疏勒開而乃

昌國典詠卷六

三四四明叢書

約齋刊本

解任去民庶軍伍若赤子去其母傍徨無所呼

籲乃謀志去思於石以吾兒鉅亦有事於防海

之役謂子之知公也稔故索余文以章之乃列

狀俾余訂所覽余閱之信乃飾之曰血民曰體

士曰藏樓直曰壯形勢曰冒難險曰嚴號令曰

謹斥巖曰固哨探要具本曰好學曰厲廉是故

公之居舟山也先之以不擾重之以緩戢天道

亢陽即蔬食素服窮節成錫誠而誘得雨有秋

歲或不登公捐貲賑濟募商給船使穀輻輳至

而平糶之用免於餓殍地溼而藎熱民康瘳疽

者多公命醫採膏以散施之率有濟非恤民

乎舟山昔多文士至有大魁爲浙士先者近則

鮮聞公則相山川培形勝以回風氣加意學校

於諸生賓禮幾按無不用其情焉諸生亦咸厲

而思奮非禮士乎凡措置必執之要有可行而

未行及行之而未盡者必謹行之籌算周詳綜

理精密及戰必謀定而後發故鮮有敗衄非謙

機宜乎定海爲明越之門戶舟山爲正海之耳

目諸哨又爲舟山之環衛自公居舟山分布遠
近如常山之蛇戰艦外巡陸兵內應舟山遂爲
海上巨鎮夷舶不敢窺近於龍亭武潮演武之
臺樓櫓雉堞之備皆飾而新之非壯絕險隘探
公督哨遠歷窮洋或舍樓船就小艇絕險隘探
壑阻颶風驚濤不憚以身犯之是以各哨用命
無或詭託以自安者非冒難險乎至於嚴號令
則訓練之有方約束之惟謹言出而不反計成
而可按謹斥堠則壘臺之相望烟火之不爽固
哨探則二汛有列艦餘日有輪哨凡此略舉其
概至於運用之妙翁張之善必收萬全不事一
擲古之所謂伏波將軍公其足當之歟公學通
經史詩文皆入格律初爲庠弟子員以承襲罷
試事於諸子百家陰陽醫卜靡不通貫故以博
洽之學發明敏之才全智信仁勇嚴之道悟張
鈞之淵奧極騎射之精能所以成文武才也好
學之效如此公守寧紹謹廉靜之節絕苞苴之
私食粟器用咸取自其家茶鹽薪芻盡易之以

昌國典詠卷六

玉四明叢書

約園刊本

粟故治必先之以身令不反其所好廉則生威
生明其賞人也非市恩以要報其罰人也非假
酷以濟貪臨人無愧色何令不行何功不成厲
廉之效如此然則公之名將能係人永思豈無
本末而直以意氣勇力爲之者耶是役也把總
陳君典爲之董事鄉宦陶公積爲之徵文庠生
陸鍾爲之據實而吾兒鉅則從事其後以終其
勒石者也附書之又係之銘曰天吳一夜翻東
瀛排空駭浪騰奔鯨機槍格芴太白精惡氛滿
地墮妖星九重赫怒輝天兵授鉞開府臨滄溟
文武勳猷憑皇靈坐空夷服避蒼生桓桓霞山
世胄英氣字清秋懸玉衡文章瑞露金蓮身
經百戰萬伐成戰袍淋漓妖血腥將材屢屬臺
臣廷參戎簡注標奇能煌煌靈書下彤廷許公
創治翁洲城扶桑萬里飛天聲虹腰截斷天爲
清颶母揮御波爲平東南赤子安不驚依然樂
土狎農耕忽釋重務歸擔輕振蛟莫慰軍民情
穹碑勒文覆石亭愧無椽筆美前稱峴山碑存

墮淚名此碑勿泐猶丹青公歸時復看青萍用
之戎狄皆爾膺高懷莫貽泉石盟崇勳終施篆
鼎
銘
舟山志紫陽書院在城中隆慶丙寅參將梅

魁率守禦官創今廢

五爪湖中賊艦沈欲馴戰氣入儒林一時俞戚輕裘度

譜出鏡歌雅頌音

蓉浦書院

定海續志莊綸涓題書院產簿余籍毘陵距澄
江百里早聞蓉浦繆先生之名今歲莅定閱乘
志二十年經濟井井心竊儀之一日紳士左顧

崑國典詠

卷六

三六

四明叢書
約園刊本

詢書院何以別於義學僉曰繆公功德祠也公
讓弗敢居易祀文昌之神後公辭世構東廡三
閒置公像曰蓉浦書院嗚呼公莅任當展復之
初政教及人乃淪肌浹髓至此記曰有功德於
民則祀之公殆與朱邑文翁鼎峙不朽矣祀產
向屬僧理名有實無茲專畀葉生司其出納劉
生爲之副又聽眾議以衙頭屋租兌撥義學以
義學之盤嶼山產併歸書院將一年所入修葺
庶輪奐重新蒸嘗不替至於撙節留餘徧植花

木棠陰歲茂芙蓉錦帳與海霞島霧掩映一如
曩昔是在葉生矣余跂望之又題義學產簿癸
酉秋余甫莅定過城北見大署於門曰義學詢
厥所由則繆塾也蓉浦繆先生爲余同郡先達
莅定最久善政彰彰邑乘尤雅意作人爰建此
塾中講堂左右學舍翼以庖廩凡二十間歷今
數十餘年規模如昨嗚呼夫亦可見公之治矣
比因司訓乏署往往僑寓於此紳士謂非建塾
初心請專爲生徒敬業樂羣地余韙之塾產半
出繆公厥後曹公黃公後先續置一一開列於
左郭生敦品人也令司出納自能撙節俾繕口
無缺修葺有資至於奏雅歌風鼓琴秉籥海隅
樸樸日進文明非俗吏所能爲也是在施絳帳
者

廿年撫字竭深衷能使弦歌徧海東說到澄江何以報
諸生石室祀文翁

社倉

大德昌國州志社倉舊有田六十七畝淳祐十

二年縣令費詒建屋二十楹楹於龍峯山門之
左且率鄉人士祖朱文公遺意釀金於浙右米
艘之至賴糴以蓄其中青黃不接艱食之時則
平價以糶歲以爲常亦救荒之善術也歸附後
倉燬於火遂廢云緒曾案龍峯山門卽普慈寺
米來浙右備年荒社穀遺風法紫陽誰補海濱循吏傳
龍峯山下費公倉

永豐倉

寶慶四明志濟民倉嘉定末年令趙大忠建慈

昌國典詠

卷六

二六

四明叢書
約園刊本

湖楊簡記

案慈湖遺書
失載此記

大德昌國州志永豐倉

舊係往宋縣丞廳至元十七年升州遂爲縣治

縣旣廢改爲倉專以儲本州官民田所納之租

海上諸鎮守司附州稍近者軍士於此支給月

糧大德二年春令中書左丞行浙東道宣慰使

鎮遏海道到州謂倉之四顧人戶頗疏乃理中

廳五間爲倉屋兩廊析爲軍營後堂以處鎮守

官於是倉營雜處益以備不虞

屯田充國法相兼橫海樓船守禦嚴能使足兵還足食

不徒網罟擅魚鹽

魚鹽

大德昌國州志漁鹽歲辦不等舊實無之蓋附海之民歲造魚鯨多買有引客鹽爲用官未嘗置局也自至元三十年昉於燕參政

南康人

之奏

於海邊捕魚時分令船戶各驗船料大小赴局買鹽淹浥魚鯨然船戶亦有不爲漁者非官司驅迫鮮有樂於請買自是歲嚴一歲買數愈增大德元年至買及八百餘引姚寬西溪叢話云

昌國典詠

卷六

三五四明叢書

約園刊本

並海而東爲越州餘姚縣石堰場明州慈溪縣鳴鶴場皆九分至岱山昌國又東南爲溫州雙槎南天富十分著爲定數蓋自岱山及二天富皆取海水煉鹽所謂熬波也自鳴鶴西南及湯村則刮鹹以淋鹵以分計之十得六七

驗船增引力艱難驅迫年年苦上官參政但求魚鯨利不思文學議桓寬

酒茶課

大德昌國州志酒課周歲散辦一百一定四十

九兩八錢八分以民苗之多寡爲起課之贏縮
其無田而沽買者亦在其數又茶課周歲起催
三定丹五兩六錢四分舊實無之始於至元三
十年茶提舉司到州取勘爲無茶園及磨茶戶
姑令各都認辦此數

鄖筒顧渚美相誇何事誅求到海涯辛苦島民供歲課
黃公坊酒普陀茶

狀元橋

寶慶四明志狀元橋在市心紹興三年令王阮

昌國典詠

卷

三四明叢書

約園刊本

創立於兩邊石欄刻二句云人從石上行狀元
此時生後遂以狀元名之寶慶元年令沈剛孫
建亭五間於上二年圯於風舟山志狀元坊舊
在張信狀元宅前成化初巡海副使朱紳總督
指揮使張曾立於狀元橋西張信字誠甫登洪
武癸酉應天解元甲戌進士第一人授翰林院
編修遷侍講直聲振於朝丁丑二月會試命閱
覆試卷忤上意謂爲胡藍黨被誅明黃瑜雙槐
歲鈔鄞人單仲友以能詩名洪武中徵至京師

獻詩稱旨得備顧問因言本府名明州與國號
同請上易之徐思曰汝言是也復詢仲友山川
識緯之詳仲友對曰昌國縣舟山之下舊有狀
元橋蓋識言故云而童謠謂狀元出定海此最
爲異以臣觀之二邑素無類異才豈將有待耶
上聞定海之名喜曰海定則波寧是宜改名寧
波時洪武十四年也迄二十年省昌國併入定
海二十七年縣人張信果應其讖蓋信卽昌國
在城人也信旣狀元及第自修撰進侍讀時韓

昌國典故

卷六

三

四明叢書

約園刊本

王安王靖江王以幼小俱在文淵講學偶與右
贊善王俊華司憲及韓安二府太史黃章同坐
觀杜詩絕句云舍下筍穿壁庭中藤刺簷地晴
絲冉冉江白草纖纖章舉以爲問俊華曰此蓋
傷唐室衰微有所爲而作觀其無題可見矣信
曰是時與貞觀之風大異宜有此詩也而諸王
至言奉旨各寫古詩一首是覽信卽以此詩與
韓王寫去御覽大怒韓王曰張信教兒寫耳上
由是惡之二十九年二月同編修戴彝膾敕諭

女百戶囊進呈奉旨增二語信還文淵閣寫成
仍舊不增彝勸信改易不從謂曰事涉欺罔禍
可旣乎三十年二月坐覆闕會試落卷以不堪
文字奏進與章等同誅而彝獲免云張狀元宅
在城南會源橋東緒曾案昌國狀元張信前無
人舟山志袁狀元墓有二一在岱山梁家橋之
西一在城東二十五里陳家壘之南定海縣志
謂宋狀元廣微公葬岱山狀元公父變葬陳家
壘考至正四明續志正獻袁變墓在鄞縣穆公

昌國輿詠

卷六

三

四明叢書

約圖刊本

嶺聞性道鄞縣志正肅袁甫墓在鄞縣東綠野

壘是皆不葬昌國又變字絜齋甫字蒙齋

袁變絜齋

齋集先公墓表公諱文字質甫四明鄞人也葬於縣之陽臺鄉穆嶺之原次子變煥章閩學士孫甫朝奉郎而舟山志云甫岱山人少失怙恃

權知鄞州漫跡於鄞嘗受業於絜齋先生之門竟不知絜

齋卽甫之父尤可怪也大德昌國州志宋進士

題名自紹熙癸丑應儵登第破天荒

大德志應儵字得自

號蘭坡幼穎悟才四歲默誦語孟六歲賦江路野梅香有橫斜淡月黃昏潮洩早春消息之句鄉老咸異之登紹興癸丑進士第調烏程尉議毀淫祠獨存徐孺子廟德清有沈氏兄弟訟財俾

公按實公委曲調曉枕有子適魁鄉黨因賦詩
答之曰嘉木濯澗春意好可憐不種紫荆花兒
弟感動其爭遂息官至文林郎湖南撫轅子俊
字宏道從安晚鄭先生見義必爲鄉論推許壯
游江淮信庵趙公一見奇之俾與籌帷幕裨贊
等多制府上功將命以文學不果就右階官至
修武郎孫名翼孫字子燕以詞賦入太學登景
定三年進士第仕至修職郎曾孫實元貞元年
出爲上書授海南安撫副
使率使蘇龍國鄉人豔之共二十八人不列狀
元袁甫寶慶四明郡志狀元坊在鑿橋爲袁甫
立知非居昌國矣

紹熙登第破天荒星宿珠聯峙寶坊畢竟龍頭生此地
人行橋上有輝光

昌國典詠

卷三 四明叢書

約園刊本

龍首橋

莊綸涓定海續志重建龍首狀元二橋記狀元

橋曷以名非以前明張狀元名信洪武省殿試皆第一名也

志載宋淳熙十六年令王阮立事詳遺事查遺

事缺如志又載昌國士子未有登第出仕者自

阮建學文教丕振魁輔輩出焉意者王公建橋

時預錫嘉名以鼓多士歟姑勿論第是橋在城

東南市中每日行人肩摩踵接余莅定之明年

見橋將圯石如齒豁中有大榆樹突起高三四

丈根盤鬱而暢達故橋日鬆而石日裂過者視
爲畏途余躍然有重建意居民謂樹有神不可
伐伐則崇元戎陳公詢於余余曰樹橋之靈也
樹不伐橋不可新陳公領之乃召耆老曰新橋
必先伐樹休在民咎在邑宰耆老唯唯耆告諸
民民亦唯唯是秋適洋艘至商人咸趨普陀禮
懺又演劇天后宮酬神余勸之曰爾等邀杳冥
不可知之福何如作當前利濟之實德乎商應
如響三日集二百金卽交耆老孫殿賓翁啓瑞
合之前令勸捐如干不數月而橋一新名由舊
乙亥丙子兩歲皆大稔民無疾疢令亦無恙由
此觀之神崇之說信耶否耶縣治數武又有馬
尾橋不知昉於何年亦將圯夜行有溺於水者
集捐七十餘金購石鳩工方廣正直往來者稱
便題橋曰馬尾牛馬走勞象也嗟乎民亦勞止
汔可少休乎古人云寧爲雞口毋爲牛後橋以
尾又豈多士彙征之象乎余以龍代馬以首易
尾鐫石曰龍首橋蓋以橋近城東取青龍之義

且登龍居首與狀元橋相輝映也吁二橋新矣
橋之下周道皆河濬河通合邑氣脈尤利人文
紳士聚議未果余今往矣未與之事又不獨河
也統俟後之君子

太史公呼牛馬走名場何日息勞勞昔年驥尾今龍首
始信題橋志願高

陳太翁橋

大德昌國州志州市第二橋第三橋皆在州市
之南往宋明道初陳氏居士文諒自開封徙居

昌國典詠

三五四明叢書

約園刊本

於此捐資建此二橋人不病涉目爲陳太翁橋
又東江橋去城五里舊亦陳太翁所建圮於風

潮厥後太翁諸孫覺城居士重爲建造

舟山志
東江橋

陳文翁諒建後圮於風潮孫翁奎重新元陳進
士宅在城中監橋東施家灣在城南東江浦之
內戰船收泊之處弘治以前
田皆斥鹵今悉成熟而腴定海縣志明道初

文亮自開封徙居創建緒曾案舟山志訛太翁
爲文翁縣志失去陳姓亦不載覺城居士重建
宜補之咸淳五年進士陳廩乃太翁之後其第
一橋卽狀元橋也

東江五里款行人市上雙虹跨海濱好與太邱留姓氏
不須鞭石詫嬴秦

虹橋

大德昌國州志虹橋去州北十里枕大溪形如
臥虹舟山志虹橋書院在城西七里宋太師余
天錫建以延師教里閭之來學者今址尚遺山
麓

曾聞少海擇村童學舍離離蔓草中飲澗長虹宛如昨
連蜷誰復辨雌雄

昌國典詠

卷六

三五四明叢書

約園刊本

聯桂坊

寶慶四明志聯桂坊上築爲趙氏兄弟聯名登
第立大德昌國州志聯桂坊州治北往宋嘉定
間爲趙時恪時隨兄弟登第立趙時恪字恭仲
自號菑坡嘉定辛未擢右科越甲戌再登進士
第調池州青陽丞三仕於京薦甫及恪竟以疾
終伯兄時慄弱冠魁漕薦以覃恩授官隱德不
仕其子若誠於景定元年宗學推恩季氏憶登
嘉定四年進士第調廣德建平簿次推法掾既

而司鍵左帑令高郵興化改倅撫州鄉人以聯
桂榮之舟山志趙青陽宅城中青雲橋北趙德
勝宅城西鼓樓右聯桂坊府治北嘉定九年令
趙崇質爲趙時吉若諫必睽必睽叔姪兄弟同
登進士立
緒曾案宋宗室魏王廷美九世孫
以時字聯名十世孫以若字聯名
天水仙源肇帝家巍巍甲第擅清華月中丹桂聯枝折
交映珊瑚照海涯

神童坊

寶慶四明志嘉熙元年童子科應翔孫大德昌

昌國典詠

卷六

三七

四明叢書

約圖刊本

國州志神童坊在上榮往宋嘉熙閒爲應翔孫
試中童子科立又云上榮門在北隅舟山志神

童坊令余桂爲應翔孫立緒曾案翔孫爲僑之

孫徽之姪
戴表元刻源集昌國應君類書蒙求
序余五六歲時親黨閒有中童子科

者心慕之蓋其法以通念九經而復試中能文
爲出身夫以江南東西閩浙推湘廣蜀之大試

者歲不過一二十人而中者不過一二人則亦
可謂難矣景定咸淳閒試員稍眾有司厭之以

爲徒儻人之涼心而長浮慧廢其科不用因念
取士之法微矣進士科最貴最敝三舍弘辭次

貴然亦皆編析成言以待問誥比虛辭以眩舉
幸而得之則莫不次之擢非若童子眞能淹誦

羣經而試所能而後授一下士之秩而已自餘
任子軍功吏員納粟之類歲以累百計又所不

論有司不敢廢豈皆愛其能哉重變古耳而獨
斫於童子一二人何耶其不詳之甚矣童子科
既廢三十年人諱之不習而風俗愈不加厚余
以窮授徒江海上鄉大夫昌國應君翔孫過之
相與慨歎江南經術荒蕪紛紛朋儔中疑難滿
胸而卒無所問是誰當執其咎者出其類書蒙
求示余凡經之指篇標韻舉繁然在目汎濫而
及於禮儀爾雅諸子揚雄之太玄馬融之忠經
莫不皆有蒙求自初本以來昉而爲之說不一
氏其能散而完博而精固未有如此書者應君
蓋景定咸淳前未廢科時童子也嗚呼難哉余
既序其書昌國宦學士大夫應氏實爲祖至參
預公遂大其闕闕而應君學問氣行白首不衰
方就家塾請合祠先賢天之欲昌其文以淑其
徒者意未已也方同桐江續集應子翔經傳蒙
求序王伯厚尙書學極天下之博長予四歲予
嘗敬事之戴帥初博士文極天下之粹少予十
七歲今予畏友也四明二先生俱以其里中應

昌國典詠卷

三十四明叢書

約園刊本

君子翔翔孫所著經傳蒙求爲然子無復容喙
矣竊嘗謂道一而已而物有萬古聖賢之學不專
在言語文字而亦不離言語文字日月星辰與
天爲體運而不已山川草木與地爲體生而不
窮而言語文字與聖賢爲體傳而不朽物也所
以用之者道也道不離物易究休咎書記治亂
詩美刺春秋褒貶三禮辨上下論專仁孟兼言
義皆以言語文字與道爲體其妙用所在一而
已一者何道是也然則何道也天地之心耳此
之謂道而以其道用乎日月星辰山川草木之
物故曰道不離初聖賢之心欲使千萬世之人
爲善不爲惡以復其有善無惡之性則不容不
著之書此言語文字所以爲斯道有形之體而
無形之道所以用乎有形之體而寓於言語文
字之中也顧可忽諸子翔所爲蒙求自易至論
術部家之書亦與焉予襲亦嘗掇其奇語難字
以供刀筆艱深之中翰平易不過一陰一陽一

晝一夜一寒一暑消息往來幽明死生之故易之註疏也獨可用六日七分曆法一歲則易之一端耳康節經世書出於此或謂子好太玄又出雲覆部下回曰不然凡言語文字之不詳於理者皆與道爲謬片雲起於天而澤四海粒粟根於地而飽萬民一畫肇於聖人而開百里天地聖人之道皆託於物近世有欲絕滅言語文字以爲學者敢痛詆朱文公著述謂率多於古人動累於後來黨陸也其人雖打使君不滿五十而死天棄之矣讀子翺之書者亦曰與道爲體能於有形中求無形則將於無味中得有味矣子翺早中童子科伯父徽嘗參大政云

九經中第羨垂髫爲湖蘭坡世澤饒一卷蒙求貽後學
莫誇任子襲金貂

短篷

昌國典詠 卷六

三五 四明叢書

一約園刊本

宋周密癸辛雜識續集楊大芳嘗爲明州高亭
鹽場場在海中或天時晴霽時見匹練橫天其
色淡白則晴雨中分土人名之曰短篷亦蜃氣
之類也緒曾案大德昌國州志高亭在岱山

變幻陰晴顧盼中世人只解愛青紅仙臺排出金銀氣
更遣神舟揭短篷

翁洲銅鼎

寶慶四明志翁山一名翁洲縣東三十里徐偃
王所居也今城址猶存抱朴子論古仙者之藥

以登山爲上而以海中大島嶼若會稽之東
翁洲之類者次之乾道閒耕者於其下得銅鼎
一無足而有耳耳亦不穿中可容斗餘而底之
埃墨猶在以歸進士陳節謂煉丹之遺器大德志同
舟山志翁山由葛仙翁名定海縣志葛洪嘗隱
山中稱葛仙翁故山以翁名然緒曾案抱朴子
云翁洲之類次之則稚川時已先有翁洲之名
矣謂銅鼎或其遺器可也

徧訪名山采藥遊早聞海島有翁洲至今銅鼎都飛去

昌國典詠 卷六

四明叢書 約圖刊本

畢竟神仙何處求

譙樓銅漏

至元四明續志譙樓在州治南百步天曆戊辰

四月知州趙雍建新製刻漏廉訪使鄧文原爲

記云古者擊壺氏凡軍事懸壺以聚攔司寤氏

後世擊鼓掌司夜三更以詔夜上夜禁鼓人凡軍

流番直之異古制矣昌國縣慶元在海東南古

州上或云越王句踐欲遷吳王夫差於甬東是

也唐曰翁山縣宋元豐閒改爲昌國登高而望
鯨海波瀾極大無岸若高麗琉球暹羅之屬
互海外諸番所經日本市易則選兵戍守以領

海道近至元中陞州凡官署符移圭田俸賜悉
易其舊而麗謀未建非所以重侯藩而成遠裔
也泰定丙辰吳興趙侯仲穆至論諸州之僚佐
等僉曰惟允於是詳文告精工庀材乃幹乃址
以構以牖儼爲飛樓巨事觀游惟軍容是肅測
度有規警嚴有節樓成大飲酒合樂以落之鼓
角初奏如蟄之雷如沍之春奮揚敷舒羣情暢
達檣帆上下瞻望斯樓薄乎雲漢咸太息曰前
是未之有也有父老言曰官於是者以是邦選
居海陬率鄙夷吾民懦者弛慢貪者驚暴散斂
狎至期會星火我民用不得恬息今侯一以廉
平致民於理桴鼓不驚不議吏卒田有上腴
有淳鹵鉅艾既登權賦入始製銅漏以節晨
夜嚴鼓角以戒昏曉八風既至四時既序以新
民聽以導民和願侯無去以重我邦民之思余
曰鼓角者號令也擊壺則號令所由本也今夫
陰陽寒暑化機不停而凡席之內銅壺漏箭實
司其濶古創物者範金必精挹玉必清必待時

昌國典詠卷六

四明叢書

約園刊本

日之運行是以誠信旁浹而敷教宣明辰入酉
退官有法守出作人息民有訓程虛以受其成
靜以時其平寓智於物而不有其智取明於水
而水無縮盈雖風雨晦冥莫變莫測而不失常
經爲政之道何以異是夫侯其益加惠於是邦
之民有與除者無不與爲也後之登斯樓者亦
曰制作之勤修繕致和元年四月記又云知州
必時以勿替前規

趙雍奉政大夫泰定四年六月之任舟山志謙

樓元知州趙雍建制刻漏於上後革縣移置郡

城圖繪寶鑑趙雍字仲穆文敏子也緒曾案仲

穆爲孟頫之子書畫有父風其任昌國知州爲

泰定四年迨至順二年十月奉訓大夫呂天倪

之任自丁卯至辛未凡在任五年必多治績鄧巴西文中稱其一以廉平致民於理桴鼓不警已足見其大概是亦元時昌國循吏之一定海縣志秩官元知州雍上空一趙字當據至正續志以補之鄧文原爲元代文章大家文集散失後人掇拾雜文七十餘首爲巴西文集一卷譙樓記當補入也

漏箭聲隨子午潮飛樓百尺枕山椒墨蘭但愛佳公子
誰問勳名到麗譙

昌國典詠

卷六

四

四明叢書

約園刊本

白鹿

元和郡縣志翁洲周環五百里有良田湖水多麋鹿籌海圖編天同舉有鹿夫善射嘗勝倭寇

山陰徐渭文長代胡宗憲初進白鹿表

臣謹案圖牒再

紀道論乃知麋鹿之羣別有神仙之品歷一千歲始化而蒼又五百年乃更爲白自茲以往其壽無窮至於鍊神伏氣之徵應德協期之兆莫能罄述誠亦希逢必有明聖之君躬修玄默之道保和性命契合始初然後斯祥可得而致恭維皇上凝神御穆抱性清真不言而時以行氣爲而民自化德邁軒皇之上齡齊天地之長乃致仙糜遙星海嶠奇丰灑雪島中銀浪爭輝妙體搏冰天上瑤星應瑞是蓋神靈之所召夫豈虞羅之可羈且地當寧波定海之間浞時值陽

長陰消之候允符晏清之效兼昭晉盛之占願
臣叨握兵符式遵成算蠢茲醜虜尚爾號梁日
與偏禪相爲犄角偶幸捷音之會嗣登和氣之
祥爲宜付之史官以光簡冊納諸文囿俾樂韶
臺覓草通靈益感百神之集

定海縣志嘉靖三

十六年八月二十五日海北獵戶獲一大白鹿

毛色殊異時總督胡公以爲聖天子萬壽之徵
表獻之表文出山陰徐渭彙徐又有代再進白
鹿表有云眷言洞府遠在齊雲聿新玄帝之瑤
宮甫增壯觀遂現素麋於寶地默示長生雖知
守而雄自來海旣輸而山亦應則知牝鹿出昌
昌國典詠

卷六

四明叢書
約園刊本

國雄鹿出齊雲山矣

青詞閣老道家冠欲撰鴻篇一字難白鹿出爲王者瑞
天教雙表壓文壇

頻伽鳥

寶慶四明志頻伽鳥佛書著此名昌國補陀山
有之鄞句章北巖亦有張邦基墨莊漫錄寶陀
山佛殿上有頻伽鳥二枚營巢梁棟間大如鴨
頰毛羽紺翠其聲清越如擊玉每歲生子必引
去不知所之

紫竹林深翠尾梢梵風吹送玉聲敲來從鷲嶺歸龍樹
莫向雕梁認燕巢

長生蝸

緒曾至普陀見一物蝸紋而小如珠僧云此名
醋鼈海沙中有之置諸筐篋雖久得醋輒活有
難產者服數粒則兒生醫家寶貴因以醋試之
果如珠之走盤也及檢新舊普陀志皆不載僧
問余出何書余應之曰此名長生蝸洪邁夷堅
志云開封宋柱元老家藏一物類初生蝸鼓曰

昌國典詠

卷八

四四四明叢書

約園刊本

此長生蝸也其真在元祐閒得於相國寺道人
履常處寘諸篋笥往往終歲一發視亦無他異
但其性喜酸徙之醯中則旋轉而行王晦叔驗
而怪之以爲身走四方水陸之產要不盡識亦
得其七八若此蝸者實未嘗聞見也戲爲作贊棄
蟲介族自託偃偃彼醯雞饕膈徜徉豈不飲醇
而漸甘奈鼻觀之或妨問塗微生高之鄰集百
酸於中腸幸陋質之收斂稅駕於不死之鄉時
無張茂先之多識郭景純之窮搜沒世無聞亦

何傷哉此蝸留於宋氏且百年而不知其前之歲月矻矻腐殼中物理不可曉測者如此今案此物與洪容齋說合知古人不我欺也

悟到醯雞理不窮石家醋醋舞盤中三升飲得延年術認爾前身羊鼻公

蟹醬

山海經郭璞注蟹形如車文青黑色十二足長五六尺似蟹雌常負雄漁者取之必得其雙子如麻子南人爲醬寶慶四明志海族則岱山之

昌國典詠

卷六

四

明叢書

約圖刊本

蟹醬獨珍他所雖有之味皆不及此蟹形如覆斗其大如車青褐色十二足長五六寸尾長二三尺其殼堅硬腰閒橫紋一綫軟可屈折每一屈一行尾尖硬有刺能觸傷人口足皆在覆斗之下海中每雌負雄漁者必雙得以竹編爲一甲蟹焉化者子如麻子土人以爲醬或鮓牡蟹無子本草云牡者背上有目牡者無目牡得化始行牝去則牡死韓退之詩蟹實如惠文骨眼相附行楊萬里蟹醬詩忽有瓶罌至捲將江海

來玄霜凍龜殼紅霧染珠胎魚鮓兼鰕鮓奴才
更婢才平章堪一飯斷送酒三杯方岳秋厓小
孺黃倅饜鱉一僚尉饜蝓蚌十同時至詩云誰
饜螯如徑尺盤更分鱉似惠文冠鮓生醉嚼玉
五殼劍客生劉球一簞我與爾元同齏動冤哉
烹亦到蹢躅不知南食詩何似待問昌黎老子
看嶺表錄異鱉魚其殼淨滑如青瓷盃斂背眼
在背上口在腹下青黑色腹兩傍爲六腳有尾
長尺餘三稜如稜莖雌常負雄而行捕者必雙

昌國典詠

卷六

四十四明叢書

約園刊本

得之若摘去雄者雌者卽自止背負之方行腹
中有子如菽豆南人取之碎其肉腳和以爲醬

食之尾中有珠如粟色黃雌者小

小乃大
小說

置水

中卽雄者浮雌者沈郭璞江賦輪轉鱉蝟注廣

志云鱉似便而緒自案水族多雄小雌大鱉形

其雌大於雄三分之一尾堅銳行則豎立所謂

鱉帆也韓詩如惠文者惠文冠也郭璞山海經

注車文當作惠文

一帆破浪趁風搏海若掄才羨爾難滿腹珍珠青玉斗

賜來頂上惠文冠

章舉

寶慶四明志石拒形如大算袋八足長二三尺
足上突出礧礧戢戢如釘每釘有竅浮於海沙
布形如死鳥啄之卷以入水噓釘啜之以次充
腹其次者章舉亦曰章魚以大小呼之石拒如
斗章舉如升南方有石拒此推章舉耳章舉之
又小者曰望潮身一二寸足倍之又一種曰鎖
管亦其類腳短無釘又鬣拔身多鱗長五六寸

昌國典詠

卷六

四七

四明叢書

約園刊本

與章舉蝦合爲鮓謂之三和鮓最美可致遠世
說虞疇父答孝武云天時尙煖鬣魚鰕鮓未可
致卽此也臨海異物志倚望常起顧睨西東其
形如螭蝟大行塗上四五進常舉兩螯八足起
望行常如此惟入穴中乃止嶺表錄異招潮子
亦螭蝟之屬殼帶白色海畔多潮潮欲來則皆
出坎舉螯如望故俗呼招潮也石拒亦章舉之
類身小而足長入鹽乾燒食極美又有小者兩
足如常曝乾後似射踏子故南中呼爲射踏也

職司瞭望向蓬瀛子午湖頭入槩迎兼領蟹蝦勤獻替
三和歷到五侯鯖

纒魚

寶慶四明志烏賊本草云是鷄鳥所化其口腳
具存猶相似爾腹中有墨今作好墨用之陳藏
器云昔秦王東遊棄算袋於海化爲此魚其形
一如算袋兩帶極長墨猶在腹也蜀本云背上
骨厚三四分日華子云又名纒魚鬚腳悉在眼
前風波稍急卽以鬚粘石爲纒圖經云一名烏
鰂能吸波嘍墨溷水以自衛使水匿不爲人害
又云性嗜烏每曝水上有飛烏過謂其死便啄
其腹則卷而食之以此得名言其爲烏之賊也
南越志云烏賊有疋遇風便虬前鬚下疋而住
疋亦纒之義也腹中血并膽正如墨世謂烏賊
懷墨而知禮故俗謂是海若白事小吏有最小
者俗呼墨斗至正續志圖經云烏賊能嘍墨溷
水以自衛然羣行水中人見墨水至輒可笱羅
而得之元豐九域志明州上貢烏鰂骨五斤

觸纜空身貫月槎腥風吹滿鮑魚來袋中拋卻蒙恬筆
餘瀋猶能嘜墨花

虎蟬

寶慶四明志蟬蛸明越風物志蟬蛸并螿十足
生邊海泥穴中潮退採取之四時常有雌者掩
大而肥重者踰數斤其小而黃者謂之石蟬蛸
最大者曰青蟬小者曰黃甲後足闊者又曰撥
棹子東坡答丁公默送蟬蛸詩有半殼含黃宜
點酒兩螿研雪勸加餐之句舒嬾堂述里諺云

昌國典詠

卷六

四九四明叢書

約園刊本

八月蟬蛸健如虎埤雅蟬蛸兩螿至猶能與虎
鬪至正續志蟬蛸八跪二螿蟹其類也淮南子
曰始蟹珠龜與月盛衰今凡蟹屬月明則瘦月
晦則肥大者曰蟬有虎斑文隨潮湮淪者名虎
蟬小者名黃甲

不作泥中曳尾龜秋高撥棹力能施嬾堂要勘坡詩案
恰似蟬蛸鬪虎時

筴步

寶慶四明志彭越爾雅名彭蠡螿赤者名擁劍

一種爲蜉蝣性寒甚蔡謨讀爾雅不熟幾爲勸
學所誤又一種爲桀步埤雅曰以其橫行故爲
桀步又一種曰沙蟹至正續志彭越一名彭蜉
一螯大一螯小以大螯鬪小螯食物見潮往來
出穴舉螯迎之者名招潮潮退徐行途中名攤
塗在蠓殼中名蠓役入蠓腹者曰蠓口又有倚
望竭朴沙狗蘆虎沙蟹之名皆其賤類也吳棻
詩彈塗爭走穴桀步忽張螯

沙中桀步自無腸擁劍橫行帶甲場鬪楚螯長餐漢短
誰從俎醢弔梁王

昌國典詠

卷六

五

四明叢書

約園刊本

鰓

寶慶四明志郭璞江賦鰓鰓順時而往還注字
林曰鰓魚出南海中有石一名石首吳曾能改
齋漫錄兩浙有魚名石首云是明州來問人以
石首之名皆不能言余讀張勃吳餘載吳有石
首魚至秋化爲冠冕頭中有石至正續志石首
魚皮軟肉薄用鹽醃之破脊而枯者曰鯨全其
魚而醃暴之謂之郎君鯨皆可經年不壞通商

販於外鳥獸考魚首有魷堅如石故名冬月
得之又緊皮者良三月八日出者次之至四月
五月海郡民發巨艘入洋山蕪以有潮汎往來
謂之洋山魚寶慶四明志春魚似石首而小每
春三月業海人競往取之名曰提春不減洋山
之盛冬天筍中有者曰筍春黃滑魚似春魚而
肉細又有一種曰烏眼白眼皆相類案魚首大
朱口金鱗大德昌國州志石首魚一名鰓又名
洋山魚梅魚春魚似石首而小者

昌國典詠

卷六

五十一

四明叢書
約園刊本

景純漫輯枕爲丁鹽腦還如癩璞形怪底穀城尋不見
魚頭公藪石公星

華膺

寶慶四明志華膺腹有帶如幘子無鱗形如琵琶

琵琶名琵琶魚

膺下垂垂帶有華新頰紫幘樂王家段師妙換成連譜
推手爲琵琶卻手琵琶

瓊蛤

寶慶四明志瓊蛤長寸餘腹中有蟹子如榆莢

合體共生俱爲蝓取食漢律會稽郡獻蝓蝓郭璞江賦瓊蝓腹蟹注南越志大者長二三寸負薪輕去買臣妻弟瘦兄肥義孰齊並命合軀如歷鰈飢能同食殼同棲

地青

寶慶四明志地青尾有刺甚長連物則撥之毒能中人與紅相類又名邵陽魚鼠尾魚可鯨又紅形圓如扇無鱗色紫黑口在腹下尾長於身如狸鼠又纖似缸曝爲鯨名曰鍼鯨又呼老鴉

昌國典詠

卷五 四明叢書

約園刊本

鯨

導渭曾聞烏鼠山征雲愁過老鴉關何如穩臥蓬壺島
脰腊同供匕箸閒

關胡

寶慶四明志關胡形如小鯢跳躑泥中一名彈塗

風雨乘潮大海鱸泥中跳躑爾何求鵬搏鴉笑誰優劣
付與逍遙物外遊

水母

寶慶四明志鮑形如覆笠肉如血蛸腹下如純
絮以蝦爲目一名水母元謝宗可海蜃詩層濤
擁沫綴蝦行水母含胎孕地靈海氣凍凝紅玉
脆天風寒結紫雲腥露衣褪色冰凝滑瑤縷烹
香酒力醒應是楚江萍實老誤隨潮信落滄溟
郭璞江賦水母目蝦注南越志曰海岸間頗有
水母東海謂之鮑正白濛濛如沫生物有智識
無耳目故不知避人常有蝦隨之蝦見人則驚
此物亦隨之而沒蛇音蝟二字並除縮切太平

昌國典詠

卷六

五十四明叢書

約園刊本

御覽博物志東海有物狀如凝血廣數尺正方
圓名曰水母無頭目所處則眾蝦附之隨其東
西南北可煮食之嶺表錄異廣州謂之水母閩
謂之鮑疑芻切其形乃凝結一物有淡紫色有
白色大如鴉囀小如盞腹下有物如懸絮俗謂
之足而無口眼常有數十蝦寄食腹下啞食其
涎浮沈水上捕者或遇之卽歛然而沒乃是蝦
有所見耳越絕書云海鏡蟹爲腹水母卽蝦爲
目也北戶錄水母一名蚱一名石鏡南人治而

食之云性熱偏療河魚疾也

天孫吐咳絮雲柔霞縷冰涎入海流綴得長鬚珠一粒
策勳赤水傲離婁

帶魚

寶慶四明志修若練帶名曰帶魚

萬尾交銜載滿艘相連不斷欲揮刀問誰留得腰圍玉
龍伯當年暫解袍

蠔山

嶺表錄異蠔卽牡蠣也其初生海島邊如拳石

昌國典詠

卷六

三四四明叢書

約園刊本

四面漸長有高一二丈者巉巖如山每一房內
蠔肉一片隨其所生前後大小不等每潮來諸
蠔皆開房見人卽合之海夷盧亭往往以斧楔
取殼燒以烈火蠔卽啓房挑取其肉盛以竹筐
赴墟市以易酒肉大者醃爲炙小者炒食肉中
有滋味食之卽能壅腸胃

巖山高簇萬蟻房爾蠕移來峙海疆不耐火攻峯坼倒
笑他開戶學顛當

沙喫

寶慶四明志沙暝塊然一物如牛馬腸纖頭長可五六寸許狀如水蟲無首尾目皮骨但能蠕動觸之則縮小如桃栗徐復擁腫土人以沙盆揉去其涎腥雜五辣煮之脆美全祖望句餘土音沙蒜閩人呼爲泥筍盛夏能凍詩云筍入泥成凍沙生蒜有苗鮮腥需五辣縮質似含桃性以寒能下香因脆愈嬌祇因愁骨鯁肉勝不堪驕案蒜卽暝之音轉也

柔然國裏族分支刻骨無能況相皮怪底觸人形頓縮

昌國典詠

卷六

五五 四明叢書

約圖刊本

怕同混沌巧施眉

龜腳

寶慶四明志龜腳以狀似之郭璞江賦石蛙應節而揚葩又蟻生於巖或簷竹一種名老婆牙今名海瓜子又蠅似蛤而長殼有毛又蜺小於蛤刺生水泥中殼薄肉多含沙以水浸隔日令吐沙

盡方可煮食鶴林玉露壽皇宴因談肴核上問一侍從忘其名浙人也對曰螺頭新婦臂龜腳老婆牙四者皆海鮮也上爲之一笑案今桃花

山出吐鐵俗名泥螺豈卽所謂殼薄吐沙者歟
曾聞龜腳老婆牙博得君王一笑誇潮滿蛤毛茸豆莢
泥香蜆殼吐桃花

撥棹

嶺表錄異蝥蚌乃蟹之巨而異者蟹螯上有細
毛如苔身上八足蝥蚌則螯無毛後兩足薄而
闊俗謂之撥棹子與蟹有殊其大如升南人皆
呼爲蟹八月此物與虎鬪往往夾殺人也蝥蚌
蟹之大者螯跪之下別有雙棹如撥棹然螳蟻

昌園典詠

卷六

五十四明叢書

約園刊本

小蟹螯白如琢玉擁劍螯長如劍擁之而行膏
蟹殼薄吐沫有光可燭普陀短姑道頭泥中有
五色小蟹其螯一長一短長螯倍於身其短螯
僅三分之一其甲紋彩點交錯螯光潤如瓊玉
崔豹古今注曰螳蟻小蟹也生海邊塗中食土
一名長卿其有螯偏大者名擁劍一名執火其螯
赤謂之執火也俗謂之越王劍異物志擁劍狀
如蟹但一螯偏大耳嶺表錄異云竭朴乃螳蟻
也殼有黑紋蟹螯一大一小常以大螯捉食小

螿令以自食

螿蟬撥棹引螿蟻擁劍橫排帶甲馳膏作五明燃寶炬
紋交十色繪雲旗

紫菜

寶慶四明志紫菜吳都賦曰綸組紫絳注云紫
菜郭璞江賦紫莢熒燁以叢被注云莢紫菜也
定海昌國海岸中有之爾雅綸似綸組似組東
海有之賈思勰齊民要術紫菜吳都海邊諸山
悉生紫菜爾雅注云綸今有秩畜夫所帶糾青

昌國典詠

卷六

五十五

四明雜書

約園刊本

絲綸組綬也海中草生彩理有象之者因以名
云緒曾案文選江賦青綸競糾縛組爭映紫菜
熒燁以叢披綠苔鬢髻乎研上紫菜熒燁以叢
披注紫菜色紫狀似鹿角菜而細生海中普陀
所產最佳招寶山下次之

臥龍奮鬣起陸中遺下綸巾大海東風捲紫瀾明組甲
山小草亦英雄

瓦瓏

趙德麟侯鯖錄瓦瓏鑲殼渾沌錢文如建瓴外

眉而內渠其名尾龍注云眉爲高爲眉渠爲疏
爲渠一名魁陸爾雅曰魁陸注本草魁狀如海
蛤圓而厚有縱理文小嶺表錄吳云瓦屋子蓋
蚌蛤之類也南中舊呼爲蚶子頭因盧鈞尙書
作鎮遂改爲瓦屋子以其殼上有稜如瓦壠故
名焉殼中有肉紫色而滿腹廣人尤重之多燒
以薦酒俗呼爲天鬻炙喫多卽壅氣背膊煩疼
未測其本性也

紫雲滿腹酒醺初魁陸名曾附釋魚一鬻竟分天上炙

昌國典詠

卷六

五六

四明叢書

約園刊本

洪蚶更欲覓專車

玉珧柱

郭璞山海經注珧亦蚌之屬也侯鯖錄引海物
異名云玉珧柱厥甲美如珧玉肉柱膚寸曰江
珧柱郭景純江賦云玉珧海月土肉石華退之
謂馬柱甲是此也世人不用此珧字是未知耳
又苗蝦狀如蜈蚣而擁楯名曰蝦公

馬甲明州柱最奇美如珧玉白如脂阿瓊齒痛思兼味
欲逐紅塵嚼荔支

海扇

銜續霏雪錄海中有甲物如扇其文如瓦屋惟三月三日潮盡乃出名海扇四明任松鄉嘗有詩云漢宮佳人班婕妤好香雲一篋秋風初網蟲蒼蒼恩自淺猶抱明月馮夷居至今生怕秋風面三月三日纔一見對人搖動不如烹肯入五雲清暑殿

陽冰陰火鍊形同底事蒲葵謝傳功未解乞恩清暑殿
一生從不怕秋風

昌國典詠

卷六

五五

四明叢書

約園刊本

容齋四筆云文登呂亢多識草木蟲魚守官台州臨海命工作蟹圖凡十有二種一曰螭蟬乃蟹之巨者兩螯大而有細毛如苔八足亦皆有微毛二曰撥棹子狀如螭蟬螯足無毛後兩小足薄而微闊類人之所食者然亦頗異其大如升南人皆呼爲蟹八月閒盛出人採之與人鬪其螯甚巨往往能害人三曰擁劍狀如蟹而色黃其一螯偏長三寸餘有光四曰彭蟬螯微毛足無毛以鬻藏而貨於市爾雅曰彭蟬小者蟬

云小蟹也蟬音澤螯音勞吳人呼爲彭越搜神
記言此物嘗通人夢自稱長卿今臨河人多以
長卿呼之五曰蝎朴大於彭蠡殼黑斑有文章
螯正赤常以大螯障目小螯取食六曰沙狗似
彭蠡壤沙爲穴見人則走屈折易道不可得七
曰望潮殼白色居則背坎外向潮潮欲來皆出
坎舉螯如望不失常期八曰倚望亦大如彭蠡
居常東西顧睨行不置又舉兩螯以足起望惟
入穴乃止九曰石礪大於常蟹八足殼通赤狀
若鵝卵十曰蜂江如蟹兩螯足極小堅如石不
可食十一曰蘆虎形如彭蠡正赤不可食十二
曰彭蠡大於蠡小於常蟹呂君云此皆常所見
者北人罕見故繪以爲圖又海商言海中鼈麕
島之東一島多蟹種名甚異有虎頭者有翅能
飛者有能捕魚者有殼大兼尺者以非親見故
不兼畫李履中得其一本爲作記予家楚宦游
二浙聞廣所識蟹屬多矣亦不悉與前說同而
所謂黃甲白蟹蟬蠟諸種呂圖不載豈名謂或

殊乎故紀其詳以示博雅者

昌國典詠

卷六

李

四明叢書

約園刊本

昌國典詠卷六

昌國典詠卷七

清金陵朱緒曾述之撰

問潮亭

寶慶四明志問潮亭城南背負舟山前瞰門鹿
下臨大海淳熙十六年建待潮亭在舟山恩波
亭大生堂主簿王子亨建合趙大忠記與恩波
亭相近乃祝聖壽放生之所也舟山館合趙大
忠建依憩館道隆觀東定海縣丞趙崇賀權縣
創建水道提綱舟山首向西北尾指東南縣城
近西南

潮消潮長問如何亭館迎人海岸多穩趁風潮勤問渡
但能破浪有恩波

冰壺亭

寶慶四明志冰壺亭城南芙蓉洲環以芟荷舊
名清遠乾道六年主簿趙善譽易之舟山志主
簿趙善譽字延之信安人乾道八年以循歷縣
事政尙簡易而愛民之念惓惓時值歲儉監司
政猛譴課殿於縣而善譽泣謂民曰吾弗能承

奉官司由爾屬瘠也暇輒誦讀於晷後之冰壺
亭一年卽解組而去案護宣獻公鑰攻鳩集朝
奉郎主管雲臺觀趙公墓誌其略云公諱善譽
字靜之一字德廣系出太宗皇帝後公弱不好
弄年十二三誦詩書屬文如老成人未冠失怙
恃固窮自立手不釋卷足不越戶不知飢渴寒
暑之變兩試胄監乾道五年試禮部俱爲第一
登進士第調明州昌國縣主簿昌國遠在海嶼
公介然有守不鄙夷其人爲辨曲直皆明達平

昌國典詠

卷七

二四明叢書

約園刊本

允邑人相與愛服之或訴於郡多願決於主簿
今太師嗣秀王時爲守俾攝邑事對易定海慈
谿三年簿領而無撫字之寄踰二期三邑父老
猶能道其惠政海盜竊發捕得全黨郡欲奏以
上賞公言攝令捕盜不足爲功誠不欲以人命
希賞與嗣秀王爲奏貸羣盜殊死力薦之朝公
未始闕也授兩浙轉運司幹官忽報改秩知撫
州臨川縣人相與立生祠於縣治添差通判常
州遷大理寺主簿又爲大理丞十一年充省試

考官六月除提舉荆湖北路常平茶鹽先嘗進
南北攻守類考上曰卿向所進書可謂有志至
是又進易說謂聖人以斯道寓之書上又曰聖
人以此寓之於書天何言哉易學要須兼通天
人卿史學如此經學又如此及臨遣又曰卿向
來學優則仕今乃仕優則學朕得人矣數日有
請薦擢宗室人才上復言公經學文章雖士林
中亦罕有之十三年除潼川府路提點刑獄漕
使闕上稱公儒者可使抬財就除轉運判官持

節東蜀凡三年士民愛之如父母寢疾二旬上
章力丐歸主管華州雲臺觀及歸臺稚奔送涕
泣不肯去既違寓里屏絕家事獨處一室圖書
自娛一日燕坐榻上頤然而逝十六年八月癸
卯也公天資高明識見超詣研精性命之學所
著易說晦庵朱先生歎賞以爲擴先儒之未明
頤正郭先生嘗序易書謂貫三才之理於其中
一諸儒之說於其外公孜孜好學公退不少懈
率至夜分乃寐嘗爲皇朝開創要覽十四卷又

爲皇朝聖政類編南朝攻守類考

崑山徐氏傳是樓書曰東

南進取輿地通鑑二十卷趙善繼著黃不烈云

三十卷孝節先生趙善譽著即陳氏解題馬氏

通考所云南北攻守類考也宋刻藏無錫其氏家

晉記載年表論語說

鏡歌鼓吹曲祝堯文等詩文六十卷號恕齋類

稿藏於家少名齋以宗廷以勵其操後名以恕

其志將以及物也出而從宦苟有利於民圖之

甚於飢渴救荒施舍之外又所在爲經久之計

在昌國能勸勉富室買田與山專爲編氓嫁娶

喪葬之資云云亦見宋史宗室傳緒曾鈔恕齋

昌國典詠 卷七

四四明叢書

約園刊本

易說四卷首易統論每卦爲說一篇直齋書錄

解題易說二卷潼川漕趙善譽德廣撰

承奉官司我未能陽城下考矢兢兢蒲鞭不響書聲朗

涼月亭涵一片冰

洗心亭

舟山志明陶積洗心亭記云

衛使陳侯分雲嶺州克畢廢壘兵政

咸立先晉營葺公署燦然改觀未幾旋衛而大

兵蝟美乃寓人於宰毀墁巧致來復捐資新之

乃於廳之西偏闢地作亭諸水爲池數以爲

繞以短垣額其額曰洗心爲退思之所客有

而問者曰公署之建古今攸同詩稱退食易稱

稱稱晦冥息陳戶瀟深念之有燕居

省過之有開闢薛隱臥思之有齋咸以政務或
闕冀可於是補全之也今公燕居名亭乃弗是
之擬顧曰洗心何哉侯曰沿舊迹創爲得心
愚茲所務雖政派厥由立匪心固無以爲地也
不觀孟子之見齊王而不言事乎蓋用人行政
之閒適誠不若格心之爲要耳余固知明心本
政之教且利欲交加情易牽滯而中卒迷眩思
欲一洗偏倚黜闇之私使清明在躬足爲應酬
肯綮維維仇香省化於藹亭孫思邈揭銘於座
右率能警心戒德竊有慕焉而未龍也去舊染
而新是圖敢忘疏論異雪之功耶茲亭之所由
名也客聞言唯唯而退後日營成鄉士之知者
攜酒於上致蒸習之忱於時四休孫子執爵饌
言曰蔡邕有言心猶首面去垢之功日惟修善
善有諸已澤流於人匪是之故曷其以心灌乃
曉峯童子滌而更進曰伊昔殷君盤銘日新資
以社惡詎曰濯身聖無滿假克嚴克敬劓茲吾
屬敢忘戰兢次雙槐徐子亦敏衽而進曰西子

昌園典詠 卷七

五四明叢書

約園刊本

蒙穢過者掩鼻惡人齋戒可祀上帝仰侯銘鐫
羨侯章弦規規炫耀寧望自全凡在集者以次
畢於頌禱侯再拜其賓曰詩云他人有心予忖
度之又曰上帝臨汝無貳爾心其今日諸公之
謂也弟不肯碌碌恐莫究莫圖爾敢不佩服斯
義乃上舍省吾韓子思橋朱子庠友小泉徐子
黃君韓子蒙泉王子泊逸士丹崖蘇子董相與
屬筆於梅岑陶子請記之以要永久梅岑子曰
意可也遂物任情時之通俗侯能振拔足音空
谷宴安之中寓有煥毒亭名洗心以理功欲殊
可嘉也遂次第其言俾識之亭壁宜定海縣志
示來者庶繼繩有人罔疏前躅云爾
洗心亭隆慶元年指揮王承恩建緒曾案記文

云衛使陳侯非王承恩也

一點靈臺不染塵全憑洗伐見精神西江吸盡尋常事

滄海橫流障此身

受降亭

舟山志總制胡宗憲題受降亭云十年海浪噴
長鯨萬里潮聲雜鼓聲聖主拊髀思猛士元戎
詎意屬書生身經百戰心猶在田獲三狐志幸
成報國好圖治安策舟山今作受降城都督盧
鏜和云手提長劔斬妖鯨八面威風四海聲白
髮尙能酬壯志丹心應不負平生羣蠻俯伏歸
王化萬姓歡欣慶有成禍本已除環海靜此城

昌國輿詠

卷七

六四明叢書

約圖刊本

端擬漢三城定海縣志受降亭在觀山明嘉靖
時受王直降建又聯恩祠在城中祀俞大猷盧

鏜陶積爲記

記云唐顏文忠公宋范文正公之於饒異時同祠者也蜀諸葛武侯

雲長關侯翼德張侯之於夔同時同祠者也雖不同者跡然治業之同符經畫之同地人心感慕之同情則一而已矣肆我都督僉事盱江俞公都督同知北山盧公之莅事於茲也其德業同時同地同而其利澤之感人心者又同蓋兼二祠之故而有之者也且吾古昌國地方爲浙東極密邇島夷駛檣數潮可抵海隅莫此爲甚我朝雖革遷衛縣輒復命帥侯督備於茲良有以也熙治旣久武備寢疏故頻年以來內究乘之遂導夷侵掠邊氓卒爾遭之辟易俘殘而僞此吸泣之狀殊不忍言二公以公忠慈惠之德老成持重之才先後承命來莅茲土各能以分

守周施其閒或首尾應援或一面奮擊皆戮力
相時臨機制勝而所積俘馘咸數千計方且客
兵聯集凌轢土著則嚴爲禁戢而撫循焉不啻
若慈母之於赤子以是兵燹之餘城域保固而
民不重創秋毫無疇之力耶此祠之所由立也
昔何武在郡無赫赫之名去後嘗見思矧二公
除暴安民而其深仁厚澤足以淪洽人心者哉
今雖或去或留固猶大造之生育四時代禪而
委遺故跡初何責報於人然而人之慕之如寸
草春暉弗能自已夫豈形勢之驟登音笑貌之
爲者耶亦猶饒民之於顏范夔民之於諸葛關
張者矣嗚呼休哉祠因闡聖之故址爲堂三楹
鑿工於某年月日將肖像其閒漸闢門廡庖福
之備屬余記之余辱二公雅選舊矣能以鄙劣
辭乎若其運籌決勝之方經略折衝之跡雖更
僕未易縷數者固將大書特書於竹帛以垂不
朽茲曷
容贅

昌國典詠 卷七

七

四明叢書

約園刊本

能酬推轂莫南邦波靖長城築受降回首十年經百戰
笑看匍匐拜旌幢

樂凱亭

舟山志明陶積樂凱亭記

亭以凱名識夷捷也捷何與於亭哉時相

值也情相係也先是公嘗命屬吏鮑繼宣董作
地亭於府署之右以便休沐既而屆汛期公率
舟師巡海上獲夷寇殲之踰月旋師而亭適竣
工因名樂凱屬余記之昔東坡蘇公嘗亭於扶
風之罾時適喜雨遂以是名之茲公亭成凱旋
乃名以樂凱者得無與蘇情同乎蓋蘇以職民
牧民以食爲天時當亢旱民心孔疚天降時雨
民之樂甚於己之樂也今公奉勅命守寧紹等
處方夷舟擄海上爲邊氓憂喜獲禽獨而餘舟
遠遁民以安培則游息之樂固不若俘馘之更

爲樂於時落成之頌與奏凱之歌交聲歡沸則
公之樂爲民樂也而蘇子之喜爲民喜也又豈
有閒耶由是優游爾休奔鯨伏於滄海泮樂爾
游龍犬靜於花庭或雅歌或賦詩養威望於投
壺橫槊之餘或論文或講藝適宴聞於息馬投
戈之隙其爲樂何如猶未也進思退思期忠過
之盡補獨樂眾樂務休戚之相關凡所以出之
身而施之政者一皆公於己以公於人焉則公
之樂而民樂之也豈惟凱而已哉或曰安不忘
危公之夙心樂且憂焉將何時樂哉余曰否君
子有終身之憂無一朝之患後天下之樂未始
不由先天下之憂得之然則君子患不能憂爾
奚以不樂爲患哉公徐氏諱正字世祿吳淞人
以武科壬戌進士歷仕於此屬天下之望焉時
萬曆四
年也
陶積嘉靖十三年選貢仁齋吳之嘉定
人萬曆三年三月任參將守舟山營務振飭紀
律森嚴每遇汛防身先士卒萑苻無敢跳梁島

昌國典詠 卷七

八四明叢書

約園刊本

夷潛遁虛懷折節敬禮儒生去之日士庶卒伍
俱切攀轅陞黎平總帥以平倭功封蔭三子如
林如楫如彬如彬孕於舟山登天
啓聞進士說者謂賢將之報云
定海縣志樂

凱亭在鎮龍山之西參將徐正建

投壺魚雅習容儀破陣功成酒一卮自有甲兵藏腹內

風流不是執冰嬉

雪交亭

勝朝殉節諸臣錄東閣大學士兼吏部尙書張
肯堂松江華亭人崇禎中在言路著蹇諤登巡
撫福建嘗遣兵入衛唐王命爲尙書請由海道

抵江南爲鄭芝龍所阻唐王敗走從魯王順治八年大兵破舟山城肯堂衣蟒玉南向坐從容

賦詩自經死妾周氏方氏姜氏畢氏子婦沈氏

女孫茂漪同死及見明史張肯堂大義能明忠謀

素蘊嶠嶠渡海慷慨捐生謚忠穆舟山始末張

重寬和不苟言笑威容儼肅望若神明能謙

恭下上愛花竹善圍棋賦詩飲酒與人賞連不

俸初仕濬縣令流寇充斥所至郡縣悉遭焚掠

公以恩義撫慰士民設法防禦至身先赴敵無

不摧敗鄰境亦賴以安遠近畏懷號曰張拏子

崇禎十五年巡撫福建時漳泉開山賊數萬出

沒擄掠官軍不能制公親察行或擒或撫踰年

悉平莊烈帝被難凶問至率士民痛哭將興師

國典錄 卷七

九四明書

約園刊本

討賊會福王立於南京而止乙酉秋福王復沒
乃事唐王於獨改元隆武丙戌春王奔延平公
留守福州凡所措置鄭芝龍悉沮之乃解兵柄
力辭留守之任八月延平失守報至立散遺諸
姬妾徵服開行將訪求王於東粵已而平海侯
周奎芝自浙還知王已敗沒於汀州力請公同
事遂駐海壇山招徠忠義遠近響應丁亥春募
義而不至者益眾公悉出私財給軍資有眾千人
船五十艘周憲有忌心遂於三月十八日別之
而北六月至舟山魯王自閩北還嘗以書招公
公愧從唐王不終力辭不赴己丑九月至舟
山強公爲相不得已拜命雖地狹人少而法令
紛紛事甚繁劇猶不廢詩酒後大兵日迫人有
勸公他圖者公曰我計之審矣昔魯公死後知
死封疆所以不死者以隆武存亡未卜也後知
魯國主在亦高皇帝子孫也固留不死以事之
今惟以死待耳何他圖之可爲辛卯八月二十
一日公在舟山圍城中惟日詠詩并作絕命詞

數章黏於壁九月初二城將陷乃衣冠向天井
曰片堂今日無君可事矣取印劍投於河城中
堂自縊妾四人從旁俱縊公初至時因城北謁
有陳氏廢園多梨杏修植之創草亭於中爲日
雪交殺後移屍其
下焚而藏骨焉 全祖望鮪埼集明太僕東閣

大學士張公神道碑云公入翁洲翁之總兵官
黃斌卿者無遠略雖外致隆禮館公於參將故
署而公所言弗用也但謀據翁厚自封殖以偷
安海外公不得志栽花種竹於園中作寓生居
記以見志其詞曰張子以視師之役航海就黃
侯虎癡於翁侯館余參戎之署中有舊池臺焉

昌國典詠

卷七

十四明叢書

約園刊本

張子葺治之踰兩春秋稍成緒忽自咎曰余何
人也茲何時也不養運甕之神而反躬灌園之
事余豈有狂疾哉偶讀本草寓生之木一名續
斷則又憮然歎曰有是哉木之類余也夫是木
之植本也不土而滋有似於丈夫之志四方其
附物也匪膠而固有似於君子之交有是哉是
木之類余也雖然是木之自託其生也甚微而
利天下之生也甚溥余安能比於斯木哉余也
生世算諧而姓名時爲人指以故不能爲有用

之用如榎楠栝柏之大顯於時而又不能爲無
用之用如臃腫拳曲之詭覆其短以至戴鼈三
傾擊礪再戾疆孤撐而羣撼之螿先登而下射
之浸假而朝宁之上荆棘生焉余因爲溝斷浸
假而棄置之餘風波作焉余因爲梗飄浸假而
師旅之命湯火蹈焉余因爲槎泛斯時身萍世
絮命葉愁山直委此七尺以幾幸於死之得所
而吾事畢矣寧計海上有島島中有廬廬旁有
圃又有地主如黃侯舍蓋公堂下孺子榻乎夫
既適然遇之則亦適然寓之而已聞之三宿桑
下竺乾氏尸訶而郭林宗逆旅一宿無聞焚掃
予嘗校其意趣以爲竺先生似伯夷蓋視天下
無寓非累而是處欲祛之者也郭先生似柳下
惠蓋視天下無寓非適而是處欲安之者也今
余將空無生之累以就有道之安則文山之牽
舟住岸其視易京鄘塢將孰險孰夷耶彼其榮
悴於同臭之根而保貞萎於特生之幹亦若星
則已矣若夫死不徒死必有補於綱常生不徒

生必有裨於名教如茲木之佐兪扁而起膏肓則余方以此自期世亦以此相責非茲言所能槩也然而感慨係之矣無何張名振等奉魯王至斌卿遂死王入翁以公爲大學士輔政公虛所居邸以爲王宮別築雪交亭夾以一梅一梨開花則兩頭相接嘗歎謂蘇兆人汝應元曰此吾止水也兆人曰公死兆人必不獨生又二年而大兵至城陷先一夕吳公稚山至作永訣詞云虛名廿載著人閒晚節空勞學圃閒漫賦歸

來慙靖節聊存正氣學文山君恩未報徒憂悴臣道無虧在克艱傳與千秋青史筆衣冠二字莫輕刪因集家屬曰無爲人辱及晨詣姬方氏周氏畢氏冢婦沈氏卽茂滋母也女孫茂漪俱先投纆諸姬姜氏投水死畢姬先登姜姬止之曰死亦當以序莫怱怱也公曰善乃以序而上及諸僕婦諸婢之從死者公投纆梁塵甫勸家人報蘇儀部縊廡下矣公亟呼往酌之曰君少待我復入纆九月初二日也

南吳舊話錄諸妾及媳文爭先懸梁

開公顧而大笑繼之以泣謂僕曰汝輩雖不幸見此然一門就義彼此眼目亦自灑然乃就縊死者二十有七人

中軍將林志燦林桂等以格鬪死守備吳士俊家人張俊

舟山始末張俊者公僕也時隨公者

尚數人臨難皆倉卒欲避公與如夫人悉出所藏銀器分授之曰視我命絕後若輩持此各自買命可也俊獨不受曰眾皆去則主人於冥途誰爲事者俊不憚先嘗之也乃別繫於廐下與

公同盡焉彭歡皆絕脰死

一云張俊與張忠烈公煌妻彭氏俱死

言輓鮑淵相公云

一身真可繫安危垂死威儀尚漢官魂返黃墟應化碧顏

留青史卽還丹千秋共惜遺金鑑十載何慙戴鐵冠也識公歸箕尾上定依日月信芒寒紗籠姓氏迴無暇晚節何如五柳家欲報君恩餘白髮祇留相業在黃麻樓空燕子從風墜門冷龍

昌國典詠 卷七

十三 四明叢書 約園刊本

孫帶雨斜一自墨胎歌 斷後華亭編喚更堪嗟 上海郭開泰輓張鯤淵

先生云 海外風波起雲間節烈身一門誰惜死 百口共成仁魂魄羣誰附蘋蘩遠莫陳

向空重拜手灑淚溼紅 董守諭雪交歌 危亭孤 卍白注張忠穆字載甯

交命名忠魂恍懔兮夙夜不遑子遠把臂於止 水兮文節頡頏於從容之堂婦姬羣僕激昂爭

死兮酌酒三爵服蘇君之偏強書襟鐵筆兮字 肅秋霜屬後之信史兮莫刪冠裳壯故之毅烈

兮哭故君於鋒刃之鏖曰斂屍而後就戮兮王 修朱錫古之良毋使田橫之客笑人兮滄淵恨

滿悲白楊燕飛梁而銜土兮彈墜淚於路旁借 子猶以翼孤兮脫矰繳於羊腸式趙玉之寶武

兮呂錡之死而復生吾今而合嬰白兮渡風律 峯生寒香鄞人周容字茂三以救徐御史心承

爲王朝先榜掠斃一足自號燧堂往來海上創 淵諸公爭客之有翁洲志一卷翁洲死事諸公

傳一 卷一 華亭龔志楷送范香國回四明云報國倉

皇殉闕門雪交亭畔仰忠魂綱常自繫千鈞重
似續仍看一綫存刀斧營中能破械波濤海外
送歸輪多君誼在王成上未有生前付託言自
注范名兆芝送茂滋回松緒曾按蓉浦書院前
有雪交亭故址

冰柱撐天雪枕戈鯢淵雙樹日摩挲亭前分付厓山月
來照題襟正氣歌

治定堂

昌國典詠 卷七

十四四明叢書 約園刊本

定海縣志定海縣知縣周聖化

字西鐸河南人

治定堂

記天地之道陽動而陰靜故人君法天道取乎

山澤通氣山川者天地之臣而臣者人君之山

征伐自天子出一人動也天之道也臣行令庶

人不議天下靜也地之道也人臣知此意以事

君則上獲其利而民蒙其福於以爲治不難矣

今上臨御之二十有六年萬國一統四方無事

東南漸海之地聲教遠訖而於是定海之縣始

立原其得名則以欽改舟山爲定海山內外大

萬古安瀾效順矣二十九春聖化始承乏茲
土闢萊爲邑簡陋是虞夫邑之宣化在令令之
聽事在堂堂也者天威咫尺而下民具瞻之地
也願不重賦越明年政務粗舉念是堂旣不可
無而治堂之需取於民則又擾於是斥俸具材

鳩工飭務不數月而工畢蓋體宏而制檢矣堂
成顏之曰治定遵審名改山之義而又取王者
治定功成以揚一人無外之盛烈也夫定環海
而阻山巖邑耳顧當東南之海會扶桑高麗暹
羅琉球諸蠻入貢之門戶登萊海岱吳會甌閩
高賈市舶之孔道故自唐設翁山宋置昌國州
於元衛於明或三十餘年而廢或三百餘年而
亦廢豈非亂易而治難歟又豈非定則治不定
則亂而與廢卽因之歟聖化自受事來凜凜惻
愍念夫播遷招徠之民室家初定佃漁樵採之
利未足以遂其生詩書絃誦之教未足以復其
性爲吏者一不愜其心不縱而走險也有望樂
土而烏獸散耳數年之閒田野漸闢三口漸增
賦完徭息民安於吏之閒而吏亦樂民之靜也
其於聖天子命名之義庶幾有當不然定於山
海不能而動之而動於東山將不得而定之其
何以對揚休命爰敬爲是記勒石於堂之右且
夕用以自儆而遠以貽後之君子若曰聖人之

昌國典詠 卷七

十五 四明叢書

治則旣以定矣余小臣敢不以定爲治乎其
材飭工及構後堂儀門之資與夫高闊深廣之
制度皆志 定海續志莊渭綸重建治定堂記
於碑陰 堂者前尹周公建於康熙三十年欽遵聖祖仁
皇帝改舟山爲定海山又取王者治定功成之
義而名是堂也公繼李公任距設縣纔兩年耳
邑署雖建未有堂公斥俸鳩工始與學並建歲
癸酉余承乏茲邑距公莅定蓋六十有二年矣
受事之日見堂前軒楹無一樣一瓦以篋遂覆
堂之上雖略蔽風雨環堵皆巖牆詢諸吏前聽
訟者多在內堂似非使民共覩共聞之意未遑
鼎新已蹀躞心動踰年兩侵蟲蝕材益朽壞
欲傾一夕颶風大作時屆嚴寒已二鼓矣余危
之出署而視見司更者俱蒙被臥其下起之他
徒皆有難色余笑曰汝受寒與受壓害孰重始
唯唯起凌晨輒盡撤其瓦俾不復宿於是亟捐
俸廉購木於甌購瓦於鄞卜吉興工士民若

不知有此舉也者三閱月堂巋然成次建儀門
大門周遭舊綠土牆皆易以甗內外舊額二聯
一亦新之仍書周公銜不忘所自也嗟乎事必
創於前始可法於後蓉浦總公蒞定二十餘年
興舉美備婦孺傳誦豈知有開必先者其在周
公耶余忝與周公先後同科今量移同官且同
麓右自慚讓劣於公經濟才無能爲後惟此堂
重建不累一人不煩一牘差可以對前賢因記
之如

善政周公繼李公登堂展復仰遺風須知磐石苞桑固
不在山川在治功

望海樓

裘璉太保黃公傳公諱大來字君甫陝西人也

昌園集詠

卷七

十六

四明叢書

約園刊本

貌修偉膂力絕人始爲小校隸浙江提督賽公
白理麾下會直宿蹲踞堂側賽公夜巡遙望若
虎異之拔領小旗統五十人康熙十三年耿逆
叛據小梁山攻諸軍皆潰公獨舉旗奮往中礮
鉛丸仍陷陣大呼賊始披靡退卻十餘里親王
奇其功命敘賞授守備親王曰是何功也乃以
微職賞士誰用力遂特疏奏請擢福寧鎮總兵
官越三年轉鎮定海時縣治未設無城濠可守
公樹柵掘塹儼若金湯焉公能遠視署後建一

樓名望海日登眺遠瞭二三里外不誤命兵役
幹辦計從某處往還審其水陸徑道行李帆檣
無不辨悉或逗留生事卽呼訊無不承服營兵
無故不許擅出城一日坐樓中猝令執某至前
懲之曰頃從某橋偕一年少出城者汝也悉其
衣履皆不爽人以爲神無一敢犯者嘗獨行遙
見小校提菜一筐公遽呼曰何竊人菜校曰此
自種者公曰菜方長自種者決不肯連根起拔
且帶有宿泥必被人驚覺不暇敲戛頃之果一

昌園典詠

卷七

十七四明叢書

約園刊本

民婦追逐而至其聰察摘伏多類此公爲人剛
直莫敢以私干令辭而機密夜宿恆數易地有
所往雖登舟策馬猶不知其何之信賞必罰按
籍給餉絲毫不侵剋以故雖憚其威而無怨者
公不知書然雅重士諸生貧能文者聞其名率
周之在定五年以病卒於官先一夕有大星隕
海聲若雷轟死之日兵民無不痛惜爲肖像於
南道頭以祀無子嗣秩晉太保卹贈如禮初公
抵任舟過蛟川獵者斃一虎獻公憶帥將事心

惡之乃卒歿於定史氏曰嗚呼公之去來豈偶
然哉詩所稱矯矯虎臣公足當之矣

軍令如山孰敢欺憶曾奮勇獨擎旗虎臣矯矯真無愧
百尺危樓坐嘯時

黃給事宅

延祐四明志宋黃龜年字德邵其先福州人後
葬父於鄞因家焉崇寧五年進士歷官殿中侍
御史會邊報王倫來歸龜年以秦檜植黨專權
阻上恢復上言言檜徇私欺君合正典刑三上

雷國典詠

卷七

十六四明叢書

約園刊本

遂褫檜職又請暴檜惡於天下從之除太常少

卿兼給事中檜復相龜年落職寓居湖州後與

兄岳年隱居昌國之馬鞍山大德昌國州馬秦

山在海之東南昔有碧雲庵馬耆禪師修道於

此與黃給事龜年等聯句刻諸石有曰團團探

鎖碧煙籠

馬

安穩禪居瑞氣中

黃

萬里滄浪終

夜月

張居
士光

更於何處覓天宮

黃承事
岳年

又歇驕岸

有石平闊五丈許昔黃給事結庵山側往來停
車於此元黃潛日損齋續稿題黃給事山居圖

云子讀紹興正論小傳未嘗不三復而悲之方
秦檜起勢立威小不附者輒欲寘之死地而忠
鯁之風不爲少衰嗚呼何其盛也然皆僅足以
撥禍固莫有得行其言者嗚呼又何不幸耶獨
故給事中黃公居殿院時疏檜姦狀檜由是去
相位使當時聽言類如此正論可無作矣他日
檜卒用公卒斥我瞻四方蹙蹙靡所騁嗚呼悲
夫公之去也屏居海上馬秦島上蒼厓崛起長
風怒濤中覽是圖猶想見其孤標峻節當與之

昌國典詠

卷七

十九 四明叢書

約園刊本

並存天壤閒也

李幼武四朝名臣言行別錄黃龜年字德紹福州永福人崇寧

中第進士紹興二年除侍御未踰月論罷秦檜累遷給事中以集英修翼頰宮觀而卒初太博吳元美創嶽宮三清殿寓公咸在吳以題梁遜公公卽解手帕濡墨大誓云風馬雲龍儼百順鉤陳之衛金枝玉葉拱萬齡宸極之尊詞語鏗擢審法高古吳初見公略不經意復疑濡筆染墨非法既而雙美始大喜心服歸語子姪因曰此公不特詞翰可敬其才出人數等未第時發甚自處湛如應鄉舉引保有考官某人初爲縣尉見公大奇之私自語曰安得此郎出我門下既而公與薦尉喜頌妻以女後公登第歸尉已捐館妻孥與機相遇於道公哭之慟慨然賃屋使人導意請遂初約尉妻辭曰往事尚忍言哉無祿縣尉清貧死無私積吾攜百指扶護西歸衣裝斥賣殆盡懼不能達那可議先輩婿先輩弟黃甲當結好鼎族吾且行矣善爲我辭公垂涕

曰吾許以諾死而負之何以自立夫人不念死者言乃作世俗語有遂吾志秋毫自齋不敢聞命遂定婚選近間分攜慟哭而別公論秦檜第一章曰臣聞事君之道曰忠而人臣之罪莫大於欺君輔政之道曰公故宰相之罪莫大於徇私宰相徇私則刑賞私用爵祿私授合黨縮交袒與比同焚或主總肆為欺君之事伏見秦檜歸自虜中不一年而超至空朝極當如何圖報乃營一己之私不顧國家之急刑賞以私用爵祿以私授王仲山檜婦翁也嘗守撫州金賊到城親往迎餽除名編置檜初蒙任即奏令自便夫刑罰者天下之公也檜乃徇私而壞之王昂捨裏黨也自起居舍人除中書舍人昂不敢當而辭免即除待制豈所當得夫名器者天下之公也檜乃徇姻婭之愛而假人刑賞陛下御天下之至權而檜敢盜用其意安在復論第二章曰檜蒙陛下厚恩國家艱難之際人臣捐軀徇國之秋當忘其家與身而乃含恨復之心肆姦回

昌國典詠 卷七

二十四明叢書

約國刊本

之志言偽行詭陰移威福慮陛下知其姦則肅羣小而聚之朝廷挈眾枉布之要路公為朋比以為己竊弄國柄之助賴陛下辨之於早而立破其黨不然其為國深憂未可既言也尚可寵之以儒學最上之職名而俾之優游於琳館復聽其自如懲惡之罰欲安用乎湯貨竊寶玉大弓仲尼猶書盜以誅之況竊弄國柄可謂盜臣矣又第三章曰臣聞任伯雨有云小人為姦之狀甚多可一言而該之曰無忌憚蓋小人不恥不仁不畏不義立人之道曰仁與義而小人之所不恤故無復有所忌憚恩莫隆於父子而不仁則敢違其親義莫重於君臣而不義則敢後其君君親且不之顧則何所忌憚何所不為揚雄太玄曰不容於天地之間其惟不仁不義乎陛下德量涵容萬物萬物圍於天地然大臣有不義而後其君者陛下亦安能容之而不正其罪乎檜厚貌深情矯言偽行進迫君臣之勢陽為而從退恃朋比之姦陰謀沮格欺君如此正

以懷不義之心故上不畏陛下之察見中不畏
百僚之旁窺下不畏天下之竊議無忌憚故敢
如此云云第四章曰爵人於朝與眾其惡與天下
與天下公也刑人於市與眾棄之其惡與天下
公也好惡與天下公則功罪之狀當暴白於天
下槍之潛隱罪非陛下發揚於告廷之制則
中外孰得而知之其奸狀之大槩讀制詞固可
以想見然其事曲折之詳則人皆傾耳而恨不
聞也願陛下發明詔以槍潛隱罪暴白於
天下使天下之人皆知所以彼為臣懷姦之膽
庶朋比之風不復作不亦善乎元胡長孺石塘集題馬秦山圖
馬秦山在昌國東氣候潤淑清溫融大海回絕
路不到紫巒面嶂盤元空天球鐸鏘泉墮谷辟
邪偃蹇厓依叢僧坊翠微互隱見石渠幽澗懸
飛猱福田活水正拍塞人家山崦方玲瓏高臺
似掌廣可坐千峯相抱寬可宮三島得見不得
到引船欲過遭回風仙聖往來豈茫渺吾意只

昌國興詠 卷七

二十四明叢書

約園刊本

與茲山同昔人正色臺端立抗疏秦檜非誠衷
外主讎敵事巨測植根堅固應難攻上心感悟
遲升遐隱慝卒未聞國中時論尚或許忠信此
章似亦成恩恩七年復出踞公卿操柄獨渥互
初終飛殺軍瘦犴猶祕羣君子死煙霧濛濛時
尚議語無驗宗社固自巍崇崇豈知悟室已戮
死在事非復前驍雄祕計欲和繕未具知聞那
許餘人通事仇敗國事莫就更開海宇休兵戎
言挾捷伏幾太息鬼羈炎嶺何其惘初相北庭
去未久刻章宜得窺所衷七閩得歸良不惡遠
勝鯨魚翻青紅自來舉職盡言責餘年誰計身
窮通代謀立見內難息深愁尙服昌言公天機
孤立不偏倚用絕勝地扶緒曾案延祐志黃給
衰翁見朱存理珊瑚木難緒曾案延祐志黃給
事字德邵宋史本傳與四明名臣言行別錄作
字德紹舟山志同定海縣志作德裕誤

格天高閣力能排安穩禪居臥海涯不是冥鴻避矰繳
恥聞長腳劃江淮

眞隱舊游

史浩鄧峯眞隱漫錄昌國保壩道場疏曠其乾
矣斯成萬壩之儲而以潤之則失一年之計敢
憑佛果上動天慈伏願慧日流空仁風扇海凡
有波瀾之地悉爲冰玉之區三日之霖利不遺
於農畝六月之汎課自足於版書惟微不獲之
一夫庶顯無邊之大覺昌國縣衙祈雨疏災曠

昌國典詠

卷七

三四明徵書

約園刊本

久亢天外峯攢秋稼垂成田閒龜坼傾斯民之
渴望祈我佛之哀憐載涓公字之慶用啓祇園
之會伏願濃雲靄若甘雨沛然蘇萬井之焦枯
慰終年之勤動普均生植仰戴慈仁昌國保壩
青詞國饒近寶誠爲貨殖之源水潤作鹹必假
陽精之助茲繫天子殆匪人爲謹殫夙夜之誠
冀動聰明之鑒伏念臣謬尸百里巖有四封雕
號膏腴亦瀕斥鹵旱則便於煮海而或慮其無
年水則利於殖苗而復憂其失壩惟雨暘之並

若庶財賦之兩全多稼如雲今幸有千倉之望
萬亨積雪願猶愆一簣之功是用敷淨供於琳
宮演靈科於蕊笈式憑世禮用薦民誠仰冀覆
疇無私神明有格俾潮汐晴陰之得序庶牢盆
火齊之悉宜永與蒼生同依妙蔭次韻范經幹

昆季昌國雜詠餘藤花

滿架猶煩雪作英年年
擱此眼偏明春遲故欲

牡丹伴韻勝還馳雅客名縹緲碧裳留夜月
娉玉面起朝醜御嫌梅蕊無才思零落蒼苔爲
笛聲江倅出家樂沈沈春酌話綢繆花月行船看
錦出香毬未攀青子猶如豆欲贈蘋鱗始
上鉤蓬島古來無覓處我曹今此得真遊范幹

昌國典詠

卷七

三

四明叢書

約園刊本

招足黥道

片帆落處是三山絕景塵居了不關
夢草拖塘如有得對牀風雨亦非艱

騎鯨渡海風生腋揮塵談玄笑滿顏
從此情名追二陸錦囊賡和不容閒

大德昌國

州志史浩本郡人宋紹興戊辰年爲正監鹽官

至淳熙五年入相官至太師贈越王諡忠定紹

定二年祠於道隆觀東偏榜曰真隱舊游參政

余公天錫記

心之精神是謂聖佛與人同此精
神也佛虛明圓覺卽人之英靈慧

智佛莊嚴福德卽人之富貴利達故俊哲挺生
謂之一佛出世而觀音大士能見幸官身者人
與佛一而二二而一也彼霞錦畫空雲花綉目
異香芬郁於无色幻象呈露於有朕豈佛之精
神自爾發見者向非德詣乎充符心鑿乎太一
透三乘之正覺締五梵之殊因未易精契神交

於儵忽俄頃也四明寶陀環海一絕島乃觀音
大士示現威神之地四方來謁敬者祈一觀瑞
相而莫得豈大士靈威固斬於人特人之精神
不足以感大士耳惟我大師丞相忠定越王攝
事昌國一日航葦而至冥心作禮願瞻徘徊寂
無所見歸與闍師論文殊圓通童子入法界事
再至洞下有比丘指之曰巖有寶可以下瞰王
攀援而上萬象洞豁臨相俟見金身玉樹毫彩
燦然大同鏡中恍如悟對既而遷逝胡僧出而
前曰公有結果寇萊公也言訖而還竟失所往
章者大士百億化身妙耶世皆以公台之貴見
兆於此不知精契神交際合無二故王以超世
靈佛已徑入支殊圓通之場而佛以應世委王
不得辭萊公結果之囑事之顯本固已留題於
紹興戊辰之寺壁矣紹定或元春色令詹仁澤
發揚神奇卽道隆觀東偏建宇而祠之鳩工雖
力輩革未就冬超汝泥寶來絃歌靜閒刃硯游
裕公餘威敬伏謁祠下祝其基誠拓矣而庫而

昌國典詠 卷七

西四明叢書

約園刊本

弗崇也閱其圖誠工矣則巖而弗傲也耿光輔
尉也林憚知監也左之右之經之營之巍創一
室遠碩且頤丹腹輝輝用安王靈堂列三楹寔
闕寔闕可瞻可儀廊翼兩廡寔衍寔修可羣可
趨西附羽宮而迺車備灑掃也東臨積水而建
閣憩遊觀也大門時前新隄通道規模壯麗百
倍於前向時巖竇下瞰之瑞相久傳爲實錄關
千獨倚之勝賞盡萃於目前願不墮哉嘗聞之
佛之爲教燦羣昏而獨耀度般若而先涉潛通
而廣被密護而顯規百千萬億何沙世界無不
普濟功亦懋矣及其離性離相空想空識欲歛
萬有於一無前餘後譯非不夸謝曾不足以
扶植世教王以慈悲爲心虛靜爲性一侍闍若
精契神交視貴利如蟻培等名爵如鴻毛一佛
再見於佛國者歷三朝至再相三十六年開相
業精神煥耀赫奕柔從詒伯巍然爲淳熙獨相
慶澤流衍與宋無極三台符采再光奕世自嘉
定更化以來大政令大紀綱雷霆眾聽日星羣

目太平咸觀登闕乎帝王之域亦既增光前聞
人矣及手扶日轂再奠神器殊勳偉績又有以
申國家無疆之休了此一大事因緣真有佛力
所不能到一念流通今在在精神矣是佛國固
有待於王而王
豈有待於佛哉
觀舊有金闕寥陽寶殿殿前忠
定史越王嘗賦臨江仙詞云試憑闌干春欲暮
桃花點點胭脂故山凝望水雲迷數堆蒼玉髻
千頃碧琉璃我本清都閒散客蓬萊未是幽奇
明朝歸去鶴西飛三山乘縹緲海運到天池緒
曾業臨江仙詞鄧峯真隱漫錄未載然爲史越
王浩作無疑延祐四明志亦云越王作明程敏

昌國典詠

卷七

五

四明叢書
約圖刊本

政篁墩忽以此詞爲史彌遠作定海縣志及近
人選四明樂府皆沿其誤補陀傳又云彌遠見
茶樹上懸大目爲作相之兆尤無足取

鄧峯真隱舊橫鸞凝望三山鶴影寒不信濟冤深似海
桃花點點泣闌干

張孝子宅

寶慶四明志旌孝坊狀元橋東爲張超孝行立
張超昌國縣狀元橋東人家鬻素食爲業超自
幼孝年十九父榮患氣疾寢篤醫藥禱祀俱無

效超對佛炷香剖腸取肝煮粥以進不踰日父
病愈寔乾道二年十二月二十六日也守超伯
圭舉楊慶例命縣厚加優恤超師夔岳甫皆嘗
申賞賚焉其後父母以壽終葬富都鄉第六都
之虞家舉嘉泰四年令葛洪援赦令與免一切
料賦徭役仍封殖其父母墓禁樵蘇者案虞家
墓在紫
巖大德昌國州志興行坊在市橋東爲民救父
病立即張
超坊又教愛坊爲民救母病立舟山志朱
日新家住狀元橋西有母年七十淳祐七年病

昌國典詠 卷七

三五 四明叢書
約園刊本

革日新剖股以進殞而復生鄰里聞郡縣犒給
甚重題其門曰孝愛又云張超嘉定四年超病
篤子義割乳以奉之淳祐六年義病而其子華
祖復繼之三代孝行天性相傳嘗表其門曰旌
孝景定三年令千文傳改曰興行案千文傳乃
元延祐四年昌國同知此云景定三年令誤也
肝腸剖取粥親調旌孝門高世德遙到此不迷三里霧
至今海市有張超

陶平石山房

大德昌國州志陶回孫咸淳五年陳文龍榜進

士又圖南坊在南門舟山志陶回孫字元愈號

介溪讀書城北平石山房五載足不越邸樊登

咸淳元年選試大德志云五年進士北云元年選試誤授芙蓉洲

文學落筆輒千餘言意趣精到行省季尙鏞表

薦遷平江倅已而尹臨安卒於官州守范世昌

題其門閤曰圖南又陶椿卿字君壽回孫子方

弱冠父寓杭暴卒奉母護喪東歸至蛟門颶風

大作幾至覆舟伏棺號天得免於難閉戶讀禮

昌國典詠 卷六

三七 四明叢書 初園刊本

癸酉以戴氏經魁名覆試又魁名定海縣志延祐癸酉釋元

覆試又得魁有三元天下有兩解世間無緒曾

案元延祐元年甲寅迄七年庚申無癸酉紀年

又十三年乃元統元年癸酉縣志有誤以元甫定東南據此癸酉乃宋度宗

咸淳九年又六年宋亡元有天下若至延祐則

元已享國三十五年若元統元年則元享國已

五十四年矣元甫定東南蓋宋季發解人元不仕也遂廬墓不仕自號平

石不忘先也延祐七年卒於家據此益知癸州西爲度宗時

貳守于文傳銘其墓郡國利病書平石嶺山山

椒多方廣石碧流雙澗左右引映下頗夷曠定

海縣志石嶺山縣西北四十五里一名平石嶺

元介軒陶先生暨平石先生藏修處首登坊城
東元本州同知干文傳爲延祐癸酉科解元陶
椿卿立園南坊在城南門爲徵士陶回孫立明
黃汝象臨安縣志宋知縣七十人元知縣僅載
賈汝霖劉立道二人俱無陶回孫其仕宋仕元
俱未明載椿卿發解則在宋季其不仕則在元
初疑回孫亦未仕元姑誌此以俟考

芙蓉洲上北城居陶台風流五柳餘有子蓼莪終日泣
鯨牙奪骨免依廬

昌國典詠

卷七

三

四明叢書

約園刊本

范主簿著作林

宋陳著本堂集故節幹范君墓誌銘四明素多
士山川氣分前輩風流日以衰落尙其如吾友
范純甫者幾何人哉而死矣他日其孫鶴孫曳
衰踵門曰鶴孫大父善於子葬且有日敢以狀
請銘余執而哭之不得辭君諱應發純父其字
也慶元府昌國縣人曾祖庠祖希顏父鎔前迪
功郎滌州清流縣主簿君早孤母趙氏力貧教
其子資之師從不遠千里文聲藹然旁魄再賓

秋薦晚始第名奉官授迪功郎嘉興府崇德縣
縣尉縣當孔道吏饗民囂號最難治本之清苦
推以果達當路才之叢難以委摘奸鉤隱冤滌
滯疏閒抱牘立臺府下相可仡仡不少動於門
大書云更無私入路常是大開門憲使李公吏
行部見之異下車訪問隨事敗答無遺餘曰此
非神明尉乎卽路騰剡唐公震繼之與郡守俞
浙漕使許公爭令出門下趙公孟傳檄入幕家
公鉉翁使其幹辦臨安府節制司公事厄於時

昌國典詠

卷七

五

四明叢書
約園刊本

志不克竟歸老於里吁命也夫君平生剛正於
其所知不以世故遷其有不辱吾類容明氣揚
稱道不離口其有過雖夙所敬說必面折不以
情隱於家東偏闢一室做忠宣公遺意曰著作
林家燬並其先人墓以居號小范旣而買屋城
中圖史左右日有手鈔惟意有所可曰自足記
交游旣廣客坐無虛頃觴詠留連率竟日乃去
蓋其心曠遠蕭散所適皆樂如此君生於己巳
五月六日終於戊子十有二月二十有二日享

年八十娶陳氏端懿靜和賓敬盡老越明年十
有一月十日亦以壽七十有七歲終於內寢子
男二長逢甲漕貢進士先君五年卒次埴後其
姻親馮氏前承信郎女二長適前禮部進士趙
嗣鎮次適前迪功郎趙嗣銓孫男一卽埴之子
鶴孫是也女一適趙必聖君蓋棺甫半月延燎
垂及鶴孫亟奉之出敢於奉化縣禽孝鄉馮氏
墓廬山之陰爲道士舉君治命我死於此乎葬
己丑十有二月甲申啓敢以陳氏柩合葬銘曰

昌國典詠

卷七

三十四

明叢書

約園刊本

學以成名而遲於成仕以行志而奮於行維壽
則豐維心之享式寧其歸尙澤雲祊緒曾案
范主簿雖墓在奉化而家於昌國余錄陳本堂
所撰墓志全文者以其祖父子孫世系皆足補
志乘之缺也本堂又有贈范鶴孫序范鶴孫余
故人純甫之孫千之之子閒出示諸君子所贈
詩頗與其善吟而求余序之因語之曰子之年
方十有九此古之人入大學以後之歲月以博
學審問慎思明辨篤行十字爲學之本以止定

靜安慮得六字爲學之功此外未見其有暇及之也況子雜居城市紛紛其過者易惑單傳門戶悻悻其弱者易動波頹風靡而不自覺其易流日濡月染而不自知其爲異而祖而父屬以何事一有跌足則坎坎千丈之閒不能以寸余爲子懼昔文正公幼孤讀書長白山蓋莖粥塊積十年如一日及其成乃如此其德業子其可自戾於姓譜之中乎余敢以此爲勉而詩非所急也子視予爲丈人行言之非過他日有成必

昌國典詠

卷七

三

四明叢書

約園刊本

德余言余將亦有以見而祖而父於地下矣本堂又有寶鼎現詞壽范著林仙叟夢境炊得纔香還覺回首泚觚棱何處雲與商量浮計小矮矮屋半弓來閒地也著三花兩草沸眼底鞭風笠雨不滿茶邊一笑壽骨奇聳人仙峭散人裝遊戲塵表簾晝永長留雅伴吟唾寬飛瀟灑料最好是瑟和琴同調眉裏相看耐老更綠草生枝可忘譜得家傳較早爭指畫額兒兒歡祝處荷薰吹曉記蘭湯初試當日風光又到拈

釀飲任金樽倒醉把羲娥傲算萬事都是空花
雪柏霜松鎮好舟山志咸淳四年陳文龍榜進
士范應發

著林仙叟繼忠宣矮屋三花兩草妍笠雨鞭風忙底事
輸他一笑茗甌邊

陳公臺

戴良鄧遊彙君諱麟文昭其字也先世自福清
徙溫遂占籍焉至正甲午以易經貢春官乙科
授慈溪縣尹自開國以來治慈溪者莫能及陞

昌國典詠

卷七

三四明叢書
約園刊本

浙東副元帥領慈溪縣事如故君以所在陷沒
方欲與民相保障以俟天下之定俄而方左丞

國珍駐兵郡城單騎往謁方忌君留之不遣或說

君潛歸爲自守計君不忍危其民卽盡散其兵
爲農方以君旣失勢陳兵脅之君正色曰吾先
朝臣不可以兩虎鬪故隻身以至殺我非勇也
方愧悟謝過然卒置君海上之岱山比行父老
送之出境遺去不可皆泣曰柰何舍父母乎君
至岱山卽著道士衣冠而舍其宮治田菑園墮

牧以爲食無纖毫芥蒂意後仍給以足疾倚杖
蹒跚出迎客方使人覘之益不疑君以海鄉僻
陋爲興岱山書院嚴師弟子之職暇日復與其
里人聚石爲臺陳篋簞爵俾盛升降揖讓如鄉
飲酒禮父老見而榮之爭令弟子爲學變其習
俗且名其臺曰陳公臺久之益親信君事有不
平俟君一言而解頑民亦知敬憚諸山酋長掠
物於外輒戒其眾曰勿登此山有陳公在也已
而朝廷起君戶部主事尙書郎貢師泰往理

昌國典詠

卷七

三四明叢書

約國刊本

福建鹽鐵賦尋改温州路瑞安知州君度不能
行俱以疾辭丞相河南王總戎太原承制授君
中順大夫祕書監丞亦不赴君留海上十年移
郡城又三載而版圖內附於是南游閩中未幾
竟卒於閩之寓舍陶宗儀輟耕錄會稽陳思可
嘗云至正丙申御史大夫納麟開行臺於紹興
於時慶元慈溪則有縣尹陳文昭本路餘姚則
有同知禿堅在城則有錄事達魯花赤邁里古
思皆總制團結民義者納麟之子安安以三人

爲不易制思有以去之乃先給召秀堅至寶林
寺夜半率臺軍擒殺之從而方國珍亦執陳文
昭沈之海獨存邁里古思一人耳舟山志云陳
麟方國珍據慶元開府威勢日盛屬邑皆承奉
恐後麟獨與抗國珍陰欲害之未幾棄官至昌
國與三州陳緝締好謀斥國珍朝廷遷詔屢下
不赴元沈夢麟寄慈溪令陳文昭云因風問訊
慈溪令每怪來鴻不寄書風俗過江多閉糴亂
離爲客歎無儲公田七月收紅稻山縣千家食

昌國典詠

卷七

三

四明叢書

約園刊本

大魚見說海東時序好欲攜妻子就耕鋤元張
仲深子淵詩集題陳文昭雪蓬詩幽人久住湖
南隅開門看月雪滿湖團團茅齋小如舸宛若
身世江湖居夜深夢入剡溪曲青簾白舫如吾
廬似嫌清氣生肘腋坐覺寒景橫瞳矐夢回但
訝夜生白恍若雪浪搖窗虛起來作詩不可紀
呵冰寫作山陰圖全祖望句餘土音陳文昭岱
山操詩話慈溪大令陳文昭名麟受業於慈之
大儒寶峯趙氏借以傳慈湖之學方國珍軍入

慶元獨公不屈國珍執而投之海或諫而止乃
囚之岱山終不屈而死今翁州志謂公避方氏
於岱山者謬琴操云昔年寶峯兮北面受教晝
而鳴琴兮夜則講道聖學有真兮惟忠與孝詎
以城邑兮齎彼羣盜憤彼元帥兮喪其旌蘇空
令下吏兮義憤慘慘洋洋東海兮岱山其隩追
擬蘇卿兮困於雪窖西瞻寶峯兮靈光有曜不
負吾師兮臨流長嘯緒曾案文昭本無琴操全
氏以意補之陳公臺足補志乘之缺輟耕錄沈

昌國典詠

卷七

三五

四明叢書

約園刊本

海之說亦傳訛也

高臺直接寶峯青臺上慈湖舊授經十載拘幽琴操響
夜來彈與海龍聽

丁高士海巢

元丁鶴年海巢渠題昌國普陀山寺壁詩神龜
屹立戴崔嵬俯瞰滄溟水一杯積翠自天開
畫布金隨地起樓臺祈靈漢使乘槎到傳法梁
僧折鞏來若使祖龍知勝槩豈徒驅石訪蓬萊
昆明劫火忽重然宇宙名山悉變遷古剎獨存

龍伯國豐碑猶記兔兒年三更日浴咸池水八月潮吞渤海天雲漢靈槎如可到便應長往問羣仙海巢詩海上巢居海若降三山眼底小如缸已攀若木爲華表更立構桑作翠幢蛟室夜光晴燭戶蜃樓秋影冷涵窗鷓鴣夢斷無因到惟有同棲鶴一雙觀太守兄昌國勸農東皋風日媚新晴太守躬耕曉出城嫋嫋雙旌穿柳過蕭蕭五馬踏花行扶藜父老陪諮訪竹馬兒童主送迎豈意兵荒南北徧化行滄海獨昇平寄

昌國典詠

卷七

三十四明叢書

約園刊本

昌國濟汝舟長老西江禪伯住東溟境接蓬萊地最靈析木秋濤浮座白扶桑朝影拂簾青已無鶴近雲閒錫祇有龍聽月下經李白騎鯨天上去題詩誰復和巖扃戴良九靈山房集高士傳云鶴年聞從兄吉雅謨丁避地越江徒步往依甚友愛吉雅謨丁掾南臺時欲以利祿勉鶴年鶴年去不顧後以直言忤權要遷江右乃獨千里送之待還越宿留四明或旅食海鄉爲童子師或寄居僧舍賣藥以自給時兵戈四起

鶴年逃匿海島絕其迹海上多盜轉徙無常當
方氏之盛幕府頗待士士之至者踵接鶴年獨
逡巡遠避門無一迹因自謂曰凡爲清士當以
廉爲主義爲輔和爲衛三者備庶可免於今之
世矣又爲鶴年吟槩序云一篇之作一語之出
皆所以寓夫憂國愛君之心閔亂思治之意使
人感憤激烈不知涕泗之橫流也僧來復海巢
爲丁鶴年賦云結得巢居絕世紛漫游長狎海
鷗羣棲殘若木三更月補就蓬萊五色雲島上
依舊滄溟水一坳樓臺翬畫幻如泡兔兒年久豐碑失
獨有高名屬海巢

黃氏拙修齋

明鄭真滎陽外史集拙修齋記古之人重以厚
今之人輕以浮重以厚者拙之本原輕以浮者
巧之橫流天之生人何異於古今哉豈其性稟

之或偏或正耶抑其氣運之降習俗之弊而致
然耶昔子貢遇漢陰丈人抱甕灌畦教以桔槔
而丈人羞之則天地生人之道亦惟拙而已有
能以拙自修不幾於君子乎同郡黃夢熊氏世
家子也年踰三十質實雅重以詩經中洪武五
年江浙鄉貢進士選計偕京師大臣將奏以官
控辭再三大臣爲之喜曰子所謂吾斯之未能
信者耶遂免歸閉門讀書養兄事母以孝友聞
昌國邑大夫以禮幣招致教導弟子員昌國海

昌國典詠

卷七

三十四明發書

約園刊本

島雲水鄉夢熊不憚僻險日與學者研精畢力
期底於聖賢之域退處齋居一榻蕭然而靜存
深念渺邈千古若有與之晤語者因匾曰拙修
蓋用先儒董子之語云予向與夢熊同年夢熊
以世契視爲執友禮待良厚忝以廣信文學掾
過家上任夢熊請著文以記夫人喜巧而惡拙
久矣夢熊以拙自修母乃愈拙而人愈不喜乎
且君子之學也期底於道而已不以世之好惡
爲是非榮辱也故拙之修道之修也董子伊洛

正道謂聞道爲悅而以拙自修蓋信之篤而志
之力也考亭公朱子以爲下學上達之要信哉
夢熊自幼知學而欲自通於古人則其於道也
必有神會心得於混淪磅礴之外矣彼有講張
變幻示巧於仕宦名聲者夢熊能不穢而唾之
哉且夫炫耀華美不如敦樸淺近浮薄不如純
厚敏速捷急不如遲久世豈有輕此重彼者耶
夢熊以拙自修其視流俗何如哉夫道者天理
自然順其理而不去拙斯在矣中庸曰修身則

昌國典詠

卷七

三五四明叢書

約園刊本

道立身外無道拙修矣其於道也孰禦焉此固
夢熊名齋之意豈可以淺近形容哉夢熊先大
夫鄉先生聲甫宋太學生以文鳴咸淳德祐閒
嘗試對將略人才號金玉策夢熊寶爲家藏經
濟之傳固有素矣拙修云乎哉予年過五十情
焉無能嘗用周子拙賦以自解幸而退歸與夢
熊相羊山海閒其亦出處之同者乎於是乎記
之

僻居自愛水雲深一榻蕭然萬古尋若問終南爭捷徑

漢陰久已息機心

徐氏三益軒

明宋濂三益軒記明之昌國徐君元凱嗜古好
修鄉邦稱爲善士生子男子三曰友直字孟益
次曰友諒字仲益又次曰友聞字季益家雖貧
徐君能使其頌詩讀書弗輟且因其字名軒曰
三益以勵之友聞自郡諸生貢入成均近奉旨
受事中書頗與子相親時來執經問難遂以軒
記爲請夫益之爲卦其象爲風雷夫雷激則風

昌國典詠

卷七

四十四明叢書

約園刊本

怒風激則雷迅二者不待相期而相益者也君
子觀之見善則吾將遷焉有過則吾將改焉而
其爲益也大矣然則何以知過而改之曰必得
直友焉友能直則加以箴規焉何以知其善而
遷之曰必得諒與多聞之士焉友能諒則舍虛
而從實友多聞則察理明而擇善精矣嗚呼此
以取友於外者言之爾今季益家庭之內兄弟
熙熙有善則相資有過則相告曾不出戶而講
習之功勝州里之人莫不慕豔而交之其益將

非止於三至於十朋之龜弗克違亦有之矣他日德茂才顯若河東之三薛江東之三岑其有不齊軌而馳者哉雖然予昔嘗取友矣始也自一家羣從之閒朝夕摩切之然不敢自謂已足也復取之鄉人焉如是者久之亦不敢自謂已足也又求之國人焉如是者又久之閒有謂曰學無止法也我安敢自盡於斯復求諸天下之人焉今耆矣秋髮繽紛而垂領矣尙孜孜弗懈益求古簡書之聞見問學之優廣者質實而無僞者則云我未之能及也亟遷而從之志褊而行僻與過失而文飾者則云我寧或有之乎設有之亟改而正諸此無他知益之爲義若此自近而及遠期終身行之也季益兄弟其果以余言爲然乎季益通經而能文已出遊於成均是友天下之人矣予尙何言儻或東歸見二兄焉宜以予文勒之軒中庶不負翁名軒之意云抑余聞昌國古會稽之翁洲也東控三韓日本北抵海泗登萊土地幽邃風俗樸茂人材往往多

著聞於時今又將於季益兄弟觀之尙慎旃哉
雞籠山麓列宮牆凝道龍門荷寵光三益盡交天下士
鳳凰池侶紫薇郎

王氏復翁堂

舟山志王氏復翁堂城西四十五里明陶恭別
錄洪武二年蘭秀二山奸民葉希戴王子賢作
亂糾船二百艘入大浹江駙馬都尉王恭率兵
擒賊首餘皆潰遁元末趙宋遺賢鉅族多隱昌
國海僻之鄉信國公湯和不無疑忌於是乘蘭
秀二山之梗定謀起遣四十六山俱罹兵火惟
富都一鄉賴老人王國祚獨存一綫云恭又有
復翁堂記云余端居之暇鄉人王某持狀來謂
余曰先曾大父國助憫斯地之民被遣而寤於
二所之禁不容出城稼穡故特具奏面太祖高
皇帝於南畿蒙聖諭俞允賞勞遣之部檄未降
鄉人皆悅輒出城營產以居仍被巡司申以託
妄擒送之京幸獲聖明再蒙賞勞放還之鄉人
德之而以復翁顏之余堂取復翁洲之地之義

也願得一言以記之垂不朽爾余日子知其略未得其詳也太祖高皇帝登極之二年念吾海東之民代有寇患以無兵守禦故耳乃設衛所巡司四以守之改州爲縣與衛並處誠帝王萬世不易之圖二十年遣信國公湯和處置東南之地視地圖爲海外一彈丸遂遷其民而革衛縣止留兵二所民兵四司民四里呼替哉聖天子謂彼有好田地任民散處但無容寇擾之旨可謂明見萬里而湯信國和不體經國大略輕

昌國典詠

卷七

四十四明叢書

約圖刊本

於播遷其民與太祖之意大不相侔矣是以當時被遷之民方有信國公之怨而留止者復有軍旅之禁流離困苦之際如解倒懸宜乎人心感德爾祖而有復翁之說也王氏子孫當思所以有今日之盛者由爾祖有復翁之德則夫修身理家其可以忝厥祖乎雖然前日之翁非今日之翁前日之翁復其耕稼之利而已矣而人心之悅已如此使後之人能繩爾祖而復今日之翁興治興教以復前日風化人才之盛則人

心之感悅又當何如是爲復翁堂記時弘治辛

酉季冬之吉

陶恭成化六年貢官教諭其子應徽云祠宇書云何雖然邑治茂已

無壇社山川屬屬之典儀而境內應祀之神蓋藉之以時若顛之以平成者誠不無也其琳宮梵宇爲里社中士庶祝釐宣諭仗依並得紀之尙獨惜夫復翁王氏乃固不獲棲神爽於一廡陳一蒸嘗酌一卮酒弔者悲之嗚呼昔人渡河洛猶思大禹之功則夫翁之有眾得不棄田里詣蓬萊而嗜嘻於桑梓者垂二百三十年於茲矣謂非先生捐領元之勇冒鼎鑊之嚴而致有今日愚是以一書再書而重子之威暨先君子老衰之所事遺先生於汗簡閒也嗚呼先生其祠於此將諦國祚面陳不當盡徙之狀太祖允傳說以祝

奏錫批劄云看得爾處有好田地許爾輩搭屋

昌國典詠

卷七

屬四明叢書

約園刊本

居住看守犁糞賊人登岸自備鎗刀殺了來說
等諭餘遺民得不盡徙鄞士胡邦器贈詩云境
入翁城觸處佳遷民痛憶舊生涯奏聞京國三
千里詔復閩闔十萬家海上有天重日月山中
無地不桑麻大夫功績應難泯特區高堂永歲
華定海縣志又載一說云有內監王姓進香普
陀颺風漂舟國祚迎歸其家款具甚厚監德之
陰爲左右緒曾案此說非當國祚面奏不可遺
狀上爲動容是出自聖斷且高帝時內臣不得

干預朝政何能撓信國之柄蓋國祚聲情誠懇
得動英主也豈貂璫之助哉復翁之功大矣後
之人當專祠以奉之更列於鄉賢可也

鼎鑊甘心達主聰一言流涕返哀鴻鐵牌久峻中官禁
只合登堂拜復翁

李氏遠清堂

明貝瓊清江文集遠清堂記昌國縣東三百武
有洲曰芙蓉其水縈紆南流以入於海洲之上
皆蓮芙蓉其異名也當三伏時紅披翠掩雖鏡

昌國典詠

卷七

四

四明叢書

約國刊本

湖三百里亦無以過於是焉隱者李文友所居
既專其勝築堂若干楹因顏之曰遠清命子彥
清來求記余嘗論詩人工於寫物凡狀其形者
遺其神而濂溪周子之於蓮求神於形之外詩
固有所不及也夫周子一代豪傑之士其生也
後聖人千有餘歲而學之所造會聖人於一時
殆非漢唐諸子所至其於一花一草疑必略而
不顧乃有愛蓮之說何哉蓋其胸次灑落如光
風霽月則無毫髮之累可知而蓮之至潔不妖

可觀不可褻實足以配之故目爲花之君子非徒玩物類眾人之牡丹也且歎時之愛牡丹者眾愛蓮之同於己者寡也今文友有周子之學取其語以爲名其亦異乎眾人之愛歟抑聞環洲而居者多大族而中建夫子廟久矣惜澗於荒畝僻壤人莫能知至文友始表四明之有芙蓉焉雖然一物之微發之於周子獲列君子之品第亦流芳於不朽矧爲士者日聞絃歌之聲日觀揖讓之習惡可不勉而至於君子甘爲小人之歸乎宜卽欲以反諸己非特取香之遠而益清爲人之所美尙蓄其至美使體夫清遠也哉是爲記案芙蓉洲有清遠亭詳冰壺亭此遠清堂乃隱者李文友所居錄之以補志乘之缺

翠掩紅披勝鏡湖花中君子有人呼清蓮苗裔濂溪品香遠心清入妙無

李茂才野軒

明釋來復蒲菴集野軒爲昌國李茂才賦云海城車馬往來稀獨愛閒軒傍翠微春雨一村桑

柘綠秋風萬井稻梁肥
鐙前教子惟書卷
座上論交盡布衣
昨日南鄰邀社飲
醉騎黃犢月中歸
緒曾案蒲菴集中寶
陀大士應見詩序
作於洪武時
此詩蓋與貝清江李氏遠清堂詩俱
洪武時作
雖李茂才不得其名
而野軒足補志乘之缺
且以見王氏復翁之功也

春來桑柘綠
煙屯更喜秋風飽
稻孫兒解讀書
朋載酒野軒風味至今存

嚴員外旅舍

昌國典詠

卷七

四明叢書
卷七
約圖刊本

舟山志嚴端字克正
鄞人登景泰甲戌進士官車駕員外郎
以言事忤中貴落職
性至孝樂易瀟灑愛東海翁洲佳山水閒嘗寓焉
又云趙珏字士良
宋宗室裔時范應發權州從事
聞珏賢而禮賓
逾年徧訪境中山水名勝
圖畫品題成帙而歸
案嚴端鄞縣志選舉表
有其名而不立傳
趙珏乃元人時昌國陞爲州故有權州從事定海縣志俱失載宜補之

功名久慨驚絲冰瀟灑襟期海上增更愛臥遊圖一幅

歸裝清遠歷吳興

王少參永思樓

舟山志王永隆字崇德登永樂辛卯科經魁歷授渾原郴州知州不事苛削綱條井井復補嶺州值旱蝗不入境禱雨輒應任九載當轉擢宿父老詣闕請留進秩右參政視宿如故正統戊戌入覲京師乞歸不許又三載得致仕擇山水幽勝處築精舍與昆弟親朋談笑其中年七十而卒經元坊在府治北永樂九年爲鄉進士

昌國典詠

卷七

四十四明叢書

約園刊本

王永隆立王少參墓城東北四里之東灣定海縣志王氏永思樓少參王永隆建三老堂少參王永隆建於東灣翰林檢討四明汪奉有題大

參王公永思樓詩

年逾不惑二毛侵老去思親倍不禁攀相每彈王子淚望

雲徒切狄公心庭前寒盡曉朝旭樹杪悲風汪起夕陰瀾目總能成感顧音容渺隔九泉深汪

奉三老堂村居吟

村居好村居好竹簾卷清溪繞山深地僻無車馬天

盡日間藥烏布裘催耕農事忙負耒乘耜趁天

曉攜籃江上買魚苗澤子村莊處處滿雞鶩

鴨與牛羊晚來院中閒炒炒春菜煨香草飲

白梅冬紅蓼不須圃畫寬良工妝點四時景

好菊翁賒酒頰相逐老瓦盈邊沈醉倒不須危

鳳與烹龍淡飯黃齏只要飽眼底兒孫健健

男婚女嫁不出村步步相隨直到老不禮兜率
宮不尋蓬萊島但願二稅完心中無煩惱教兒
孫莫弄巧廣栽桑勤種稻衣食足而禮義生飢
寒至而多姦狡眼前富貴片雲輕身外功名一
芥小古今事會稽考敗者多成者少可歎韓彭
不知幾惟有范張歸去早富貴貧賤出自然榮
辱安危當慎保寫下此篇村居吟雅興風光永
眞可表客來問我甚生涯犁鋤世世傳家寶永
隆子謙孝友不仕孫元廩天順八年貢曲靖同

知案永隆昆弟有承頤字崇正未第時遊錢塘

觀潮巡按朱公及同官曠其弗避拘至以遊學

對命賦觀潮詩援筆立成

詩云大江東去接蓬萊萬里潮聲兩浙開

幾度夜隨明月上有時風捲雪山頹書船衝汛沙頭立白馬凌空海上回我欲乘槎訪香漢情

昌國典詠卷七

吳四明叢書

風不礙釣魚臺有一僉憲猶怒復試之又成一律有分

明一派長江水做出許多聲勢來眾驚異朱公

攜還南畿妻以女入胄監後登進士授監察御

史或云宣德七年以亦見舟山佳話也承隆爲

才藝薦授京巡王仰曾

江湖聲息到歸墟

陶氏光霽堂

舟山志陶恭字肅之成化六年歲貢授江西新

昌縣訓導遷寧藩王府教授嘉其學行禮敬殊

渥留九載一日作歸田賦以見志致仕而還怡

情林壑者三十年尋海中奇麗興至飲酒賦詩

扁其堂曰光霽年九十而逝所著有觀光集歸

來集形勝賦中華勝地東海明州人傑地靈川

熙寧賜名昌國元至我朝名不矛盾世有遷還

陵谷如舊四百週迴五山其偶地不改闢民不

改燭化行俗美風氣善柔虎狼不產徑暮夜而

無恐兵燹不至處亂世而無憂如鬻之山雙峯

秀拔如帶之水九溪交流橋有狀元之讖泉多

龍蟄之淋商願藏於其市而人或輕利旅願出

於其途而行弗裹餼金人砵柱道隆濺血而戎

馬莫之敢犯大士巖居補陀示見而累朝爲之

昌國典詠 卷七

五十四明叢書

約園刊本

降求民無珥筆之風士無狡詐之謀田野膏腴
耕者不爲旱澇之備山林瘴隱老者不識城郭
之遊蓬萊集仙琳宇也逸士之思登覽吉祥寶
陀名利也文人之願移舟酒坊十五都稅常平
書院則二儒校兼收有元類編民籍戶口倍萬
而陞邑爲州國朝增設衛所民兵四司而與縣
共守絕倭夷之朝貢起閭巷之謳歌未幾而遭
信國之改遷去三鄉而存五里幸而荷聖諭之
諄切衛民生而命帥侯舟師整飭爲諸番瞻仰
之所城池鞏固實東南保障之障百餘年來海
道宴清固境界之難襲抑聖世之洪休也疇歟
盛哉山川之美徒爲外觀賢哲之生名垂不朽
是以黃公爲四皓之一而漢儲以定沈治進孝
經十卷而校書是授立言稱盛者任中丞也徒
從雲集者郭奉議也湖南寇起而聞名卽退者
非許實乎婉言諭寇而羅拜請服者非徐愿乎
至若應僚之令烏程也以詩諭昆弟而息其爭
黃龜年之爲侍御也劾秦檜類莽而罷其相斥

童貫之擅權者蔣仲遠也佔公闈之首選者王文與也趙時格登雋而伯仲聯芳應翔係及第而神童是號或一舉而二相應錄余天錫也或父子而俱第孫枝孫起于也趙門試亦闈而四才之盛如此逮至我朝雖曰革縣去學散庠生於羣邑終乃登科入薦立功名於浙右陶鑄位居闈憲而致天眼之頌張信名列殿元而取二經之優王如源節推南安而政尚仁厚章鼎新休官學錄而名行罕侔他如錢堉之旁通律學劉本安之體貌修偉王永隆之知郴宿政聲赫赫而陞授少參趙澹恭之興學校令德彰彰而夙著嘉猷又如韓鼎之宰句容德威並施而澤及後嗣袁璣之典千兵天性廉潔而至老不移此則皇明人才之盛其已然者固饒數而莫悉其將然者猶鼎來其可期區區才非董賈官實並之德非顏冉壽實過之自慚竄學之後聊爲薄劣之詞倘觀風者有所採擇豈芻蕘者之可

昌國典詠 卷七

五十一

四明叢書

約園刊本

棄遺吁安得秉鈞衡當要路者千頃堂書目陶作新是士興復政教於斯時耶

恭昌國縣志五卷

注云邑人正德元年開修隆慶三年恭孫積纂附成書

笑辭楚醴賦歸田霽月光風海上天時訪羨門同一醉

醜顏九十地行仙

施印泉山房

舟山志施邦彥字伯玉號印泉邑弟子讀書普

慈山房題其齋曰點易善古文詩賦有點易齋

文集侍父諗疾盡孝與弟端彥友愛終身著女

訓以教三女盡好學益篤臨歿曰余無他惟讀

書事未了忠孝事未盡秣陵扶輿張公

名可立大

石於普慈山門之右曰明高士施印泉先生讀

書處

忠孝平生未了懷拋殘書帙散詩牌惟餘雙髻山頭月

曾照先生點易齋

吳忠烈寓室

勝朝殉節諸臣錄禮部侍郎兼右都御史吳鍾

巒武進人從魯王至舟山往來普陀山中聞大

兵至寧波急渡海入昌國衛之孔廟

案明廢昌國縣立衛

昌國典詠

卷七

至

四明叢書

約園刊本

故稱昌國衛之孔廟卽舟山孔廟也若後移象山之昌國衛無孔廟積薪自焚死

見明史及輯覽諡忠烈黃宗羲明儒學案吳鍾巒字巒

稗號霞舟武進人崇禎甲戌進士授長興知縣

降紹興照磨量移桂林推官南渡陞禮部主事

未上而國亡閩中以原官召之上書言國事時

宰不悅先生曰今日何等時如某者更說一句

不得耶出爲廣東副使未行而國又亡遁迹海

濱是時自浙至山左建國以一旅奉之二三人

望皆觀望不出先生曰吾等之出未必有濟然

因吾等之不出而人心解體何以見魯衛之士亦惟以死繼之而已起爲通政使駕返浙海先生以禮部尙書扈蹕所至錄其士之賢者爲弟子員率之見於行朝僕僕拜起人笑其迂先生曰此與陸君實舟中講大學正心章一例耳鵬在翁洲先生退處補陀及事亟先生曰昔者吾友李仲遠死奄禍吾尙爲諸生不得請死吾友馬君常死國難吾爲遠臣不得從死聞事之壞吾已辭行在不得驟死吾老矣不及此時此土

昌園典詠

卷七

五

四明叢書

約園刊本

死得明白乾淨卽一旦疾病死何以謝吾友見先帝於地下哉復渡海入翁洲辛卯八月末於聖廟右廡設高座積薪其下城破捧夫子神位登座危坐舉火而卒年七十五又霞舟隨筆人生只君親兩大本凡日用應酬宗族眷屬無不本於親本此之謂仁凡踐土食毛事上臨下無不本於君本此之謂義或問當此之時何以自處答云見危臨難大節所在惟有一死不死以圖恢復成敗尙聽諸天非立命之學也徵幸以

就功名禍福全聽諸人非保身之道也全祖望
鮎埼亭外編吳鍾巒號稚山舟山師潰渡海入
城與張閣部肯堂訣曰吾以前途待公至文廟
右廡設高座積薪其下捧先聖神位舉火自焚
賦絕命詞曰只因同志催程急故遣臨行火浣
衣時年七十有五僕徐甲負骨以歸吳忠烈公
寓梅岑次沈彤菴韻云萬壑松濤入夜寒泠泠
非復世情看隨緣竹裏逢開士說法山中見宰
官歸潔幸於塵界遠逃虛敢謂考槃寬維摩丈
室堪休歇不願遊仙駕彩鸞人間方丈渺雲煙
我輩風流許拍肩寺底洪濤惟壁立僧居深處
有阿卷花紅初放偏宜雨茗碧新烘可試泉遺
子婆娑堪送老何須又上渡頭船誰開覺路妙
莊嚴無算緡錢費不廉萬里星霜曾叩闕一泓
水月自歸菴鐘聲隱隱知持誦龍窟巍巍自仰
瞻試上盤陀明著眼虛空無際不須拈張忠烈
煌言輓吳稚巒宗伯云冰棱玉尺倚容臺一片
孤忠天地哀儂爾鬚眉留四皓黯然慧孛入三

台引年難遂懸車去逐日徒悲化杖回深負先
生歸骨望吳江楓冷鶴還來一掌山河亦踐蹂
老臣霜雪正盈頭掀髯猶抱滄桑恨扼吭甘從
孤竹遊自是澤宮堪薦俎豈無夜壑可藏舟繞
朝當日稱先達惆悵生芻何處投全祖望洞天
住吳尚書送別稚山尚書在海外姚江黃都御
史勸以歸隱四明山中尚書歎曰君以老母故
歸吾何依哉况四明山師大起亦非安枕之地
也慟哭舟中而別故人憐播遷招我住洞天豈

昌國興詠

卷七

五

四明叢書

約園刊本

不愛洞天有君未忍判故人有母故應去留我
殘年窮海住行行三板船觸目成愁緒近聞洞
天亦難依援鶴將借沙蟲靡送君未忍自厓返

臨風一慟陰雲飛緒曾案吳忠烈寓室余至普

陀尋其遺迹僧云在棲真菴今廢

大德志真歇菴寺山之深

處舊了禪師修道於此園寂茲山家塔猶存明
周應賓普陀山志真歇菴歲久傾廢萬曆三十
年督造張隨改額棲真朱
謹普陀山志真歇菴今廢忠烈有稚戀猶稽藏

鄞抱經樓盧氏家

老矣殘骸過古稀澤宮趨死竟如歸九原得見高宗憲

爲報先生火浣衣

孫忠襄旅舍

黃宗羲南雷文定碩膚孫公墓誌銘略云順治丙戌六月二十四日孫公碩膚卒於海外之翁洲翁洲尋爲界外殊絕內地康熙乙丑還翁洲於定其孫訥渡海載公柩歸葬燭湖公諱嘉績字碩膚燭湖先生應時之後登崇禎丁丑進士授南京工部主事調爲職方司郎中高奄起潛求世蔭公覆疏格之起潛恨甚讒之下獄會石

昌園典詠

卷七

五十四明叢書

約園刊本

齋先生逮入從而受學楊嗣昌指之爲黨清獄詔下遂出踰年起爲九江道僉事未上而國變大兵東渡郡邑望風迎附數百年故國一旦忽焉當是時人心恇擾未定但觀望未敢先發公方買書築室欲老泉石而書卷橫胸利害智力倉卒不輟暇量閩六月九日於空然無恃之中創爲卽墨之守黃鍾孤管遂移氣運東浙因之立國一年顧不可謂無益興亡之數血路心城豈論修短陳壽卽仇諸葛不能不紀蜀漢弘範

雖逼匡山未嘗不稱二王從來亡社雖加一日
亦關國脈此說蓋在成敗利鈍之外者也當公
丁丑赴試縣令梁佳植夢公廷對第一榜發不
驗及卒翁洲適葬張信墓道之南信固明初之
第一也前定之矣馮愷愈榕堂雜詩云蘆花殘
月并蕭蕭曾囑金風玉體調華表夢中先得路
歸魂只溯海門潮自注孫公碩膚沒於海外葬
蘆花洲上丁丑春公與計偕夢身臥狀元坊下
南宮旣捷常歎其無徵及窆骨處乃國初張狀

昌國典詠

卷七

至七四明叢書

約園刊本

元墓道也公昔投予手札有金風方厲玉體善
調之語

案愷愈字濟仲
慈谿人元麗子

全祖望明贈太保諡忠

襄孫公神道碑略云大兵至杭潞王迎降吏部
都給事中熊公汝霖歸見劉忠正公宗周而泣
劉公歎曰吾已絕粒待死諸公儻有能爲田氏
卽墨之守者天下事未可知也熊公歸而商於
公餘姚之知縣王曰愈已棄官去其司教王元
如迎降遂署知縣發役夫治馳道以其不勉扶
之役夫譁反毆元如眾攘攘不可止公遽率健

兒鳴金鼓突入縣署擒元如斬以徇急邀熊公
出治軍公爲兩營公主左熊主右浙東響應乃
迎魯王於天台王加公都察院右僉都御史督
師瓜里已而加公兵部右侍郎兼都御史阮大
鍼歟方國安疏糾東林餘孽公豫焉遂乞休不
許丙戌五月加公兵部尙書兼東閣大學士公
以老營駐龍王堂前黃宗羲等潛師出潭山會
太僕陳公潛夫軍議取沿海諸縣尙寶卿朱公
大定平吳將軍陳公萬良職方查公繼佐等皆

昌國典詠

卷七

至天四明叢書

約園刊本

來聽命浙西震動公欲令鄭公遵謙等夾攻杭
城而方國安七條沙之軍已潰列戍西竄公急
還會稽則王已登舟而去乃亦航海入翁洲以
觀變時公疽發於背至翁洲疾篤問從者曰此
何地也從者曰道隆觀也公歎曰吾聞建炎時
宋高宗至此金人以刃斫柱血流如雨金人驚
仆而宋提領張公裕以大船擊之今五百年矣
因唏噓泣下二十四日賦絕命詞錢公肅樂已
先在翁來視疾和公詩相向哭公謂子延齡曰

儼聞王所在宜急從之語畢而卒年四十九歲
延齡藁葬公於蘆花壘錢公具疏爲公請卹於
閩而閩又破明年王復出師長垣延齡從之以
遺言奏贈公太保諡忠襄大兵至家屬俱被執
延齡奉其太夫人及妹免王次翁洲延齡進戶
部尙書翁洲旣成域外公家亦梗康熙乙丑始
復爲內地延齡子訥渡海求公墓不可得方慟
哭忽有一老人扶杖至問所以則曰吾故公蒼
頭也吾識之導以往扶歸姚江改葬於燭湖全

昌國典詠

卷七

五

四明叢書

約國刊本

祖望孫閣學旅舍詩云七百年前觀中柱丹心
流血空中雨驚倒完顏棄甲去七百年後柱非
昔猶仗金鼇呵護力老夫病中噓喘息朔風力
足震不周柱乎柱乎砥中流老夫雙淚與血侔
莫令兵鋒過埼頭緒曾案張信狀元坊不在蘆
花壘蓋倉卒瘞狀元橋坊側後移蘆花壘又迎
還燭湖也餘姚縣志墓在燭溪湖毛奇齡撰墓
誌銘云彼殮者洲之旁所與居殿首張翳鬼物
知興喪今來歸瘞舊疆

埋碧金鼇踐夢妖傷心闍黨亂鳴鴉唵噬日影西淪海
猶有東林怨未消

沈蟾陽尋母處

張文敏照得天居士集蟾陽子傳沈清正字默
夫號一誠爲道士後號蟾陽子華亭人襁褓而
孤母倪氏誓死守節前母兄無行利母再醮誘
往落伽山進香將鬻於海舶母覺投海死其兄
遁不返清正育於母族稍長稔其事刺血寫疏
禱於天冀得母屍嘗宿一古廟夢神告以母在

昌國典詠

卷七

六十四

明叢書

約園刊本

金塘島遂浮海渡蛟門汨一島詢其名果金塘
也訪居人有告以其年曾瘞一投水婦示其處
清正露宿其側夢母慘容泣下呼清正小名清
正哭而醒憶念音容與得之母族者肖乃負骨
歸葬父墓終以痛母故出家著鷗亭詩稿

百年天地詩千首萬里風煙劍一囊

沈蟾陽青陽道院句

留得鷗

亭丹訣在神仙孝子沈蟾陽

昌國典詠卷七

昌國典詠卷八

清金陵朱緒曾述之撰

徐偃王祠

寶慶四明志徐偃王廟在東地名翁浦俗呼爲城隍頭十道四番志云徐偃王城翁州以居其址今存按史載偃王之敗北走彭城武原山下以死疑非此海中而韓文公爲衢州廟碑乃記或者之言曰偃王之逃戰不之彭城之越城之隅棄玉几硯於會稽之水則十道四番志或

昌國典詠

卷八

一四明叢書

約園刊本

可信矣元吳萊詩老篙迴我舟沙壘晚煙起蒼茫魚鹽場寂歷鼓吹里人民悲舊王歲月祀遺址終捐玉几硯不掾朱弓矢東西八駿馬今古萬螻蟻此事如或然須湔會稽水

不走彭城走越城偶拋玉几向東瀛漁人欲網駒王硯野廟荒涼廢堞平

黃公祠

乾道四明圖經黃公祠在縣東海中四百里晉天福三年置其祠載於舊圖經非係祠典故事

實未詳今按會稽典錄云人材則有黃公潔已
暴秦之世豈其人歟寶慶四明志按晉賈充問
會稽於夏統統曰其人循循有大禹之遺風秦
伯之義遜嚴光之抗志黃公之高節而會稽典
錄亦稱人材則有黃公潔已暴秦之世然則四
皓之一也至西京雜記乃曰東海人黃公少能
幻制蛇虎常佩赤金刀及老飲酒過度有白虎
見於東海黃公以赤刀厭之術不行爲虎所食
故張平子西京賦曰東海黃公赤刀與祝冀厭

昌國典詠

卷八

二四 陽穀書

約 刊本

白虎卒不能救挾邪作蠱於是不售按據不同
今並存之大德昌國州志黃公山在海之南峯

極峭峻絕頂有石碣字漫滅不可句讀或云晉

時隱者按制虎黃公西漢人非晉時隱者善術制白虎斃於

此山又云黃公祠在東海中下沙餘與寶慶志同元吳萊甬東山水

記徐偃王戰洋又南則爲黃公墓一作黃公赤

刀厭虎不行爲虎所食者也續曾按袁文夔牖

閒評余鄉古有黃姑林或曰黃公林又有黃墓

流傳以爲秦世夏黃公也王元之詩云未必顯

如樗里子也應頭似夏黃公畢文簡公以爲非
黃公未嘗姓夏當云綺里季夏及黃公爲二人
可也今觀皇甫謐高士傳云夏黃公姓崔名廓
字少通齊人隱居修道號夏黃公又卻是其號
未知孰是也余按袁文引高士傳而不引夏統
四明志諸志以四皓黃公爲鄞大里人而吳淵
穎詩則專主西京雜記赤刀厭虎之黃公然東
海黃公制蛇虎亦禦災除害者也自忘其老死
亦壯矣平子謂之挾邪作蠱不亦過乎

昌國典詠

卷八

三

四明叢書

約高刊本

壺頭新息困英豪老去黃公虎口遭東海至今無白額
威靈常佩赤金刀

梅仙庵

寶慶四明志補陞洛伽山一名梅岑山或謂梅
福鍊丹於此山因以名宋史浩會稽先賢傳贊
梅公一朝棄妻子至今傳以爲仙其後人有見
公於會稽者變名姓爲吳市門卒云今山陰之
地有山曰梅山有鄉曰梅里有里曰梅墅圖經
載會稽記云吳市門卽此也贊曰會稽在漢地

兼吳越公隱市門或游禹穴野鶴孤雲孰能羈
繼百世之風尚馳忠烈又四明十二先生贊堂
堂伊人漢世之傑方時昏昏上書剴切退伏市
門或來明越我遊大梅尚想風烈大德昌國州
志梅岑山在海之東世傳梅福鍊丹之所因以
名此山一名補陀洛伽山盛熙明補陀傳梅岑
山世傳梅福鍊丹之所元吳萊詩云起尋千步
沙穹石塞行路怒潮所捲擊徒以頑險故卓哉
梅子眞與世良不遇上書空雪衣燒藥還煙樹

昌國典詠

卷八

四四明叢書

約園刊本

玄螭時側行縞鶴一回顧從之招羨門滄海畫
多霧明張信遊梅岑詩浮生寄丹壑感慨興我
情文章豈足恃所貴矢堅貞拂之蘅寶下浩渺
駕長鯨和風灑玉宇清奏來瑤笙隱言梅子眞
千古留其名願共遊仙侶趣趾上蓬瀛明周應
賓普陀山志梅福庵在梅灣係梅子眞鍊藥之
處如迴重創朱謹普陀山志梅岑峯在達摩峯
右林石幽秀下有丹井清波瑩然大旱不竭上
有梅仙庵按普陀梅岑洛伽本一山後人以南

峯最高處爲梅岑緒曾遊斯地見庵前題額云
仙葩古蹟不禁愕然及徐思之乃知其誤爲梅
花之仙故有仙葩之額此明總鎮都督楊宗業
題蓋武人之不學者余謂僧宜易之梅井水味
爲第一至正四明續志稱舟山井去海不半武
沙泉甘美可愛山海相接而鹹淡之味漫異又
云四眼井在州治北一井四穴汲者競趨舟山固多
甘泉補陀尤爲香冽梅井又山中最潔清者惜
鴻漸不及嘗也

昌國典詠

卷八

五

四明叢書

約園刊本

仙尉驂鸞去不回鍊丹古井傍林隈吳門市卒埋名久
海外孤岑尙姓梅

陳大王廟

乾道四明圖經岱山陳大王廟在縣北二百六
十里按王名棧姓陳氏字長威廬江襄安人天
資義勇志在戡難仕隋高祖大業中嘗奉辭提
師航海道擊流球國俘斬頗眾事見隋史故
其威赫譽震海上今胸山有祠廟號陳將軍卽
王之別號也皇朝端拱二年建紹興十七年重

修有記進士施知微撰寶慶四明志岱山廟在
北海中大德昌國州志廟記云一夕風雨如晦
潮奔湧有巨石浮潮而上岱山場亭戶莫姓者
負至數里豎其石壑上若有神物憑之稱曰我
隋朝陳將軍也語竟罔然空中隱隱有甲馬聲
踰時不絕鄉民聚觀撼之莫能動因異其事卽
其地而廟焉一境之人惟神是賴雨暘以時疵
癘不作遂請於朝賜英威威一作感時宋慶元元年
也淳祐九年進士周毅夫述侯之功率人士詣

昌國典詠

卷六

六四明叢書

約園刊本

府以白加進爵其詞曰敕慶元府昌國縣岱山

鎮英感廟

英感當
作英威

廟神朕惟海上神山煙霞縹

緲乃靈異之宅昌國相望蓬萊而岱山固非尋

常島嶼也爾廟食茲土禦災捍忠事迹暴著舊

矣邇者雨旱魃於一區風寇帆於半夜閭市之

民賴以安輯庸非爾力哉部使者以聞宜啓崇

封特加徽號尙思靈濟之義以庥我民特封靈

濟侯又云刑馬礪在岱山東北名秦頭

按大德
志蓬萊

鄉壘有
秦頭

父老相傳昔隋驃騎陳將軍奉命伐流

球國領兵至此刑馬祭神今之英威靈濟侯是也緒曾按隋書列傳陳棱字長威廬江襄安人也煬帝卽位授驃騎將軍大業三年拜武賁郎將後三歲與朝請大夫張鎮周發東陽兵萬餘人自義安鎮汎海擊流球國月餘而至流球人初見戰艦以爲商旅往往詣軍中貿易棧率眾登岸遣鎮周爲先鋒其主歡斯渴刺兜遣兵拒戰鎮周數擊破之棧進至低沒檀洞其小王歡斯老模率兵拒戰棧擊敗之斬老模其日霧兩

昌國典詠

卷八

七

四明叢書

約園刊本

晦宴將士皆懼棧刑白馬以祭海神旣而開齋分爲五軍趨其都邑渴刺兜率眾數千逆拒棧遣鎮周爲先鋒擊走之棧乘勝逐北至其柵渴刺兜背柵而陣棧盡銳擊之從辰至未苦鬪不息渴刺兜自以軍疲引入柵棧遂填塹塹攻破其柵斬刺兜獲其子烏槌虜男女數千萬而歸帝大悅進棧位右光祿大夫武賁如故鎮周金紫光祿大夫又云大業三年帝遣武賁郎將陳棧朝請大夫張鎮周率兵自義安浮海擊之至高

莘嶼又東行二日至鼉龍嶼又一日便至流球
初梭將南方諸國人從軍有崑崙人頗解其語
遣人慰諭之流球不從拒逆官軍梭擊走之進
至其都頻戰皆敗焚其宮室虜其男女數千人
載軍實而還中山世鑑隋使羽騎郎朱寬至國
於萬濤中見地形如虬龍浮水中始曰流虬大
德志云廟慶元年賜額據寶慶志則端拱二
年建至慶元始有賜額

流虬一戰凱歌歸巨石浮潮甲馬飛羽衛空中迎煬帝

昌國典詠

卷八

八四明叢書

約圖刊本

風帆雨愆仗英威

茹侯廟

寶慶四明志城隍惠應廟縣南城內世傳廟神
茹侯本邑人今茹侯村其所居英烈忠毅生有
殊績沒而人祀之建炎四年車駕巡幸賜金額
紹興三十年縣令朱恩重修且記之淳熙九年
趙善訓更新焉鄉貢進士薛翼記趙與峕賓退
錄城隍慶元之昌國祀邑人茹侯不得其名大
德昌國州志富都鄉茹侯村在南舟山志茹侯

廟城北隅嘗宦於翁洲功德及民祀之按今舟
山人分城隍與茹侯爲二廟不知城隍卽茹侯
也今定海縣志蘆花壘有茹家廟紫薇壘有茹
坑紫薇在西亦稍近南志云西北然近天
童浦實稍帶南或卽
茹侯村也

生居桑梓沒爲神永庇城垣福佑民銀榜標題碑記勒
翠華會記宋東巡

蔣學士廟

寶慶四明志蔣猷字仲遠丹陽人元豐八年進

昌國典詠

卷六

九

四明叢書

約園刊本

士徽宗朝爲御史中丞兼侍讀論今羣臣無他
能惟善候伺人主意承望大臣爲嚮背者謂之
才此風不可長人言近侍祠禁中見路寢尙仍
舊瓦木塗墍皆故暗願廣聖心每如此以保盈
成先是內侍省乞不隸六察猷駁正之尋按劉
友端等皆降官范之才奉使淮南還言滁水有
鼎發民畎水繫山以出之猷劾其妄投之才干
里外又言東南應奉花石器用之物願一切罷
之廣東轉運使徐惕以虛名羨財進奉後苑請

寘之法上不從乞罷遷吏部尙書改工部陞吏部以言者罷宣和四年自祠官起知明州以不樂應奉到官數日復丐祠七年以刑部尙書召兼資善堂翊善敵騎至京師欽宗受內禪上皇東巡童貫總兵扈從上貶貫遷衛竄池州恐忤上皇意猷持詔往泣告上皇乃宣詔童貫趨貶所上皇還京師遷兵部尙書靖康元年奉祠建炎三年避地於明州明年薨贈特進顯謨閣直學士葬於鄞其後遂爲鄞人汪藻浮溪集猷

昌國典詠

卷八

十四明叢書

約圖刊本

閣直學士蔣公墓誌云建炎三年避敵明州明年屬疾上章請老遷宣奉大夫致仕十一月卒

於昌國縣蓬萊鄉春秋六十有六紹興三年葬

於明州鄞縣翔鳳鄉隱學山之東岡

緒曾按汪藻浮溪集

蔣公墓誌中元豐八年進士科調主武進簿移巴陵令改宣德郎知江寧縣課最遷秩一等崇寧初爲信州教授尋除監察御史丁光祿憂服除爲尙書膳部員外郎遷吏部召試中書舍人坐奪職黜知廬州俄除集賢殿修撰復拜中書舍人召還御史中丞兼侍讀京口耆舊傳政和七年知貢舉改工部尙書以徽猷閣直學士出知婺州丐閒奉祠宣和四年起知明州敕官階較詳又劾范之才徐揚二事宋史本傳未載延祐志但云知明州到官數日以不善應奉願丐

罷以徽猷閣直學士致仕以後事不載亦略 舟山志蔣學士墓在城

北蓬萊鄉定海縣志大展舉有宋學士蔣公仲

遠廟土人言昔時建立塘堦故廟食於斯緒曾

按汪藻所撰墓誌乃卒於昌國葬於鄞也嘉定

鎮江志云吏部尙書蔣猷墓前志云在五州山

之西阜盧憲引汪藻誌兩存之然樓鑰蔣德音

墓誌云曾祖猷卒於海山葬於隱學山子孫遂

爲鄞人祖謨父臺卿君諱綸字德音卒於姚江

縣治葬於定海縣太邛鄉富都舉之原與父祖

昌國典詠

卷八

十四明叢書

約園刊本

之藏相望也是仲遠無返葬丹陽之說鎮江不

應有墓宋之定海今之鎮海也

長嶽煙迷花石網濫封煬竈痛貂璫一麾滄海心懸闕

寒枕潮聲夢汴梁

葛參政祠

大德昌國州志葛洪宋嘉泰二年爲昌國令官

至參知政事生祠有開祐元年十一月旦日從

政郎新差充廣德軍軍學教授樓鑰記云

登東萊先生門四方從游之士以千計人受其教如羣飲於河隨其才料充然各有所得其後

出處雖不同至滄宦行法多有足觀者人學之知其爲呂氏之學子也而葛君容甫與余半齒甲乙相得覽甚後余試別東陽容甫適滿秩歸里考德問業尤爲詳密既而各西東去嘉泰四年余自越歸其冬容甫爲令於吾州之昌國昌國者古甬東也中海而立去余所居鄞雖若甚遠然舟遇風而駛朝發而午可三也邑多余親故頌容甫之政者不容口容甫之政視民如子惟恐傷之視民之父兄猶其父兄視其害民者不啻如害己者民以訟之庭不忍鄙夷之爲之明辨曲直了無毫髮枉遇事明敏吏之姦欺莫能逃然而不深窮其窟穴只使不病民而已民皆感服每當受賦租第書其所入之數授之與之約不以吏扣門民如期而輸無言負者山涯海濱絕不見吏迹父老歎謂前此令君固多賢若公則自有邑以來所未有也容甫知民安其政思有以善之始新學宮以中義名堂吾兄文昌公爲之記全州使君楊公又有其說其所以

昌國典詠

三四明叢書

加意予邑人厚矣會余同年生應君僚自得方里居容甫自山間以禮聘之致館於邑西之筠坡臨邑人之子弟從焉公退至其虛課其勤惰有小善獎之惟恐不及業有未精亦循循誘之大略簿漢能吏以爲不足爲又不屑以循吏名者居三年其效使民有餘蓄而吏日貧豪斂手單弱者得職言相與爲之善者至恥入官府人務農立本不肯輕犯法非容甫中心誠善學道愛人安能使其效卓然如此哉容甫將終更諸儒父兄成惜其去因民之欲繪其像於學以繫邑民無窮之思使無忘焉屢記於余記末成容甫之子以書來言邦人非知我者日吾何以堪之吾將禁使勿爲記毋庸作自得亦曰吾無補諸生願無故吾事余曰容甫知爲政而已無愧於心不負其學容甫責也他何庸知之且自得欲辟名而沒人之實不可因謂諸儒父兄立祠是也雖非令君意且爲後勸謹勿爲令君所奪祠竟立記有榮焉容甫恥自衒竊爲人勸嚴簡

靜處以廉口譬如蘭生深谷不求人之其馨終不
可得而闕兩受都侯薦墨皆未嘗有請列台狀
其政於朝竟莫知所從求此又近世所罕聞是
宜特書以告世之馳騫者容甫名漢其學未易
量也又講堂宋嘉泰三年令葛洪建扁曰申義參

政樓公鑰書申義堂三大字并爲之記云

東陽葛容

甫洪爲昌國令建縣庠之講堂名曰申義求書
其扁余喜葛君知政之優焉又樂其名之美旣
爲之大書矣遂并爲之記余分教永嘉時作序
齒文以示諸生其略曰孔氏稱甚矣魯道之衰
也洙泗之間斷斷爲相遜孟子曰謹庠序之教
申之以孝悌之義頒白者不負戴於道路矣洙
泗之間行者相遜何以爲魯道之衰謹庠序教
何與於道路之負戴者及究其說漢地理志云
魯嶺洙泗之水其民涉渡幼者扶老而代其任
俗旣益溝長者不自安與幼相遜也徐廣又曰

昌國典詠卷六

十三四明叢書

約園刊本

蓋幼者患苦長者長者恐愧自守故斷斷爭辭
所以爲之衰也想其盛時老者晏然如父兄之
役子弟無復相遜子所謂老者安之殆爲此也
孟子亦謂孝悌旣申則頒白負戴少者自當代
之噫後世教養士子以科舉得人之多寡爲庠
校之盛衰者與古意豈不甚遠昌國兩東也民
以漁鹽爲業近世儒風日興而猶未盛葛君崇
教化以善其俗一聞余言則曰此名堂之本意
也始余從弟鏞尉東陽而歸余啓得人之問以
容甫爲稱首茲爲鄉邑治聲固已卓然又將興
學化民以幾古人之意誠非文法吏所能爲者
齊變至魯魯變至道願不在茲乎鏞爲之記
而命弟鏞題其上越明年慈湖先生楊簡復記
於其後云嘉泰四年春昌國葛令君訪簡於慈
溪石魚對語從容及邑學忽作而言曰名學之
堂以申義願簡申之簡欣然奉命令曰此人心
所固有惟中而明之爾簡於是益善令言至當
厥明敘而書之孔子曰人者天地之心又曰心

之精神是謂聖孟子亦每道性善又曰仁人心也大哉斯言蓋萬世人心所自有之靈人孰不愛敬其親有不愛敬其親者非人也人孰不徐行後長有不後於長者非人也此心人所自有也不學而能也不慮而知也心之精神是謂聖果如吾聖人之言也其有不然者非其心之異也惟民生厚因乎物而遷感於物而昏也心之精神無方無體至靜而虛明有變化而無營再曰安汝止明其本靜止也舜曰道心明此即道也天孝天之經地之義人之行事親事長乃天地之心列聖之道

容甫東陽人淳熙十一年進士少從呂成公學得義命一語拳拳服膺初仕時方禁道學爲考

試官獨以不肯師訓之對旣足華貴又以不登

昌國典詠 卷八

十四 四明叢書

約圖刊本

權門沮年垂六十始脫選權臣又沮之端化始

以藉田令出守盱眙除江東提點刑獄按吏不

法一章十七人親故不得免入爲國子監遷貳

卿文昌兼祭酒悉凡四歲理宗卽位以工部尙

書爲端明學士同知院事紹定改元參知政事

贊討李全授王素諫仁宗御王德用進女寧以

正備嬪御世多稱之自辛巳還朝累歲丐歸已

而得請端平初詔下六七不能強後卒謚端獻

繼室其自號也有奏議雜著詩文二十四卷杜

範狀其行其侃侃守正有大臣風景定贈太師
信國公緒曾按定海縣志名宦失載葛洪故詳
言以補之容甫與稚川同姓名著有涉史隨筆
今存

筠坡教澤衍東萊贏得鬢宮俎豆陪儒吏神仙原一脈
翁山重見稚川來

劉邑侯祠

寶祐丁巳閏四月旣望儀真郡文學掾王應鳳
昌國縣大夫劉君生祠記云上臨御之三十三

昌國典故

卷八

十五

四明叢書

約園刊本

載妙簡銅墨以字民訓士風示寓縣劉君謙孫
繇元祐故冢宰明之昌國於是適再稔矣廉平
簡靖民便安之越明年政成邑士被君之化相
與言曰令君幸惠吾邑勤亦至矣今將造朝微
以寓攀載借留維昔庚桑治畏壘社而視之厥
有舊比乃有像於學而祠焉雖余門請識其事
余謝之曰劉君余伯氏之同僚也子諒肫實衷
襮如一溫乎柔木之絲淡乎衣錦之綱豈與世
健令求赫赫名者班乎而奚以像爲且邑有生

祠非古也昉於漢之千公厥後韋廣都義杜池
陽軫陸浚儀雲史不絕書然繩之以召棠勿剪
之義猶曰變之正者夫令去民最近是邑雖海
陬去天爲猶近近天則聲聞易蔽近民則恩信
難孚毋怪乎推謝摩背而誦僑絕響也劉君何
以得此於邑人哉問之庠塾之士則曰言政不
及化吏皆然令爲甚君甫下車垂意誨育縮費
廩士以歲之正飲酒於序燕毛以齒禮遜興焉
學宮水環如帶鄉老以爲文字之祥乃疏乃滌
泮縈鏡澄而又捐俸入以養之涖校比以勸之
是歲賓興有雁行聯璧而監學亦多中鵠擢第
者興廢葺圯去之日如始至復築室以奉先聖
舊像扁以燕居膏火之中教雨浹焉弓張之急
弦歌奏焉斯乃蒲密之所以垂方也子以爲何
如余曰一鄉善士令君教養之所及也必如子
羽之未嘗至偃室然從其言情而信姑徐之爲
我問政於隅陬荒落之濱旣閱月有聽輿誦而
復於余者曰維茲鷺行舊多怗懶自君之來民

不識吏庭少靜辭維茲萌黎近鹽而貧迨君之
去海無怪風人厭魚蟹余聞之舍然曰士之言
華民之言質是足以俎豆前修矣于韋杜陸不
專美於漢晉矣維先忠肅口以翼之南宮縣譜
推而爲邢臺郡譜又推而爲元祐相譜文獻所
漸棠華是似清惠維祖朔齋維兄其政不棘於
期會而以善俗爲先厥有本哉君家自朔而蜀
而吳余嘗稱其爲宰蓋所爲安靜吏惴惴無華
者故不敢相蒙而溢美云舟山志劉謙孫淳祐

昌國典詠

卷八

十七

四朝叢書

約園刊本

二年到任緒曾按謙孫爲元祐黨籍忠肅公摯
之後時有蜀黨洛黨朔黨忠肅乃朔黨之魁也
文字嘉祥鹽水關帶環玦繞鏡磨來若從忠肅論家世

元祐碑中朔黨魁

余少傅祠堂

至正四明續志應係余少傅祠堂記

孟子曰

書不知其人可乎是以論其世也
書三復斯言以爲士爲學之要
末進不及見前輩而親炙之者
若之所傳固當拳拳服膺是也
校序尊慕先儒必相與繪像而祠之豈不曰高
山仰止之說非此則無所寓乎邑在大海中相

傳爲安期生黃公所遊其地多山澤列仙名儒少傳余公以力學篤行尤爲鄉里所推敬至今耆老猶能道其遺事蓋公孝友出天性能爲人所難能闔戶窮經爲詩文有古氣邑幸王侯存之天下奇男子也方老秦當國嘗上書乞斬檜一見公意氣相傾倒爲文字交其極操可知邑自所置以來廟學緣叢未備韓侯畫鏡意作興聚邑之子弟而教青焉用鄧大夫聘致社先生故事且禮延公以爲諸生楷式其淑艾甚眾於斯之時宮牆有血邊豆有楚士講習息游其中彬彬然有鄒嶧鄉射之遺風公嘗爲詩三章章八句以美韓侯有曰海邑幡然爲魯國諸生何以謝文翁人久久皆能誦之且曰學之具也匪韓侯之賜惟余公之功公厚施不食其報餘慶所鍾是生聞孫實惟今資政殿大學士參政公參政公既坐廟堂爲天子報政大臣遂贈至孤棘之貴逮奉詔開闢里門大開庠序之教禽邑宰余君詣朝白事問訊鄉校今何如宰君頓首

昌國典詠 贊

十六 阿明錄書

約圖刊本

曰桂受任之始伏謁參政庭下言提其耳謂斯學也實王父舊遊長官幸垂意桂奉教承命惟謹不敢不盡力今且暮且將竣事敢具以白於是斥繼錢界宰官佐費不靳學以一新邑士詠歌參政之德咸自矜奮重有感於先儒之思乃議建少傅祠於中義堂東序與宰君意合像設既成宰君率邑之士以淳祐元年夏四月己未朔釋菜於先聖而後爰編焉嗚呼今之所謂先儒非昔之爲士者乎今之軒冕齋裳非昔之逢掖其衣者乎今之春記秋嘗非昔之相祀於庭者乎表之曰鄉先生前直學少傅祠於昭舊德起新教也瞻仰鼓舞悠我思盡思所以自奉矣乎且人以蕩然之身中三種而立貴而爲士尤當自愛其身余公但知篤學力行豈其所以爲人爲士之職分而已不求知於人不望報於天不顯尊顯於後世人自知之天自報之後世自尊顯之皆非余公之所願也士乎士乎亦蓋思所以自愛矣乎宰君書來請記其事於石

敬誦所聞以慰學者尙友古人之意少傅諱濂字元發寶慶四明志縣令韓晝從政郎紹興二十二年到任二十四年滿延祐四明志余桂嘉熙元年任

自從石室講文翁海邑幡然魯國風努力文章期報國莫將青紫誤兒童

干大聖廟

至正四明續志昌國州同知干文傳進士出身承事郎延祐四年三月之任在任六年有政聲又儒學書籍同知干文傳置列翁洲書院同知

昌國典詠

十九四明叢書

約園刊本

干文傳鼎建禮殿舟山志干文傳雜澤人由薦辟授陽穀縣令遷昌國同知果斷明敏勤於吏職居嘗淡泊公爾忘私鞠愛拊綏之心未嘗傾置公餘輒就文墨與陶平石往來詩筒凡五載至治改元遷新安知州民率航海請留有數四定海縣志秩官云昌國州同知干文傳進士出身承議郎皇慶年任又名宦云干文博字元鴻由薦辟任昌國同知至正改元遷新安知州按干名文傳不名文博至正續志不誤其爲進士

出身延祐四年任在任六年皆以至正志爲確
舟山志云雞澤人由薦辟授陽穀令皆誤定海
縣志秩官名宦兩歧其說尤誤又考延祐四年
迨至治二年凡在任六年舟山志云至治改元
遷新安知州僅止五載若定海縣志云皇慶年
任至正改元始遷則在任二十四年之久太相
懸遠矣干公遺澤在民航海相送遂於金塘立
廟感其靈異奉以大聖之稱明安洋將軍劉世
勳和張定西舟山卽事詩云力扶九鼎一絲存

昌國典詠

卷八

二十四明徵書

約園刊本

海上馳驅誓報恩遺愛猶留干聖廟英風重過

茹侯村

原注干文傳元昌國州同知有惠政
茹侯宋時人卽城隍神並著靈異 誰

云落日戈難挽畢竟天高手可捫慷慨諸公同

看劔聞雞我欲舞劉琨舟山志云干大聖廟先

在金塘鄉永樂初眾姓移建城之北緒會按城

中有干大聖廟俗傳夜見火光得石鑪於柳樹

下知爲金塘大聖之靈遂立廟石鑪貯廟中定

海縣志云永樂初遷不著其始末殆疑爲仙佛

神怪之流不知其爲循吏矣元史干文傳字壽

道平江人祖宗顯宋承信郎父雷龍鄉貢進士
顯之先世以武弁入官而力教其子以文易武
故雷龍兩舉進士宋亡不及仕及生文傳乃名
今名以期之文傳少嗜學十歲能屬文未冠已
有聲譽用舉者爲吳及金壇兩縣學教諭饒州
慈湖書院山長仁宗詔舉進士文傳首登延祐
二年乙科鄭氏麟溪集云干文傳延祐乙卯進士集賢待制授同知昌
國州事累遷長洲烏程兩縣尹陞婺源知州又
知吳江州文傳長於治劇所至皆有聲自其始

昌國典詠

卷八

三

四明叢書

約園刊本

至昌國卽能柔之以恩信於是海島之民雖頑
獷不易治至有剽掠海中若化外然者亦爲之
變俗初長官強愼自悉文傳推誠以待之久乃
自屈服鹽場官方倚轉運司勢虐使州民家業
破蕩文傳語同列曰吾屬受天子命以牧此民
可坐視而弗之救乎乃亟爲陳理上官莫能奪
民賴以免又云長洲爲文傳鄉邑文傳徙楊公署無事未嘗輒出而親舊莫敢通私
謁會創行助役法凡民田百畝令以三畝入官
爲受役者之助文傳旣專任其縣事而行省又
以無錫州及華亭上海兩縣之事諉焉文傳諭
豪家大姓以腴田來歸而中人之家自是不病

於役其在烏程有富民張甲之妻王無子張納
一妾於外生子未晬王誘妾以兒來尋逐妾殺
兒焚之文傳聞而發其事得死兒餘骨王厚賄
妾之父母買鄰家兒爲妾所生兒初不死文傳
令妾抱兒乳之兒啼不號乳妾之父母吐實乃
呼鄰婦至兒見之躍入其懷乳之即飲王遂伏
辜丹徒縣民有二弟共殺其姊者獄久不決浙
西廉訪司薛文傳鞠之既得其情其母乞貸二
子命爲終養計文傳謂二人所承育輕重以首
從論則爲首者當死司官從之婺源之俗男女
婚聘後富則渝其約有育其女至老死不嫁者
親喪貧則不舉有停其柩累數世不葬者文傳
下車卽召其耆老使以禮訓告之閱三月而婚
喪俱畢宋大儒朱熹上世居婺源故業爲豪民
所占子孫訴於有司莫能直文傳諭其民以理
不煩窮治而悉歸之復募好義者卽其故宅基
建祠俾朱氏世守焉有富民江丙出游京師娶
娼氏張爲婦江旣客死婦走數千里返其極以

昌國典詠

卷八

三十四明叢書

約圖刊本

葬前妻之子困苦之詆而殺之瘞其屍山谷間
官司知之利其賄不問文傳乃發其事而論如
法文傳蒞官其所設施多類此故其治行往往
爲諸州縣最韓鏞時爲僉浙西廉訪司事作烏
程謠以紀其績論者謂其有古循吏風至正三
年召赴闕承詔預修宋史書成賞資優渥仍
旨四品以下各進一官擢文傳集賢待制亡何
以嘉議大夫禮部尙書致仕卒年七十八文傳
氣貌充偉議度凝遠喜接引後進考試江浙江
西鄉闈所取士後多知名爲文務雅正不事浮
蕩其於政事元高德基平江記事干文傳崑山
爲尤長云

人中延祐元年鄉榜明年廷試賜同進士及第

初授官階承事郎昌國州同知元劉性朱肅齊

集序干文傳守婺源文公故宅與其先墓爲藏

右所奪者皆取而歸朱氏俾遠孫之居建安曰
勳者來掌祠事勳以韋齋集獻干抄性梓之緒
曾按元史列傳干文傳事甚詳其昌國治蹟亦
多諸志所未載舟山定海志或訛爲文博抑何
其不讀史也王鏊姑蘇志有歐陽原功封干文
傳二代碑顧嗣立元詩選三集有干文傳仁里
漫稿元王元杰春秋集獻李文仲字鑑薩都刺
雁門集俱有干文傳序字鑑序自署吳郡干文
傳乃忽以爲雞澤人又云字元鴻姓名籍貫俱

昌國集詠

卷六

五

昌國刊本

訛無怪其以神仙恍惚當之矣金塘山柳街干
大聖廟極宏壯舟山志平近坊府治之東宋景
定三年令詹文博立信麟坊丞廳西元景定四
年令干文博立緒曾按詹文博或詹仁澤之訛
然仁澤寶慶三年到任紹定元年致仕亦不及
景定三年景定乃宋理宗年號安得云元景定
也

石爐香爐火重焚循吏棠陰在昔聞一自柳街迎大聖
搜神干寶說紛紛

烏哲勒圖公祠

元程端禮畏齋集故中奉大夫浙東道宣慰都
元帥兼鄞縣翼上萬戶府烏哲勒圖公行狀云
公諱烏哲勒圖都爾伯特氏世居燕山延祐庚
申欽授符命授德遠大將軍鄞縣翼上萬戶府
達嚕噶齊奉檄鎮海口有功天子賜以金織文
對衣二襲越六年加定遠初倭寇來鄞防禦之
官控御無度且啓肆懸焚屋廬剽玉帛民甚患
之公鎮邊嚴師控制貿易持平表之以廉介懷

昌國典詠

卷六

三四四明叢書

約園刊本

之以恩威乃俛首嚮服恭效貢輸之禮營中夜
倭奴四十餘人擐甲操兵乘汐入港公亟訊之
得變狀徵所賂上官金還之倭旋及昌國北界
擄商貨十有四舟掠民財百三十家渡其子女
拘能舟者役之餘氓奔竄公亟駕巨舟追之進
其酋長諭之曰曩不軌在律無赦聖上仁慈不
忍殄殲汝敢怙終復肆蠱毒汝亟用吾命幸寬
貸之稍予遲違則汝無遺類矣皆股栗戰恐願
盡還所掠以贖罪公從之遂招徠其民給衣食

使之保聚皆兩手環公拜且泣曰吾父母也其
州牧徐敬率民立祠銘其德於石元張仲深子
淵詩集哀烏哲勒圖中奉詩將軍忠誼冠當世
烈烈雄姿不可降自襲簪纓分貴胄御屯貔虎
鎮南邦射鯨滄海探鼉窟搏猛蠻荒擁豹幢世
謂有名矜智略公云盡瘁效愚意旌旗暮捲秋
頌令微漢春閒夜吠危紫誥近登藩闕貳文犀
添重虎符雙正開玉帳民除瘴遽調南柯俗自
龐想見孤貞懸日月幸留遺像衛矛鏃東風慘
昌國典詠

卷六

三五四明叢書

約圖刊本

慘吹征旄落日翩翩照大江國士仰風咸戴獄
書生有淚灑飛淙尙方曾錫衣閉襲內府空頌
酒拍缸存沒有榮無復憾汗青勳業筆如扛緒
曾按舟山志元昌國州知州徐敬奉政大夫至
元二年十月到任蓬萊鄉北界村故實可考者
僅有此一祠宜補入志乘以見昌國元時能弭
倭患也

文衣金織大將軍海口高牙舊有勳誰向荒祠尋北界
蓬萊山杳萬重雲

帖侯祠

元席帽山人王逢浯溪集帖侯歌序昌國州達
魯花赤高昌帖木兒元平章買住之猶子也海
寇犯境侯連與戰破之眾寡不敵或勸侯遁去
侯曰是我死所也遂死之浙江行省參政樊執
敬爲文遣使致祭請諡於朝逢爲作歌云仙居
縣丞寇海邦白晝突入干矛鏃帖侯親騎大宛
馬快劍挺出蒼龍雙鬚張背裂赫如虎殺氣雄
風助虓武燭馮擲地血飛兩短兵未接寇偃鼓

昌國典詠

卷六

五

四明叢書

約國刊本

天南弧矢夜掩光狼角赭赤雲玄黃洪濤鯨鯢
去咫尺再戰身與城存亡艤艫千百水犀手主
者誰與仆旗走侯立不轉縱殺之殉忠國家良
亦厚君不見台州牧長金兜整氣節自是名臣
流情鍾兒女挫堅銳卒墮賊計空遺羞男兒眞
僞那料得長松古柏寒增色鴻飛冥冥我何及
落日荒山淚橫臆緒曾按元順帝至正十四年
九月方國珍以兵突入台州路執元帥也忒迷
失黃巖州達魯花赤宋伯顏不花知州趙宜浩

所謂台州牧長也十五年國珍以舟師奮至慶
元元帥納麟哈喇不能禦開門納之又攻昌國
達魯花赤高昌帖木兒死之是時國珍已授巡
海萬戶其始降授定海尉帖侯歌中稱仙居縣
丞稍異全祖望句餘土音有元達魯花赤帖侯
祠欲合陳文昭王剛甫爲殘元三仁祠余謂昌
國當以趙觀光詳蘭山帖木兒陳文昭爲元三忠
祠

納麟失計突兵戈力鬪犀軍血染波雙劍躍龍湖上下

昌國典故

卷八

五十四明樓書

約園刊本

神絃聲沸帖侯歌

火斌祠

籌海圖編嘉靖三十三年四月參將俞大猷與
賊戰於普陀山武舉應襲火斌黎俊民魏本康
阜死之斌觀海衛人幼通儒術以母病嘗糞轉
甜晨夕告天願以身代及壯應武舉鄉試中式
第二憤海寇荼毒生靈詣軍門乞隨軍報效累
立奇功至是與武舉生黎俊民應襲魏本康阜
督水兵追賊於普陀山陷陣先登同時遇害蓋

忠孝役於天性者也後其兄指揮同知火雷請於當道爲之立祠與俊民等並肖像於其中此

外死烈愷者有軍人葉七死舟山者有指揮

溶義士吳德四吳德六

籌海圖編嘉靖三十一

年十一月指揮吳德六士吳德四吳德六與賊戰於舟山死之德四德六兄弟本慈溪濱河農夫少有膂力先是寇上平石經其廬驅其豕豕德四持鋸自山歸遇寇於門揮鋸中賊腦仆地德六取刀追殺一梟魁遂以壯勇有聲隸杜槐部每遇敵卽衝鋒奪旗以爲常至是海道閩其名檄往攻舟山險寨德四直前斫賊渠於轅門寨內驚擾而出怯卒皆返旆走賊斫德四仆地德六呼曰兄死矣獨前殺其殺兄者後冠帶把總桑麻土兵頭目莫兵不繼亦死焉

昌國典詠

卷八

三四明叢書

約圖刊本

翁送

嘉靖三十五年十二月

死柯梅者觀海衛指揮某皆

見於遇難殉節錄又舟山志有姚思敬劉晉鄭

十三孝子皆死倭難

茶樹瓜生大石飛黑氛紅怪盪成圍鬼雄報國知多少

獲得長猷七丈歸

章氏家前茶樹生瓜東泉嶺大石滾擲如飛日光暗赤黑紫色如日狀者

數十相盪俄而數千彌天禱山有怪似蛇微紅長而高

大目光如炬皆明倭亂之兆參將盧鐘瓊巨猷七丈人謂斬倭之兆

見定海縣志

徐公祠

舟山志徐公生祠在祖印寺後殿張公祠之左

明大學士孫如游徐公生祠德政碑記云金陵
徐侯以節鉞來鎮翁洲者五年於茲矣鯨海不
波狼煙息警浙中數百萬蒼生賴以衽席主上
嘉乃丕績簡拜副戎開府湖州倚爲兩府長城
戒行在卽環鎮將士洎文學諸英地方父老皇
皇若失所天奔走呼號欲從當宁借寇以朝無
反汗留侯弗克於是謀所以志不忘者相與鳩
工伐石紀佳功德而徵言於余余與侯之中堅
趙君至戚知侯甚諗安敢以不敏辭翁洲孤懸

昌園典譚

卷六

五

四明叢書

約園刊本

海外彈丸黑子假令醜夷匪茹乘風鼓棹蓋首
衝必犯之區吳會外藩也故特設參戎建牙其
閒而受成於大將軍蒞茲土者最稱艱鉅徐侯
天性謹厚神思精勤行閒事無巨細罔不悉心
擘畫如選將練兵修艦繕器之法載在東海籌
略者一切中機宜次第舉行於是壁壘改觀
旌旗生色島夷不敢正窺中國者皆侯威靈之
所震讐也至於大小汛期侯親督諸軍衝歷風
潮不憚艱險餼糧輸至卽時分給不令所部枵

腹諸裨亦兢兢奉令毫無染指以故人心感奮
願效死力歲庚戌倭奴闖入壇頭侯策兵追勦
望風宵遁頃多番商積盜作姦出沒侯皆捕獲
以聞寵膺天賚此侯功德之大較也更僕未易
悉數若其拊循遠近軍民卯異喚咻事從平易
絕戒騷擾軍民愛戴不啻慈父且自奉最約茹
服不染市塵一物清靜寡欲卽羔羊素絲胡以
尙焉公餘進青衿於帷幄敦詩說禮上下古今
藹然光霽襲人有叔子輕裘緩帶風度今夏早

昌國典詠

贊

三

四明叢書
約圖刊本

嘆黎庶蹙額侯屏從徒步詣壇壝祈禱甘霖立
降農獲有秋交口頌侯回天之大造大都侯之
冰玉禔躬慈祥御眾精勤孚格所至夫豈偶然
往世廟中浙之柯梅粵之南澳先後爲倭巢處
並賴威大將軍蕩掃妖氛出民水火特進宮保
移鎮薊門至今所在俎豆不乏侯之榮被斯命
千旌旦晚南指浙人無計攀轅粵人引領望幸
以生平經略緒餘振刷而彈壓之他日奠安嶺
表屏翰闔壤樹大勳烈行將勒鼎彝而胙土茅

豈特媲美戚將軍哉願侯努力爲宗社封疆計
安攘以副仰期此余拳拳之祝也勒之瑱珉用
昭久遠侯諱一鳴字起鳳別號心齋世襲南京
豹韜左衛使昭勇將軍時萬曆歲次癸丑臘月
上澣穀旦

壇頭倭退馨威名救旱甘霖百穀成努力封疆樹勳烈
便分茅土作干城

張莊節公祠

舟山志張公生祠在祖印寺後殿定海鄉宦謝

昌國典詠

卷六

三四明張書

約圖刊本

渭撰碑記一在府南右首鄞縣鄉宦周應賓撰

碑俱萬曆四十六年建明副憲謝渭張公生祠

德政碑記云

初張公以癸丑來督師海上樹牙參戎也俄滿歲例當遷當事者以

公諳海上事宜久任爲疏請加公副戎銜仍督師海上越八稔參戎統轄封域歷寧紹諸郡地兼制海外數千里次第調發水陸諸士卒并所城守禦操班軍伍共五千有奇舟山其干振汛防外春秋耀軍士躡柳處也懸絕海島屬定東南隅去邑治數百里而遙先是獨設總戎握重兵蒞定海已復並設參戎率偏師駐舟山厥傲兵制中樞後動前茅慮無於以壯犄角之勢云自嘉靖壬子倭闖入內地舟山特創甚賴官軍力禦城岌岌幸免未遑議增闕以承平久陵遲日就圯公至閱戎後慨然曰事豈有急於此者乎且夫浙固以定邑爲咽喉也定復以舟山

爲門戶定之不犯寇以舟山爲之南蔽也今孤
城若頽堵卽封疆之臣其何以慎固封守於是
遂特請之督撫監司力肩繕城事雖歲錄領之
於郡帑然因石於山因薪於海因力於兵海上
屹然一金湯而邊氓不聞費私帑一銖不煩佐
一手力而坐安慶堵民以是翕然成頌公焉舟
山旣已泡浮海中山谷村落拓田無慮數十百
頃人自爲溝澮灌漑其地形中建設而外故以
海爲壑雨集苦無厚蓄資隄塹版築築閘高
下委輸歲久廢隄水盡瀉殊苦修築費公曰無
水是粟無所與殖也無粟吾卽有城不能守也
曷緝諸遂首捐俸若干緡倡議循故址志飭諸
士著畚耜如雲不日就緒緣是歲有秋所灌田
亦無慮十百頃民至今賴之海表俗故樸田叟
守耒耜長子孫無一切苛賦賦斂之好然奸民
之憑挾城社以恐嚇鄉愚者偏於此爲數小有
註誤輒假威爲株連窮竟破產營脫良民重足
輟業公惻然憫切力爲高道白其事獲奸民麗

昌園典詠卷八

三四明徽書

約園刊本

之辟民始得帖席寢家室杜保聚皆公賜也大
略公所職掌在訓練軍實而願能以其緒餘波
及士民如此類更僕未易數卽如元早步禱而
甘霖隨澍鬱攸時作而返風滅火禮青衿之彥
則將門以揖客重也節文昌之字則武備以文
事宏也公旣與海濱之民周旋久民亦戴公益
深亡何公竟擢陪京錫衣掌衛事去父老肖公
像而尸視之於祖印寺傍更謀勒石頌德以石
言屬余誌不朽余曰是於古有之蓋羊叔子鎮
襄陽每造岷山登臨慷慨有百年賢達湮沒無
聞之感襄人因祠叔子其上名其碑爲墮淚碑
唐李石嘗言於西蜀中元日詣佛寺見劍南節
度使章舉圖形百姓至者先拜而後調佛二公
皆節臣而能使民感慕思服如此卽以今定民
所係繼於公觀之人情不甚相遠古與今豈有
異哉然余嘗憶往時過舟山徧觀蘆花岑江倭
夷盤據巢穴故處木石俱受燼愴然悲之至今
數十年民尚有視其地若歐脫不欲居之者自

今得公爲保障堅城可恃民遂若衽之於懷無
復思樂郊者乃若溝洫旣修畝洩有利每值春
秋耕斂農夫作偶脫衣就力推引銚耨以當劍
戟披蓑荷笠以當鎧盾故耕器具則戰器備公
蓋以陰撫古兵農相寓之法小試之於一隅用
以固吾圉然而所由庇民固已百世利矣此卽
公爲將方略一斑也至於興文重士弭災戢奸
種種善政在他帥祇用戢治軍書爲務斤斤救
過不贍奚暇論繩墨之外在公自游刃有餘矣
公天性孝友雅善詩賦累歲軍功將略幕府別
有記錄不具論論公所爲遇愛舟山而士民思
之者如此公名可大字觀甫別號扶輿南京羽
林左衛軍指揮使尙書周應賓張公生祠去思
中武試辛丑會魁

尙書周應賓張公生祠去思

碑記張大將軍扶輿由武科起家數任皆劇職

之思也所在而在封疆其濺澤在士卒而其係人
由甬甸東入掌金吾矣其能已東人思耶金吾

昌園典詠

卷六

三四明誌書

約園刊本

古環烈之尹地親而禮崇於弁帥中稱貴倨樞
府之推轂君一年所矣始章不下者久之迨新
天子御極拊髀宿將乃拜斯命東大夫又以海
上之驛騷不能一日釋公去也而留之至於今
代者至再留之不獲則所部材官與超距蹶張
之士靡不走余而問紀石焉若謂余文墨啞君
得明習者將毋以余之高麗之警撤估敝旁出番
請泚筆無讓焉夫自高麗之警撤估敝旁出番
船闌入夷情蠢動足虞也當君在而謐如或幾
忘矣迨去而更思之余詰所爲思者其爲君砥
礪修潔束身如處子無漁獵於其下耶其爲君
當則必功過明軍容之烜赫而號令之無爽耶
其爲君拊部曲有恩解衣推食令人飲饌而挾
纒耶其爲君扼要害謹斥堠後海姚江泥濘之
閒邏守無失耶其爲君衝海擊倭一創之五單
再創之五爪又創之壇頭斬馘焚舟舉有成算
耶然此皆強索職守事也而匪其大也乃其大
在翁山城臺修繕耳翁山東浙之門戶也歲久

而蟻封乘之圯甚守土者能無苜蓿梁工之慮乎
顧費鉅所需金錢無算中丞與巡海使者頗難
之而以事屬君略基命日鳩材量工至口之不
愆則君之營也公帑經始八百請益之不足以
已俸繼之竟如干矣則又君之施也夫它帥誠
幹得不乾沒公費足矣況割己以充公乎迄今
樓櫓壯雉堞完君去而城在矣每發汛登陣而
思日猶望扶輿君乎君既翱翔天表無由爲下
士慰俾此土傳爲豔稱得見式如君者庶幾無
去矣以此言思思可知也雖然甬句東之思特
一隅事耳方今夷氛甚惡疆吏之不戒北門鎖
鑰非君不可而以黑頭公居南意者固知丁公
世掌耶抑如召公營洛息君將有待耶余雖老
不及事拭觀鷹揚一奏虎拜之頌燕然銅柱猶
後矣而何近徵海郡之夫思君張姓名可大字
觀甫扶輿其號也擢辛丑武進士留都之孝陵
衛人世奠太僕寺卿徐時進重修舟山城記云
指揮僉事

昌國典詠 卷六

三四 四明叢書

約園刊本

舟山故鄒地秦漢之際鄒地最廣唐開元中始
析鄒地作慈奉諸邑而舟山爲翁山縣大曆六
年袁冕以其地叛則棄不治其復治之爲昌國
縣則宋熙寧六年也明興罷昌國縣爲衛亡何
又徙衛於象山留中中左二所爲守禦改屬
定海衛志云洪武十二年指揮慕成立城五百
丈明年指揮許友跨替山增版築卒成之豈前
而唐宋邑之爲翁山爲昌國得無城堞爲防禦
計耶其云恢宏舊制則有城當自開元始而入
明則又式擴增之耳日久承平綢繆計鮮戎乃
生心焉至嘉靖壬子而島夷蹂內地幾徧江以
南舟山之於海著而黑子爾倭入舟山之蓋花
峯江特其連亡之餘官軍以嚴師遏倭竊竊而
議宵遁無暇叩城闕然已岌岌矣方事之急豈
滿四郊勢所急不在繕城事已戒嚴人人快得
平定安集又不得繕城以迨今六十年而餘傾
圯灌莽牧豎得而狎之勢不容不有肩事議且
經始則虞費鉅虞用民虞召役終以噤噤罷矣

萬曆癸丑秣陵張君可大奉簡書以守帥視寧
紹師駐軍舟山至則賭而咨嗟夫言堂與安也
奚其得置門戶弗問地越在海外特宿一軍爲
捍內藉而荒落頽廢一至此今此二千視坐
自銷煨燹以軍於是請於觀軍之意府轉請督
府咸慨焉謂及時修固當於是首議曾陞議濬
聖議修樓鋪以次受功焉修完城身九十八丈
九尺女牆一千四百三十三尺四門大城樓四
座兵司馬房四座箭樓五座敵樓八座鐵水門
其十八扇弔橋二座石隄四十一丈皆因其舊
而葺舉之使不廢者也又南門月城一座二十
丈水門一座九丈兵馬司房二座總臺鋪一座
箭樓四座敵樓五座窩鋪三十八座此則創自
今而補葺所不備者也程材鳩工較初所謂計
增數倍而請於郡帑之軍需修倉仍八百七十
有奇他無分毫益自爲陶冶窰砌灰墁皆於燧
人取給焉薪運之海嶠石鑿之山棧力則資之
團練之尺伍忻而子來旬再一稿割自軍府公

昌國典詠

卷

五

四明叢書

約圖刊本

餼比於市租雖牛酒不徧饗而意自投醪亦足
以鼓而忘其勞矣事半功倍豈不存乎其人哉
役始丁巳十月畢於戊午二月麗譙煥燹墟塹
高深辨糞中央望若雄關哉父老杖而造軍府
稽首謝曰何幸何幸不圖今日有此舉保我子
孫軍府還謝曰主臣前我而駐此者寧無
此意耶職上意安無事則不敢以有事請今之
督府慮周四字居平視如敵至又海上監軍之
竄僉有同心故吾得以吾說投合諸軍吏技擊
公效用胼胝洵諸父老之幸使余得効事一遣
謫何又余之幸也於是謀勸頌頌督府功以謁
余不佞余謂張君雖督府公之安不忘危集忠
有此又孰知非聖天子之不忘我東南能簡督
府公爲東南恬哉舟山雖一區門戶坐令遠人
視我好先意銷何必大有被東南哉督府劉
公一焜江西南昌人巡海使蔡公懋臣閱之
同安人繼王公應乾淮之睢寧人郡伯楊公鍾
英閩之長泰人海防丞商公文昭閩之漳浦人

別駕梁公大材東粵羅定人文公雲鷗粵西藩
陽人司理宋公禎漢閩之莆田人邑侯王公本
良粵東澄海人皆於督府核實效能以成守臣
等畫拮据之庸者也備倭把總吳善道左右哨
把總趙如龍劉應宿守禦指揮樊樹勳二所署
印千戶王翼龍范匡時各有勞績例得并記餘
記碑

張莊節公駛雲齋集有自作平水閘銘云

舟山水閘傾圯久矣余於丁巳歲

萬曆四十五年歲捐

俸而新之數歲以來土膏滋而斥鹵變洪波抑

而魚鼈恬萬頃皆同一方底定民享樂成式歌

且舞用紀成事系之以銘銘曰奕奕舟山東海

之陽溝洫弗治同於漏觴我思古人能化瀉鹵

昌國典詠

卷八

三四明倫書

約園刊本

趙國在前白渠繼武爰出橐金厥工鳩只旣築

旣堅如墉如砥蓬萊之野安期之鄉原田廡廡

流水湯湯彼硤有時繕修勿替託管陳詞敢告

津吏又舟山城工告竣喜賦金城百二控秦關

醴酒能開壯士顏粉堞直連窗外嶂綺樓高并

海中天戈船說劍春潮靜羽扇論兵白晝聞從

此東南歸鎖鑰不飛片檄下三韓又燕喜堂落

成詩螺頭雙髻插桃花鼓吹鐘聲近洛伽佛嶼

玉峯連白霧翁山寶鼎燭丹砂芙蓉洲接黃公

宅細柳鶯連徐偃家最是鎮盦雄瀚海堪標大
蠶筵高牙鸞龍解作戲珠形鳥革翬飛鶴集庭
流水門前千頃碧高山屋上四時青擎天作柱
多人傑犯斗浮槎有害星醉後雅歌剛假寐好
風吹動護花鈴卜築蓬瀛喜落成鑪煙縹緲御
仙靈絕無俗物能爲障獨暢玄言足解醒雪後
梅花三島樹春前玉版五侯鯖雲臺麟閣何須
羨辟穀身輕天地口黃鐘纔動綵絲長卦復初
口滿六口方朔偷桃聊吏隱老君指樹此仙鄉

昌國典詠

卷六

五

四明叢書

約園刊本

休言前事印爲鵠且問南山石化羊羽檄不馳
刁斗靜何妨日進百千觴明史張可大字觀甫
應天人世襲南京羽林左衛千戶舉萬曆二十
五年武會試授建昌守備僉浙江都司僉書分
守瓜州葉向高見而異之曰此不特良將且良
吏也遷劉河游擊改廣東肇慶參將調浙江舟
山舟山宋昌國城也居海中有七十二澳爲浙
東要害可大條上八議皆碩畫倭犯五寧瀾白
沙港茶山潭頭連敗之加副總兵城久圯可大

與副將蔡獻臣築之兩月工竣城內外田數千畝海潮害稼可大築碶蓄淡水遂爲膏腴民稱曰張公碶天啓元年以都指揮使掌南京錦衣衛六年擢都督僉事南京右府崇禎元年出爲登萊總兵官孔有德反巡撫孫元化納賊可大投纆死之贈特進榮祿大夫太子少傅謚莊節建祠曰旌忠定海縣志張可大與戚繼光等合祀於沈家門天妃宮後此祖印寺側乃張莊節專祠明舟山多賢將俞大猷盧鏜戚繼光梅魁

昌國典詠

卷六

三六

四明叢書
約園刊本

事見紫陽書院徐正事見樂凱亭盧述字思齋有謀勇徐一鳴事見徐公祠袁世忠字海門有生祠在聖母行宮之東蔡獻臣何汝賓字寅之著舟山志四卷邵輔忠校訂諸公或有祠已圯或無祠宜合祠之

築城修閘澤流長羽扇論兵肅海防祖印寺拈香一瓣風流不滅戚南塘

安洋將軍祠

勝朝殉節諸臣錄安洋將軍劉世勳上元人守

安洋城力戰死左都督張名揚定西侯名振之弟舟山破母范氏赴水死親屬二十餘人同自

焚死見明史及輯覽乾隆丙申通謚烈愍全祖望翁洲

劉將軍祠堂碑大兵之下江南也望風而靡所

向幾不血刃其最難下者江西之贛州江南之

江陰涇縣吾鄉之翁洲卽大兵亦以爲出於意

外贛州以楊萬二督師聯絡諸省援兵猶足以

支久江陰涇縣則難矣然尙與江湖聲息相近

也豈若吾翁洲之彈丸絕島哉然而殘明一綫

昌國典詠 卷六

吳 四明叢書 約園刊本

實寄於此其關係至與厓山等斯亦奇矣翁洲

文武死事諸公極多可考者二十七人而城守

之功則劉公世勳一人任之爲尤烈初大兵之

分道下也定西侯張名振令蕩湖伯阮進邀擊

於大洋以將軍城守而自奉王揚聲擣松江以

牽制之定西甫去天忽大霧大兵乘順風徑渡

無知之者蕩湖急出兵用火攻而反風竟自燬

大兵遂直抵城下聖朝之得天固非人力所能

施也將軍料簡城中步卒尙五千麾下死士五

百居民助之乘城而守屢攻屢卻八月二十六日調門詐降內伏大礮受降者爭先入伏發擊殺千人大兵愈怒急攻然終不克先是城中別將邱元吉金允彥密約爲內應顧不得開二十八月遂縋而出降且言將軍嚴守狀乃再益兵九月二日大礮如蝟城雉盡壞將軍乃朝服北面望海自刎嗚呼烈矣翁洲一城之流血以將軍故而居民至今趨其祠春蘭秋菊禋祀恐後夫非其精忠之所感歟將軍字允之南京人也

昌國典詠

卷六

四

四明叢書
約園刊本

解褐自右榜進士歷官都督僉事監國駐師進安洋將軍平居好史籍嫻吟詠稱儒將云張忠烈公焯言哭劉安洋詩云羽聲落日泣兵殘斗大孤城獨據難虎體拚隨朝露盡龍精空向暮雲寒數奇偏少封侯骨力竭惟餘報主肝歲歲芳洲腥草綠飛鱗猶繞舊登壇

血灑圍城雉堞崩燒殘鐵骨自峻嶒同心更有張都督
滄海魂歸謁孝陵

成仁祠

全祖望鮎埼亭集改正成仁祠祀典議謂黃斌
卿之私人欲廁斌卿於祠以毀定西前令妄采
里巷誣誕之言遂至盈廷冒濫因據明史以黜
之得可祀者僅二十三人其論甚偉然兵燹之
餘其人實未可勝紀田橫五百豈能盡得姓名
久之真偽雜屢勢所必有定海縣志躋斌卿於
張覲淵之上又以斌卿婦翁爲本兵事出鑿空
且旣云順治八年大兵渡海致搜後至之誅斌
卿本非死於順治八年取以冠諸臣之首尤可

昌國典詠

卷八

四明叢書
約園刊本

駭異力詆定西遂併張名揚及定西母范氏等
盡皆抹殺全氏攻之宜矣余至成仁祠見牌位
三中職官左士民右妯孃婦女名每名下分注
明史縣志蓋邑令莊綸渭調停繆全二家之說
而並存之今詳加考訂以俟知者東閣大學士

張尙堂

明史稿張尙堂字敬寧天啓乙丑進士
順治三年唐王敗死尙堂飄泊海外六

年至舟山魯王用爲東閣大學士八年大兵乘
天霧集螺頭門定西侯張名振秦王航海去獨
尙堂城守城中兵六千居民萬餘堅守十餘日
城破尙堂衣蟒玉南向令四妾一子婦一女孫
先死乃從容賦詩自經餘

禮部尙書吳鍾巖詩
詳雪交淳國朝蓋忠穆

忠穆寓室國 兵部尚書李向中 字豹章號立齋

朝諡忠烈 辰進士除長興知縣調秀水升車駕士事未任

浦職方大帥捕得之以縲絏入見終不屈死國

朝諡忠節志云 吏部尚書誤 兵科給事中董志寧 東破在藉

謀起反事洩棄妻子走舟山辛卯城破自縊死

國朝諡忠節全云自劾南疆釋史董志寧字幼

安以饑貢入太學乙酉六月大兵長驅入浙乃

編湯同里摺紳勸起兵聞者皆笑為狂海刑部

員外郎錢肅樂是之六狂生者陸宇燁張夢錫

華夏王家勤志聚奎而幼安其首也諱子多

受害惟字燁得脫而幼安亦走之海外尋監國

至晉兵科部給事中以奉使時入內地聯絡山

寨諸軍以為海上應諸山寨亦感其孤忠資糧

不戒而集辛卯自刎死其妻羅繼室也仰藥死

子士駿士驥及長皆蹈海不返幼安遺骸為陸

宇燁捐金募葬先一夕忽入夢曰吾剛一足啓

昌國典詠 卷八

三四明叢書 約園刊本

視吳失右趾陸東蒲補之幼安初入舟山義僕

文周匿其妻孥挺身赴官鍛鍊幾死卒不一言

後悼其主祀絕縞 吏部左侍郎朱永祐 利甯而

衣蔬食終其身 死國朝諡烈愍張忠烈煌言輓朱問玄少宰云

風流名節總相兼冰鑑高從斗北瞻老去漢臣

猶避莽歸來陶令未名潛一官直與夔龍並七

尺甘隨豺虎殲試向星辰還聽履炎翰應為返

西掩楹日烽煙點鬢毛開關已識兩難逃黍離

社稷無新斃草昧朝廷有節旆自許孤忠遺海

岸人悲舊事失山濤臨風不盡招魂賦那忍重

看舊佩刀上箭郭開泰晚朱開玄先生云平生

崇節義不但魯朱家正氣凌銀漢忠魂逐翠華

一時人化鶴牛夜道橫蛇死矣履無補千秋芬

齒牙自註朱永祐字爰起魯王時為吏部侍郎

舟山破見殺定海縣志云工部尚書按張忠烈

詩有山公啓事之語 通政使 參議 鄭遵儉 會編

知為吏部非工部也

朝諡 忠愍 安洋將軍劉世勳 詳安洋將軍祠 左都督

張名揚 詳定西侯墓國朝諡烈愍自張名揚至

一人餘俱從勝朝殉節諸臣 錄補入見明史及輯覽等書 錦衣衛指揮王朝

相 詳宮非國 兵部郎中朱養時 江陰人一作河

諡節 戶部主事林瑛 一作之瑛福建人妻 兵部

主事江用楫 蘇州人妻亦自縊國朝諡節愍 禮部主事董元裕

人自縊於學宮國朝諡節愍南疆釋史董元裕

字天孫城破先驅妻子入井而自從之死 兵部主事朱萬年 一作職方員外郎福 兵部主事

顧珍 長洲人國朝諡節愍 兵部主事李開國 臨山衛人母

昌國典詠 卷一

四十四 四明叢書

諡節 工部主事顧宗堯 長洲人亦作寧波人同

云投井母童氏亦 中書舍人蘇兆人 蘇州人自

自盡全作中堯 禮部主事 工部營繕所所正戴仲明 鄞縣人

諡節 朝定西侯參謀顧明楫 順天人以下入祠

楫舟山事略顧明楫題壁詩云愁 魂應傍孝陵歸或云應天府生員儒生蕭賓侯

朱錫爵 舟山始末儒生蕭賓侯松郡破不肯離

而南寓舟山僧舍辛卯秋大兵攻舟山垂城蕭 詣張公甯堂寓見方裂帛蕭曰請假一尺線可

乎遂同日自縊臨訣以四語呈公曰保髮存華 夏投繯了死生男兒各有志義重此身輕乃假

一帛就外舍日請爲公先行當報具司主者迎 公也公視其絕乃移屍雪交亭中後并公屍同

焚馮賓侯一作寅儒生員林世英福建人自張肯堂至賊仲明皆乾隆丙中議諡

餘併見殉節諸臣錄皆死於舟山者蕩湖伯阮進拒戰死橫水洋未及議諡定海

縣志阮進皆作阮駿按舟山事略未及議諡定海駁為進之弟英義伯乙未乃死

董守諭宮井篇云內監王朝錦衣衛王相全氏云錦衣指揮王相內宮監太監劉朝從明史也

又朱養時注云據吳少保海外遺集禮部給事兵部郎中明史但作兵部殉節諸臣錄一作河

南道御史以上二十三人乃全氏所取者兵部尚書入閣辦事沈宸

荃以下皆定海縣志所載者殉節諸臣錄沈宸荃抵金門覆舟死諡忠節張忠烈集沈彤菴

穉舟日南適風失維不知所之志云赴海死兵部右侍郎沈猶龍殉節

諸臣錄云募兵守松江城城破中矢死諡忠烈志云兵部尚書以上二人皆非死於舟山然亦

昌國典詠 卷九

聖西四明叢書 約園刊本

魯王忠臣領水軍劉永錫舟山事略癸巳誠意伯偕子永錫依名振乙未八月

二十一日永錫跳沈知義曾鼐張仲孚朱思浩水死非辛卯事

志云皆失其官內閣中書顧玉蟠志云自緝南疆釋史顧玠字玉盤山陰人

聚妻于於一堂舉火自焚死同總督軍務沈大成志云冠帶自縊死

禮部司務郭定中書周在德中書陳駒中書韓允祥志云各赴水死

太常卿典簿劉孟賢志云一作孟祥自焚死

鴻臚寺主簿張鵬翼志云城陷死之中中所百戶周之

簋志云年七十死之中中所千戶王天培志云自縊屯田總

兵呂金聲志云嘔血數斗而死妻林氏自縊于鳴綸撫其尸號痛在地忽奮呼持刃

相擊力竭而死按呂金聲中左所百戶陳起蛟
官秩較顯何以諸書鮮稱志云同弟黃蛟自縊百戶黃世安志云自焚死貢生黃希范趙

孟遴洪復僑志云俱自盡貢生范佩蟠范錦經俱自盡

民人范洪倍范洪鄒范洪爵范洪正范洪譽范

洪瑞范佩璜俱自盡志云自願玉蟠而下皆係本籍其餘官弁及外郡流寓名逸

不可勝紀所知者皆總制陳策奏凱疏內載入

然如張名揚阮進等十七人何以疏內不載至

黃斌卿則疏內斷其必無也自沈知義以下未

能信其皆真亦無由斷其皆偽全氏所云長平

國虜相繼闖入但士民有入祠之魯王貞妃陳

例苟屬國虜或猶愈於黃斌卿云史載詳張尙堂妾

氏賈嬪張氏義陽王妃杜氏宮井四明叢書

畢氏姜氏方氏周氏子婦沈氏孫女茂漪詳史載

交張名振母范氏見明史及通鑑輯覽云赴火

焚死今祠中無位宜補入張名振妻馬氏妾某氏張名揚妻

某氏張名甲妻某氏張名遠妻某氏張繼榮妻

某氏見全祖望定西侯墓碑舟山事略詞中無

劉世勳妻某氏見舟山事略祠李國母某氏

顧宗堯母童氏見上林瑛妻某氏江用楫妻某氏

見殉節諸臣錄祠中無位宜補祀呂金聲妻林氏范佩璜妻吳

氏見志張相國僕張俊妻彭氏見全祖望烈女某

氏城破女坐地厲聲曰生於舟山死於舟此外
山遂被殺普陀僧敬中以告董守諭

仍有可增入者中書舍人陳所學南疆釋史陳所學字願行

山陰人聚妻子中書舍人沈之泰餘姚人紹興於一堂自焚死破走舟

山破被執不降斬之太醫院副使章有期南疆釋史見朱筠筭河文鈔

章有期字紹泉御醫童廣南疆釋史御醫童廣等自焚死標官

會稽人自焚死張文炯舟山始末張文炯顯聖皆松人從張公肯堂作標官謹公孫茂滋見

殺吏科楊思任鄞人職方郎中兵備道荆本澈字

之一字大澤丹陽人甲戌進士監下江軍屯舟山黃斌卿夜襲本澈二子沐濂妻子氏皆死之

侯監軍梁隆吉餘姚人手刃全家自勿死兵部主事王璽北直人董

昌國典詠卷八 吳四明叢書

守諭續九歌云鄉宗儉董元顧宗堯江用梅願

粉王璽六公同縊於明倫堂楊思任亦見續九

歌貢生婁文煥殉節諸臣錄昌國衛人舟山破痛哭拱坐海邊沙上嗣至隨水

湧去亦見浙江副總兵張名甲參將張名遠參

將張繼榮俱名振弟見舟山事略中軍林志燦中軍林桂

守備吳士俊見全祖望張覲淵墓碑詳雪交亭參將李錫貞李

錫祚技陽王裔孫守螺頭錦衣衛經歷戴爾遜

死螺頭門見儲琦翰林院待詔朱顯字宗遠

亭集舟山事略府通判徐孚遠輓朱待詔詩云園林知盡理詩

句有清才雖已紆繫絃猶然蓋德胎又云自到歸魯王時爲待詔沒於舟山見徐閣公傳

衣百戶沈浩然

字雪華，華亭人。明侍郎。猶龍子。大兵南下，侍郎中流矢死。浩然

挈妻子航海入閩，闕潰依黃斌卿於昌國。會魯

王駐兵斌卿抗命，被誅。魯王以浩然為侍從，好

彈射，譏議同事。剛目浩然有詩云：「環口無勞怒

微臣亦自知。」辛卯，舟山破，削髮為僧。初名明初

字東生，乃改浩然。有傳：「耶遜迹吳興山寺者

浩然或之，不得以衣冠葬焉。浩然未幾亦發憤

死。

武生馬質圖馬呈圖，張名振妻姓。荆本激妻

于氏二子荆沐荆淦

見上

僕人張俊張肯堂又舟

山事略載辛卯死舟山者有錦衣衛李向榮總

兵官馬泰副將軍單登雲杜芳其餘武弁夏霖

解龍朱起元沈雲曹維周韓紹琦夏時霖張聖

昌國典詠

治薛之胄任則治童自齡不知其官其乙未死

卷八

四七 四明叢書 約園刊本

舟山者太常卿陳九徵

南疆釋史陳九徵字青麟

副使俞師

範英義伯阮駿平康將軍姚志卓副總兵張晉

爵戎政司馬陳六御此六人與劉永錫同以乙

未死獨祀永錫何也祠中最可議者副總兵肅

魯伯黃斌卿

斌卿屢拒魯王終於見殺。志烈於辛卯，舟山魯王殉難，黃斌卿之首

其謬不辨自明，或曰斌卿奉唐王正朔，使拒魯王。福建通志云：欲援南京為馬阮所阻，亦皆影

響之談，均無當。最可疑者戶部尙書陳君平

於成仁之名也。縣志人物條：斌卿婦翁陳君平為魯王木兵，以陷日舉家自焚死。遺事條云：戶部尙書陳君平

舉家自焚死其官職已自相矛盾此人不見明
史張忠烈煌言集哭舟山殉難大臣亦無其人
卽明季野史諸家文集從未有大司徒大司馬
陳君平者全氏所云事僞官僞姓名無一不
僞者也今祠有戶部尙書陳君平又士民中有
斌鄉婦翁陳君平忽分二人尤誤事之有無不
足深誌

余謂成仁祠宜拓其基建前後二殿如魯
王妃不宜列諸臣之側宜祀後殿以張名振母
范氏等配享至於定西侯張名振支柱虞淵其
忠最大宜增設大帥定西侯張名振位於名揚
之上質之謝山不識以爲何如也定海縣志成
仁祠在北門外張忠烈公煌言翁洲行自從錢

塘怒濤竭會稽之棲多鍛翮甬東百戶古翁洲
居然天塹高碣石青雀黃龍似列屏蛟螭不敢
波閒鳴虎韞爭如秦婦女魚旄半是漢公卿五
六年間風雲變帝子南巡開宮殿由來澤國仗
樓船烏鬼漁人都不賤堂怡穴鬪幾經秋敵來
飲馬滄江流共言滄海難飛越況乃北馬非南
舟東風亦與北人便一夜輕帆落奔電南軍鼓
死將軍擒從此軍兵罷水戰孤城聞警早登陴
萬騎壓城城欲灰礮聲如雷矢如雨城頭甲士

皆瘡痍雲梯百道凌霄起四顧援師無蟻蟻襄
瘡奮呼外宅兒誓師痛哭良家子斯時帝子在
行閒吳船渡口凱歌旋誰知勝負無常勢明朝
聞已破蛟關又聞巷戰戈旋倒闔城草草塗肝
腦忠臣盡葬伯夷山烈士悉刎田橫島亦有人
巨重圍來向予細說令人哀椒塗玉葉墳曾井
甲第珠璫掩劫灰而今人民已非況城郭髑髏
跳號無復肉土花新蝕遺鏃黃石苔早繡缺折
綠鳴呼問誰橫驅鐵衲襠翻令海寓歸龍荒安

昌國典詠

卷六

吳

四明叢書

約園刊本

得一劍掃天猿重酌椒漿慰國殤李杲堂翁洲
詞序翁洲未徙前城門鳴鳥聚噪萬數井水黑
未幾變起翁山多猿家畜犬禦之火後犬奔山
猿鳴滿谷所謂鳥亂於上獸亂於下黑雲如山
海上奔白日鬼啼翁洲門鳥鷺百萬啄人屋腥
風夜吹井水渾須臾大火空城起七十二島同
時焚壽冷流光綠岸哭十家五家徙魚腹黃犬
嗥嗥走山谷老猿引雛盡登木康熙四十二年
知縣繆燧捐建成仁祠記云辛卯舟山之役一

時同殉難者數什百人背參軍喬公鉢裒而封之曰同歸大域嗚呼所謂同歸者何歸哉歸於仁而已矣古今所稱忠孝節義史不絕書而未
有合數什百人之心爲一心死同時窆同穴爲若斯之甚者夫成仁之事亦大矣學士大夫積生平之詣力而不以死生易其操匹夫匹婦發一時之感憤而不以安危異其志其仁一也我王師之入翁洲也勝國遺臣如張公青堂吳公鍾繼輩本皆宏儒碩學名教宗工故城歿身亡

昌國典詠

卷八

平四明叢書

約詞刊本

從容殉義可以動天地而泣鬼神乃降而阜隸編氓兒童妾婦死者紛紛藉藉雖肝腦塗地而亦無少怨悔其平居未必習聞綱常之大義而要皆發於一時幾希之良心嗟乎此數什百人者豈果惡生而愛死哉仁在則然耳斯時也無貴賤無少長無男女皆薪衣而土棺骸橫而路豎嚙亦甚矣而吾謂同一死卽同一仁同一仁卽同一不朽安在以多爲慘乎而獨念忠孝節義藏魂聚魄之所不獲歲時一奠以展其感慨

思慕之忱賢之輿情當必有恫然者是亦司土者之責也爰請諸上憲爲建祠宇數楹又買田若干畝歸之學宮使主春秋兩祭而元戎藍公實贊成之嗚呼維世道者當維人心齋宮籩豆之間默寓化民成俗之意崇死也卽所以勸生也故題其祠曰成仁而菴爲之記莊綸涓定海續志整建成仁祠碑記北門外同歸域裏魯監國時殉難者之骨而瘞焉墓前搆祠屋三間顏曰成仁康熙間前總鎮藍公理前知縣事繆公

燧並捐田若干歲收其租以爲春秋及十月朝難日記費其餘供黝聖灑掃年久弊滋率多中飽余蒞任後清理其產歲收所入儒學鄉耆分管出納前登堂而謁低徊久之見壁間有屋漏痕且守祠者不戒豕得以爲囿亟思所以整之而簿領紛挐日不暇給乙亥秋邑中紳衿邱韶等請整建成仁祠以彰忠烈以妥幽靈余憚之計歲收所入除完課供祀築墓旁磚牆外不敷整建之用爰倡議捐俸定鎮三營同然慨諾廣

文僚佐相與有成邑之人咸踊躍焉土木之工
凡三閱月告竣門堂樓榭煥然一新飭守祠者
謹其啓閉祠內神龕舊止一座不列官銜姓名
男女無別退而考之明史及邑乘所表見者設
王妃陳氏以下十三位爲一座大學士張諱宵
堂以下四十二位爲一座貢士黃諱希范以下
十三位爲一座第其位次諸失記者各附座右
卜日以牲醴告祭而安其主嗚呼余因之有感
矣方我朝定鼎之後遐陬僻壤悉主悉臣勝國

昌國典詠

卷八

三十四明歲書

約圖刊本

遺齋猶欲取一障而乘之固不待智者然後知
其不濟也迨計無復之奮不顧身以死殉主較
之爲人臣而懷二心於其君者諸公不重於秦
山耶歐陽公五代史傳王彥章語豹死留皮人
死留名余深慨夫木主雖增尙多罅漏然殺身
成仁同歸一域其精爽豈自有足以歷萬古而
不磨者而不在乎盡識其名姓也是爲記莊綸
涓題成仁祠祠後爲同歸域并弔失記姓名人
詩天心興替已分明海外猶餘報國情一木那

能支大廈諸公况復盡書生鯨鱗欲滴厓山淚
雉堞空當卽壘城六十九人心共苦我將斑管
細書名志載張肯堂吳鍾巒以下六十九人牌位向書諸先生三字予特表其官爵姓名
闕幽己幸日星懸姓氏淪亡益慘然有草裏
尸得死所無皮留豹情生前志填大海知精衛
血竭空山失杜鵑攢聚一坏魂魄在成仁同作
大名傳

鄧林杖逐魯陽戈奈此虞淵落日何破碎厓投成底事
只爭仁字不消磨

昌國典詠

卷八

三三 四明叢書
約園刊本

三皇廟

大德昌國州志醫學在州前貞武宮之南至元
二十九年醫提領許若璧陳錫壽李繼之買民
物以建前以祠三皇聖像後以爲醫生講肄之
所至元甲午胡逢辰以儒者流精倉扁之術來
爲學正醫生賴其啟迪至正四明續志國朝立
醫學以祀三皇所以著仁民愛物之政昌國州
醫學在州前至元二十八年醫提領許若璧等
建又昌國州三皇廟泰定元年知州韃擗因舊

址充拓鼎建侍講袁柄記見延祐四明志清容

居士集昌國州醫學記醫學之道卽夫人身以

詩禮相表裏亦大矣哉蓋昔之君師聰明神聖
司夫五行以寓夫五常之形氣致坎離之用以
合其陰陽推運行以濟其寒暑考九州風土之
所宜列溫涼燥溼之高下蠱魚草木纖細備具
非博習廣聞者不能也至於七情旣發之偏必
求其中以返於正皆吾儒傳心之極論有察於
聲氣臭味之渺忽考之遺書受之家庭積歲年
不能以竟而掌政令者從是稽其醫學以制虞
祿是則寧有天闕疵癘之憾也哉南北地氣大
有不同而爲之醫者各就已論近者急於好尚
而恣縱不能商度十失五六誠可罪也秦漢之
主牽望海求不死藥詎能令不死蓋其空廢絕
壑磅礴於巨浸之際絕羣塵棲雲霧靈根異草
得地氣之正方外懸士特采其奇絕精良以療

昌國典詠

卷九

五蓋四明叢書

約園刊本

治輒奇中而功倍今所謂海上方皆有苗裔而
昔之進集方論者復蒐類於蛟龍之窟穴海於
天地間鉅焉得有以遺也昌國爲州四履皆海
至元二十九年始立三皇祠縣不稱韓侯治
儒學旣竟復泄醫學茲乃以俸倡廣其故地而
二倍之泰定元年正殿成復立明倫堂翼以東
西前爲儀門外爲神門廟廡有序列像饌赫首
以主租勸民胥成不三月而事竣復爲藥以助
遵詔旨爲惠民藥局書來傳書其事於石柄嘗
謂疾病疥癢切於吾身猶民之身也民困漁鹽
侯能紓之儒疾微科侯能復之旣愛其生又懼
其罹於疾病使來醫者廣肆以精其術故予歷
序醫家者流其學實難三聖之書昭然具存反
復紬繹皆得以完其生是侯仁政之本愈遠而
愈不可忘也袁柄清容集韓威敏家傳公諱政
男八次搏慶元路昌國知州搏之治昌國也興
儒學建三皇祠嘗紀
其美績且命作家傳

徐市乘舟去渺茫綠蓀白艾滿仙鄉稚川笑語孫思邈
猶有龍宮不死方

道隆觀

大德昌國州志道隆觀在州之南奉東嶽行祠

宋勅觀額建炎閒金人登岸拔刀斫注血流濺

衣畏極遁去一境生靈藉以全活元吳萊登觀

令人闕海時斫杜刀迹因聽容遠蓬萊山紫霞

洞詩我舟半夜發舉目流滔滔倏然風萬里誰

謂水一篙幽島不可辨亂礁負如鼉侵晨始登

岸身靜心實勞小徑連沮洳玄局闕蓬蒿潭塗

爭走穴柴步忽張登怪花絡璫燦陰木森蕭駭

東都昔奔潰南海紛戰劫簷楹側潛伏部伍競

昌國典詠卷六

至聖四明叢書

約園刊本

遁逃將旆攻城火尙見斫柱刀黃幄祛曉履翠
華溼秋濤邈往龍蛻久人來鶴飛高曲巒迷丹
鼎清沼燭溪毛無煩庚午歲閣以風雨圮之觀
踞龜殼自此辭虛放

之外植門榜曰蓬萊福地延祐四明志有蔣安

義昌國東嶽行宮記云始造於元符三年落成

於大觀五年按寶慶志安義登第以贓敗金酋

至輒投拜知明州甲申慈溪縣令林叔豹引鄉

也

人入明州執蔣安義是安義叛賊不足污名勝
也
濺衣柱血駭流丹棄甲金人膽落寒一事快心林叔豹

那容醜石混瓊玕

謝龍王廟

舟山志本謝姓居昌國之大青壘母顏氏無嗣
禱於神一日治泉苧瀾見老人鬚眉皓然詣前
丐化光彩逼人顏起覓錢俵不見遂產謝謝嘗
夢紫衣偉人挈其身於大石上滌腸天旱與羣
兒縛草龍禱雨雨卽至投草龍於洞卽躍然去
頭上常有雲氣烈日下仰天喊雲卽掩雨隨至
泰定六年六月大旱於巖下斧石火星熠熠雷

昌國典詠

卷八

五

四明叢書
約園刊本

電四起雨如注鑄謂母曰適路聞有紫衣巨人
促我赴東海龍王會卽端坐而逝鄉人祠於東
山歲以遺蛻日祀之在頰河壘

草頭生角石生鱗
巖雨噓雲變化神
高會東溟誰主客
龐眉老叟紫衣人

昌國典詠卷八

昌國典詠卷九

清金陵朱緒曾述之撰

普慈寺

寶慶四明志普慈院縣北五里舊名觀音唐大中十四年建皇朝治平元年賜今額世傳東晉韶高僧隱於此大德昌國州志寺統諸刹始東晉時僅一小庵以觀音名唐大中十四年號觀音院棟宇略具往宋皇祐中知韶來主斯席治平間遇恩霑錫今額寺燬於慶元間寸椽無遺

昌國典詠 卷九

一四明叢書

約園刊本

黑山明公禪師極力營建越淳祐五年復厄於劫燼山門獨存足翁麟師繇廬山飛錫至此又從而鼎創焉視昔增壯自慶元迄淳祐垂七十年而寺之燬者再前明後麟有功於寺立敬寔堂參政應縣爲記嘉熙戊戌夏四月龍峯普慈寺作堂於雷音堂之西像黑山明公禪師教之以已道兩難舊制曰敬寔住山雲窗禪師訪邑人應麟而請曰祖日幸備掃蕪茲山示彫弛之餘畢力振飾積愆宿弊一刮絕去懷作壞者取甌鼓邪之難念不可不章明前績此堂所爲作今成矣願有以記之儼惟先人舊廬在鎮鑿山之東麓距龍峯百餘武時日素往游焉故於山中事多所略記黑山之來寺且燬三年矣經禪頓盡龍象悲泣黑山披瓦

樂苑草莽而營度焉勦形彈智以潰於成規模
位置一出意匠棟宇煥華照映林谷見者無不
讚歎黑山作勝事已務錫地之報恩既乃復歸
示寂塔於山之青龍之口若有夙昔緣人皆曰
黑山有功茲山甚大先是寺不足於食乾淳間
監寺妙己以轉食輪爲己任睨大海之濱化爲
美田播厥嘉穀歲限取三千以充香積供梅畧
有莊名己公事弗忘也意獻樓公記石雖燬裂
墨本故在黑山營繕後佛菩薩天及護法主林
禦侮力士之像種種莊嚴皆都寺德瑄祚囊中
金爲之復以餘力營山路千丈造石橋十三所
深得佛氏慈悲濟人本旨之二僧者於寺信有
勞可以配黑山矣夫學浮屠氏之法者凡能出
力辦事必有廉以立身勇以立志勤以率眾而
爲之本者曰公公私不兩立公則萬善集私則
百病生興廢成敗所由判也黑山名覺明與之
稔熟見其天材高有苦潔之行所居瓶拂外蕭
然無長物於私則銖黍不蓄人信其爲廉故施

昌園興詠 卷九

一四明叢書

約園刊本

之者不倦始至指山而誓曰所不能還復舊觀
者有如此山人皆笑其孟浪略不退轉一念勇
猛故其事竟成御眾如御兵取材木負瓦石身
親倡役雖犯寒觸熱不憚故其徒歡趨此非公
以存心者能之乎前己後瑄得之聞見有足稱
錄亦本此而已嗚呼有堂規如有像儼如農兼
夕燈展如肅如登斯堂瞻斯像使一亭愧於心
穎且有泚矣此雪窗意也於是乎書五月一日
記 歸附後壇葺殊勝爲本州祝聖道場大德元

年任持覺海建龍峯亭於山門內又青龍潭在

普慈寺之後山一泓如鏡濤雨則出青蛇以顯

其異 按大德志小畧潭在州西三十里青龍潭

十里小畧潭在普慈山後彼此互異又云孫杖
字吉甫嘗撰普慈寺羅漢圖記篤素張公大參

見之稱賞曰海角有此奇士以兄之子妻之至正四明續志至正五年建藏雲閣按寶慶志以韶爲東晉高僧大德志以知韶爲皇祐中來主斯席豈有兩僧韶耶定海縣志洪武中徙齋度今復建是雙巒舟山志普慈寺城北二里里人山古又名龍峯陶恭詩云出郭陰陰數里松白雲堆裏見龍峯禪房修竹青無限石郭飛泉落百重林下定僧馴野鹿池邊棲鳥散晨鐘幽尋不厭頻過此恐負扶吟九節筇

藏雲高閣峙山巔春到荒亭草色鮮欲問僧韶談浩劫來從一馬化龍年

昌園典詠

卷九

二

四明叢書
約園刊本

祖印寺

大德昌國州志在州治東南寺元在胸山舊名蓬萊晉天福五年建宋治平二年賜今額嘉熙二年邑令余桂遷於此以接待寺爲一

至正續志同

舟山志寺先在蓬萊鄉海中國朝革縣以接待院併之遷城中爲二所祈禱道場宣德間都指揮張翥重建正統七年災成化五年總督張勇復新之萬曆十五年秋圯於龍里人重建定海縣志密庵傑禪師最有道行明廢縣遷入城中

本朝遷徙後城盡燬獨此寺大殿巍然若有神
呵護者康熙三十一年總鎮藍理增建有記緒
曾按大德志宋嘉熙二年已遷州治東南舟山
志縣志云明遷入非也

蓬萊石晉古名藍衣鉢僧猶說密庵一殿靈光回劫運
誰將與廢問瞿曇

吉祥寺

紀纂淵海九峯在昌國寶慶四明志九峯山吉
祥院縣北六十里唐開元中高僧惠超居是山

昌國典詠

卷九

四

四明叢書

約園刊本

香柏巖草衣木食遂開此山其巖高峻不可到
時聞鐘磬聲而已漢乾祐三年號曰崇福皇朝
治平元年賜今名熙寧中始建輪藏其神靈甚
邑人有禱必歸焉建炎初給事中黃龜年施辟
支佛牙長四寸闊一寸舍利盈綴時見五色紹
興十八年主僧法寧建宋史浩鄧峯真隱漫錄
請致老住昌國吉祥寺疏朝宗萬派銀灣俱萃
於東溟擢秀九峯金利忽標於彼岸向者方搜
求勝士來此地建立法幢致公禪師苦行孤高

圓機灑洒徧參明眼入居士之不二門屢主道
場演慈航之末後句願今移錫請卽浮杯霑一
瓣之濃薰迅登猊座集萬年之洪算遙祝龍庭
大德昌國州志富都鄉之錦沙九峯環列一名
九峯山始寺之末剎人迹罕到常隱隱聞鐘磬
聲唐開元中高僧惠超居其中草衣木食戒行
精苦閱十三代往宋咸平有真有悲者繼之善
誦神呪鄉民歸敬丁縣尉漸爲舍基請眞公遷
其居於山麓便民祈禱屢曆改元文珍嗣其業

昌國輿記

卷九

五

四明叢書

約園刊本

丁縣尉因改爲院治平元年賜額吉祥自是層
觀傑閣金碧輝煌茂林修竹蔭蒼蒙密爲一方
名利咸謂之小天童給事中黃龜年施辟支佛
牙舍利盈綴時見五色紹興十八年法寧建閣
藏之嘉熙三年余參政天錫請以顯忠崇孝爲
額歸附後大德元年住持僧淨怡重建選佛堂
州判馮福京爲記

昔明道程純公嘗入僧堂適
睹飯次趨進揖避之盛喟然

歎曰三代禮樂盡在是矣蓋謂其徒嚴整威嚴
雖一食頃未嘗少懈而吾庠序之閒或有時而
乃不如也學泉居士緣起於定來俗昌國每見
海上諸叢林中清規淨戒執持堅固不同他所

與時俱遷固不能不發純公之歎遊山之履矧
政倍法堂而善耶是邦惟錫沙爲甲剎規模氣
象與天童尊寶相頌頌又十年無世開心同世
持說翁禪師淨怡卓錫且大塗墜丹雘周徧而中
行事修漏補苴微小成莊嚴而猶未極也願從游之
外視始至日益加莊嚴而猶未極也願從游之
薦廣而香積之莫供置齋料庫給以長生之本
而資其息慮乾溢之不常而食餼之莫轉置藏
冰宰儲其所售之直以爲之備作外山門所以
指修行之路增高海岸所以護常住之田衣鉢
是捐成此利益安處徒眾大振宗風吉祥之名
至達天聰歲在丙申護持聖旨來自五雲綺與
盛哉自有此山得未曾有故凡天龍鬼神之眾
以及宵翹動植之微獲被光寵旣與海嶽相爲
無窮矣惟選佛之場歲久弗治隨宜修葺則有
西扶東頽之患遂發宏誓更新之庀材敘資日
積月累始鳩工於丁酉之仲春龍象蹴踏歡喜
贊歎遂成軒豁靖夷倍蕤於舊窗牖帷幕中車

昌國典詠 卷九

六四明鼓書

約園刊本

牀席率皆新潔無一闕遺乃謁記於居上將壽
諸石以起夫作任止滅者之膏育居士與悅翁
爲方外契不得辭爲之言曰我得佛心證諸究
竟能以珍寶種種供奉十方如來旁及法界六
道眾生此非吾境中補陀落伽紫竹林大士之
言乎悅翁悟此能使身心二俱捐舍身血肉
與眾生共故私財之不蓄而斯堂之有成夫豈
黃檗老師謂天休一千二百五沙門纔聞鐘
聲同來食處朝明夕昏作何活計一切惟心萬
法惟識聲聞初學未能頓悟妙真心與善知識
敝散起止念念不斷以思惟心生分別識諸佛
淨土由此心識羅剎鬼物亦此心織反覆手問
天地懸隔有心無邪有識不蔽是真佛子是名
善學菩薩道者試觀世閒醇醴膳饈蠻腥羶之
味眾生啖之如蝻飲醴善薩見之如蠶毒藥笙
簧琴瑟靡曼之聲眾生聽之如雌下風菩薩聞
之如擊毒鼓珠璧錦繡高明之室眾生居之如
蝨處蠶菩薩避之如荆棘林妻子眷屬纏綿之

愛眾生戀之如蛾越燭菩薩厭之如猛火具
世間諸有畢竟非實煩擾塵愛無可貪愛能令
樂國成就苦海能令善根增長惡業凡夫見聞
發意勇猛如何出家受具足戒翦除鬚髮著壞
色衣舍苦薩見作眾生見心識顛倒一念差別
飲蠱毒藥擊塗毒鼓行荆棘林墮猛火具皆其
自作非由外來善哉悅翁是於曩昔圓通六根
諦觀三業生厭離想捍勞忍苦成大佛事於刹
那頃心華發明海藏天宮樓閣闌楯龍翔鳳舞
雷動風行諸佛境界一時頓現從無爛處生光
明云從濁惡界作清淨土善哉悅翁無始宿債
應當酬畢然而慈悲廣大有進無退此則津祖
之所付囑悅翁勉哉翁本台之仕族舍族受具
故論宗乘領眾生席徧涉禪會若金陵之開福
及安吉之天聖皆作殊勝如在吉祥雖然師開
幻眾建立世界我出幻語遂成葛藤若當來世
後五百歲有一居士與一比邱遊行園土晏坐
梵宮摩挲此石相視而笑猶如轉輪面面相似

昌國興詠 卷九

七

四明叢書
約園刊本

了如佛法無變異處過去未來平等不動凡此
堂中諸禪衲子如駕車牛隨機努力未悟今悟
未證今證則建是堂者爲十方如來起因地不
然猶蠶米蟲而坐鬼窟月化日遷不脫迷悟則
居是堂者爲負悅翁三摩鉢根之修甚可畏也
居士作是言已願悅翁曰仁者其言也切余言
得無費乎翁畫一圖笑謂余曰居士雖言而實
未嘗言殆重轉世尊掌中摩尼珠耳居士謂誰
潼川馮福京也時大
德元年臘月入口記

舟山志石佛庵在城北三

十里外有香柏巖左有花粉山舊名吉祥寺國

初徙寺於慈谿之東廡存一水池名曰放生置

石佛於水心凡僧圓寂焚骨化灰揚於石佛之

首謂之接引彌陀洪武二十五年僧法通從谿

回探見石佛浮於水上復創是庵年久頽廢天
啓元年如登重建總戎萬公邦孚題曰石佛丹
臺古溪山別望遙奇峯插雲漢小榭出煙霄禪
磬鳴山寺樵歌渡野橋高登仙隱處啼鳥若相
邀定海縣志九峯山縣西北三十五里在大沙
巖

雲排地湧化人宮香柏巖高象緯通未必萬松關勝此
被人強喚小天童

萬壽寺

昌國典詠

卷九

八

四明叢書

約園刊本

大德昌國州志在富都鄉之五都舊名永福往
宋建隆元年建治平元年賜今額有秋菴綠葉
紫莖生於山深林密中名萬壽香

至正四明舟
續志同

山志萬壽寺在城東北三十里胡湜詩云帶雨
峯巒分外奇石林虛室坐來宜溪連新漲炎殿
斷巖透孤雲俗轍稀香爲問禪分近榻酒因結
社故盈卮莫言海上仙蹤杳丹壑猶堪覓紫芝
單仲友居萬壽寺西能詩洪武中徵至南京獻
詩稱旨因奏本府明州名同國號請改之上喜

曰彼處有定海縣今鎮海海定則波寧因改明州

爲寧波府時洪武十四年也定海縣志萬壽寺

在城東北三十里亂後燬今復建在皋洩畧全

祖望萬壽菘詩香以瘦而清每嫌肥者癡蘭遜

蕙之瘦蕙視菘猶肥其肥幸不癡未若瘦者奇

翁洲萬壽香時復見離離大德昌國州志菘卽秋蘭也沈括夢溪筆

談菘卽菘菘其說不同按昌國志所謂綠葉紫莖則菘菘之佳種

鮫宮底定海波澄仙屋籌添瑞氣騰一帶香菘秋更綠

八千椿樹萬年藤

昌國典詠

卷九

九四明叢書

約圖刊本

延福寺

寶慶四明志延福院縣東南十里舊名羅漢唐

光化二年僧法融建皇朝大中祥符元年賜今

額淳熙十四年更律爲禪從守臣岳甫請也又

云東龍潭在東當延福萬壽之中有龍洞焉凡

禱先此大德昌國州志延福寺有五百羅漢像

安以傑閣寶祐五年趙節使請以繼善衍慶爲

額按定海縣志圖洞畧有延慶寺卽延福衍慶

之訛

忽疑島上田橫客化作金仙五百齊漫說聽經燒蝙蝠

呪龍騎虎總菩提

大唐西域記南海之濱有一枯樹五百蝙蝠於中穴居有商侶聚於樹下

繼火其下煙燄漸熾枯樹遂燃有一賈誦阿毗達摩藏彼蝙蝠雖爲火困愛好法音忍而不出於此命終墮業受生俱得人身捨家修學成阿羅漢並枯樹之中五百蝙蝠也

興善寺

寶慶四明志興善院縣西三十里後唐大成二

年建名小善治平元年賜今額大德昌國州志

在州富都鄉之溪口

至正四明續志州西二十里

曰鳳山以

上有鳳舞之形創於往宋治平元年賜寺額淳

昌國典詠

卷九

十四

明續書
約圖刊本

祐十年應參政請以教忠興善爲額舟山志去

城西南三十里寺後有雙泉宋季元初有董公

焚修於此董公禪師名延助甬東里人師事回

峯院竺洪洪性雅淡於經典罔不參究因請質

其要嘉熙中往徑山得文息印諦晚歸西巖之

興善院居乏水乃於山石壁閒杖卓二穴水

出一日居人瞰助入定貼蒸蟬二小孟一盂

尾中空者一孟中實而完者悉傾於左右穴中

他日居人訊所貼指其投處則二蟬咸活而有

尾無尾盡熠熠然今尚有遺迹云定海縣志在
鹽倉畧

曾聞鳳舞到錢塘茲地山形足韻顏興善教忠非浪語
有人蹈海殉君王

隆教寺

乾道四明圖經隆教院重修佛殿記孔氏之忠
恕老子之清淨釋氏之慈悲教異而心一未可
差殊觀也心本一心法無別法今天下建孔子
廟老子宮釋氏殿皆崇奉之獨吾夫子以元聖
素王之道爲萬世禮樂衣冠之主雖自天子親
屈萬乘之尊而欽祀之以示尊師重道老子宮
次之以至於釋氏殿宇不問通邑大都雖遐陬
僻壤海濱山嶠皆建殿以修香火其取甚廉其
成甚速其宏麗雄壯金碧映照備極工巧甚侈
天下多得而議之以爲罍壘本以寂滅爲樂枯
槁爲心而其裔從而大之有若帝王之宅過矣
故韓昌黎力詆而攻之是識其二五而不知其
十也崇飭殿宇之意此在吾儒所常見而不少

思耳昔召公聽訟名在南國其後人不忍伐甘棠焉斯木也止因召伯憩於其下至於民之孫子見其木如見召公思之至也夫思之既至欽心乃生欽心既生雖雄以土木繪以丹青朝夕像祀之如佛在世爲惡者自悔爲善者自勉於財不慳而樂施則義可以施鄉里於道願得而精進則心可以敵生死是殿之設豈小補哉隆教院在縣之東偏居山峽中去海甚邇按昌國之民居山者以耕鑿爲生濱海者以漁鹽爲生

其中網捕海物殘殺甚多腥汗之氣溢於市井涎殼之積厚於邱山又其狂於習氣動以劫殺爲心不聞夫子之忠恕老子之清淨佛氏之慈悲今幸邑有學以養儒士有宮以安道流此寺建殿以教民爲善使之知有慈悲則賊盜化爲君子亦有漸矣然此特建之一法耳昔者佛在靈山與天帝釋遊至一所曰此地可以建殿帝釋卽以草一根植其中曰建殿竟存之謂帝釋猶未灑灑地在何處非佛殿何地非殿基佛

已多了一門帝釋又多了一草隆教老人請以

前休末後句示諸山隆興元年二月初二日左

儒林郎知昌國縣事王存之撰寶應志王存之
紹興三十年到

任隆興元年
三月再任寶慶四明志隆教院縣東北四十

里漢乾祐二年建名降錢大中祥符元年賜今

額大德昌國州志寺燼於火僧清志度土奠基

遷於南屏大元混一後住持行圓重建選佛堂

至正續志作僧清
德度土遷於南屏舟山志隆教寺城北三十五

里建於翠屏山明張忠烈公煌言遊隆教寺詩

昌國典詠卷九

十三四明叢書

約圖刊本

雲林次第望中收碧澗清泉曲曲流山勢有情

留古寺海潮無意到孤洲素冠獨許黃冠伍芳

草渾同衰草愁自覺行藏猶廓落五湖煙雨釣

魚舟定海縣志隆教寺城北三十五里按寺今

在干礮壘又縣志乾祐誤刻乾隆

鰲井蛇泉久著靈梅檀香爇滌魚腥黃冠莫問奇零草

依舊雲林次第青

翠蘿金鐘寺

宋王象之輿地紀勝金鐘寺在昌國之岱山吳

越王曾鎮以鐵塔建隆中賜以銅鐘今謂之翠蘿金鐘寺大德昌國州志翠蘿寺在金塘鄉之海西其地不同寶慶志翠蘿院不言所在舟山志翠蘿寺先在金塘鄉之海西洪武中移置城東北之炭山寺後有石筍二各高四五尋茂林修竹蒼巖碧澗瀛海之別洞天也山人陶應徵詩云廿里行來別有春天分好景壯狂吟一行飛鳥通珠宇千尺游龍聳翠岑引蔓薛蘿依碧落潺湲流水絕紅塵滄沈定海縣志翠蘿寺洪武中移置於城東北之炭山定海縣志炭山

昌國典詠

卷九

十四四明叢書

約園刊本

縣東北二十五里翠螺山縣東北三十里今寺基在白泉巖

錢王鐵塔宋銅鐘龍象銷沈浩淼中石筍插天青不改
薛蘿影裏話詩翁

金塘普濟寺

大德昌國州志普濟寺在金塘周廣順元年建
名山門院宋治平二年賜額宋高九萬菊欄集
昌國縣普濟寺小亭鯨海中流地龍峯小洞天
亭高先得月樹老久忘年大士居鄰境闍僧指
便船若爲風浪息更結普陀緣緒曾按今普陀

普濟寺宋時未有若普慈寺元大德元年始建
龍峯亭於山門據此知高所詠乃金塘普濟寺
也大德志廣福寺在金塘之子山宋治平間賜
額聖壽淳祐改名廣福化成寺在烈港舊名羅
漢乾祐元年建宋治平二年賜今額

亭高得月樹忘年鯨海中流小洞天三剎金塘名獨著
只緣菊磻有詩篇

回峯寺

乾道四明圖經回峯山在縣西北一百二十里

昌國典詠

卷九

十五

四明叢書

約圖刊本

寶慶四明志回峯院縣西建隆元年建大德昌
國州志王安石往宋皇祐元年知明州鄞縣事
嘗捧郡檄至此題回峯寺詩云山勢欲壓海禪
肩向此開魚龍腥不到日月影先來樹色秋擎
出鐘聲浪答回何期乘吏役暫此拂塵埃至正
四明續志回峯寺在金塘鄉之岑江又引荆
公詩同緒
曾按荆公集無此詩又考延祐志引作王文康
詩問於徐孝廉時棟徐答書云山勢欲壓海一
律大德志爲王荆公遊回峯寺詩延祐志歸此

詩於定海

今鎮海

之回峯寺而作者則文康也延

祐志云文康公王曙咸平中以著作佐郎宰邑

賦詩云云兩說同在元時頗滋疑竇按延祐是

而大德非也荆公全集不載此詩即使佚在集

外而乾道寶慶兩志凡半山作涉四明者無不

采存何以獨置此律娛書堂詩話云王晦叔宰

定海縣

今鎮海

賦回峯院詩商逸卿得遺墨刻之

是延祐之說顯有確證寶慶志稱王曙以著作

郎知定海縣

今鎮海

咸平四年十一月到任景德

昌國典詠

卷九

十六

四明叢書

約園刊本

元年四月滿則又與咸平中賦詩之說合若近

時普陀山志又謂是荆公遊洛伽山詩孤文無

證更不足信至四明回峯實有二處一在定海

今鎮海

寺中有清風軒卽文康賦詩處寶慶志云

正覺院定海縣

今鎮海

西北周廣順元年置名回

峯是也一在昌國

今定海

寶慶志云回峯院昌國

縣西建隆元年置是也馮判官昌國志取舊本

重葺之者判官自言舊本非善本則譌文康爲

荆公誤定海回峯爲昌國回峯皆不足深詰矣

又文康題清風軒之前仍有一絕寶慶志載之
稱王旦作王旦恐王旦多賦四明詩若王文
正未嘗至四明而延祐志謂是邑尉蔡觀詩論
時代先後宜從寶慶或袁文清別有見聞改正
前志要皆單證仍俟考耳緒曾按劉昌詩蘆浦
筆記回峯院留題山勢欲壓海云云文康王公
所賦公諱英廟同字晦叔嘗宰定海縣景祐中爲
執政開禧丙寅商遜卿得隸古道墨刻於縣治
願豐亭至正續志以回峯寺詩爲荆公在昌國
所取舊本也

昌國輿詠

卷九

十七四明叢書
絢圖刊本

作亦沿大德之訛大德志戶口引紹熙舊志卽
卻疑兩地叩禪扃一樣魚龍水氣腥樹色鐘聲誰領略
可憐宦海不曾醒

梵慧寺

乾道四明圖經梵慧院釋迦大殿記昌國明州
支縣也在海中洲封部有鄉號金塘自縣治之
西航海可至上有古道場曰梵慧得之耆舊云
唐咸通中編民余益捨地創建後浸以壞廢忘

其歲月遠後唐長興初有大檀那劉寶因故基
興復之晉天福中闍僧元警任持名額尙未立
漢乾祐二年始得聖壽號開寶五年改超果治
平中因冬至大禮賜今名主者更代莫可更考
故熙寧丙辰歲院之受業僧曰洪簡主院事種
種權輿後其徒宗憲繼之凡所以奉安佛象者
修立僅備閱歲旣久殿宇圯漏眾相與謀而新
之惟昌國漁鹽之聚土瘠民貧無大財施其主
事者能辦不退轉心化道淨信毫累絲積經時

昌國典詠

卷九

十八 西明疏書

約園刊本

良久得錢七百萬鳩材僱工盡革故弊高廣煥
麗視舊制倍蓰焉以釋伽文佛居中又以觀音
菩薩居後供養之具備極壯麗嘗聞積土成廟
聚沙成塔如是人等皆成佛道今象法住世人
衰道微知者難言聞者難信惟一切佛是事菩
薩福德助道且非有清淨者發堅固心隨和合
緣精進荷擔豈克有成今後得見者隨喜增勝
善意則助法之益不旣大乎同力修建僧子敦
子奇行潔處能作始於紹興戊午歲冬十二月

後三年落成建炎辛亥春余嘗避寇金塘與子
敦遊甲子夏屬余記其事六月二十四日臨川
侯晏敦復記寶慶四明志梵慧院縣西海中大
德昌國州志晏公詠方丈梅詩極檻敬簷一古
梅幾番有意喚春回開花自許清香入布葉不
容炎暑來日射冷光侵几案風搖翠影鎖荷苔
遊鱗野蝶休相顧本性從來不染埃緒曾按晏
公字景初程伊川弟子仕至吏部侍郎權尚書
以忤秦檜出知衢州奉祠既退寓於鄞嘗自謂
薑桂之性老而益辣又古志皆作梵慧至正續
志作梵隱

本是調羹鼎鼐才卻從海上拂塵埃風裁薑桂老逾辣
野蜨游鱗漫往來

補陀普濟寺

寶慶四明志補陀洛伽山唐大中年西域僧來
卽潮音洞中燔盡十指親觀音與說妙法
授以七色寶石靈迹始著海舶候風於山下謂
之放洋瞻禮惟謹元盛熙明補陀傳寶陀寺在

州之東海梅岑山山茶樹高數丈丹葩滿枝猶
珊瑚林水仙紫蓀芳菲滿地金沙玉礫的落璣
璨梁貞明二年日本僧惠鑄首創觀音院宋元
豐三年賜額曰寶院觀音寺明周應賓普陀山
志萬曆二十六年燬三十年遷麓下敕建護國
永壽普陀禪寺朱謹普陀山志順治乙巳夏遭
黃毛寇火燬大殿獨存康熙辛亥徙僧內地二
十八年重建三十八年改賜今名並普濟羣生
額在白華頂南靈鷲峯之下寺外有永壽橋跨

昌國典詠 卷九

二十四明叢書
約園刊本

海印池石闌柱刻獅子有瑤池橋在西池上梁
製龍首產千瓣白蓮寺之偏曰三摩地登山者

由此有亭曰極清淨唐朝敬郎王勃觀音大士

贊蓋聞圓通大士乃號觀音接物利生隨機應
見向破坤東畔安蜀海中雲濤稱金色之山
聖閣起琉璃之界巍巍寶座凝然居自在之身
鴻慈慈容皎若現白衣之相身挂雲羅素服精
統織而色映寒霜體嚴瓔珞同心衣縷露而麗
晶皓雪翠起仙鳥五雲之寶蓋玲瓏鼓道摩尼
百寶之華冠赫奕悲心誓救於娑婆道教偽臨
於穢土無遐無盡歸依有願有求皆起感遂
望洛伽之山稽首聊甲歌讚南海深淵絕處
碧紺差我連水府號名七寶洛伽山自在觀音
於彼任寶陀隨意金鼈戴雲現兜羅銀世界眾
玉裝成七寶臺眞珠砌就千華蓋足下祥雲五

色捧頂上飛仙歌萬種頻伽孔維基來朝諸海
龍王濟獻供寶冠冕耀圓光列塔影猶身明皎
澈臉如水面端芳遠冒似天邊夜月縹衣金
縷披霞紋縹緗素服褊袒臂戴珠璣翡翠瑤
雲羅綾帶珍珠綴紅纖十指凝酥膩青蓮兩目
秋波細朱唇皓齒非玉珂端坐昂昂劫幾何化
身百億度羣生發願救苦等恆河我慚我愧無
由到遙望觀音悲讚歌大聖大慈垂愍念願舒
金手頂
中摩
菩薩三十二妙應垂雨於人天慧日廓闡明微
隱無不照我等由宿植於菩薩行緣髮齒一毫
端皆隆悉能鑿今茲一何幸聯橋來實所淑景
得惠風滄海如壑淨朝登東秦岸須臾遼蓮宮
僧飯洗鉢時相與瞻遠嶠石橋跨巨浪側足毛
骨寒自念塵身得伴清淨侶同聲誦密語復
念我師名注目謁慈光忽覩紫金相崆峒石窟
上晏坐自在容雲霧不蔽高跪禮得良久偕來

昌國典詠 卷九

王四明叢書

約園刊本

無老稚咸識應現尊贊歎且欣歡得所未曾有
我念現前眾中多大福人日親近我師祈禱如
響應爲我懺眾惡遂亦見如來同躋此心香復
陳一日供饗以昔積善獲此大吉祥願致未來
因永託如來記浮生如夢幻孰處放生戒殺
多素羞廣闊如來藏分陰實可惜棲避必山林
料理般若船長登菩薩岸羣生迷苦海拯拯使
知津共發向上心世世同佛會按太常避秦檜
同兄岳年將
居於馬鞍山元黃潛文獻公初繫遊寶陀寺十
望滄海臨流不能度蒼茫歲華晚邂逅舟楫具
拂衣乘天風挂席隨煙霧旦從歧門發暝投翁
洲住前瞻積水深島嶼青無數梅岑特孤絕遙
見日出處寄身人境外矯首禪關路衆衆金沙
石離離白花樹高明懷幽抱歷歷增還慕俯伏
苔磴閒庶幾真靈遇二邊非可取三觀可待悟
嗒然坐忘言元學士趙孟頫遊普陀
目送寒潮去

帆三日上潺湲兩宮福德齊干涉一道恩光照
百蠻潤草巖花多瑞氣石林水府隔靈寶賦生
小技真榮遇何元翰林學士劉晨寶陀寺記家
幸凡身到此間四海凡名山大川仙釋所託以神
自世祖奄有四海凡名山大川仙釋所託以神
其教者幸乘輿運鉅刹珠庭天降地湧蓋於以
揚前人之休光衍萬世之慶澤浙東慶元之昌
國有山名補怛洛伽者奇巒峻嶺幽洞靈巖錯
立層出奔波駭浪之中朝夕吞吐煙霞變幻此
能靈隱蜿蜒呵護華嚴經所謂善財二十八參
觀音菩薩諸大菩薩圍繞說法即其地也寺曰
寶陀創始於宋元豐間爾時靈蹟隨緣影響示
現香花與五臺巖眉道場相類而早潦風濤之
禱響答爲尤捷其在東南故是佛法一大海會
七輪遐邇卑尊靡不皈瞻皇后福德日盛崇尙
至教大德二年春特命中御府臣李英驛降御
香使還再命修繕像設明年春宿衛臣李羅等
再馳祝香出中金百兩飭浙江行中書省遣寮

昌國典詠 卷九

玉函明鏡書

約圖刊本

吏同蒞其役又明年春更命宿衛臣魏也先太
出馳香飯僧周閱具典竣事寺之長僧如智奉
玉琢瑞相表上內庭以便瞻禮具歸美報今年
春仍命太出偕李鐵木兒不花魏也先持五綵
旛旌莊嚴法筵又出內寶幣三千緡卽其寺治
演法之堂暨廬舍之圯腐殘剝者又飭行中書
省捐上田之在官者二十頃畀之益其徒食俸
每歲以建寅午戌月諷誦祈禱又下璽書復其
凡隸寶陀者非寶陀者毋得估冒如智亦因得
被袈裟內庭傳瑞流恩曾無虛歲至是命翰林
臣作文貞石以垂不朽臣謹銓次如右竊謂象
教之來中土雖顯晦靡常其所獲驗亦不專係
乎崇奉敬愈聖天子以寬筭治民而大王復以
慈祥佐理與往聖覺皇同符共貫是宜國精薦
釐方祈效祉至若金湯迦羅亦曰我國家之常
事其所以迂續延洪之道自有大本大原在也
是爲 普陀山志寺前有太子塔高九丈六尺皆

太湖石雕刻精巧元高麗宣讓王建緒曾考鄭
麟趾高麗史穆宗宣讓大王諱誦字孝伸當宋
眞宗時在位十二年無至普陀事後爲康兆所
弑亦無太子又云忠宣王諱源改璋字仲昂母
元世祖女留王京師傳位太子燾延祚六年忠
宣請於帝降御香南游江浙至寶陀山而還時
權漢功李齊賢等從行令記所歷山川勝景爲
行錄一卷據此則元宣讓王乃忠宣王之訛余
宿此寺夜至瑤池橋明月東上白蓮正開此前
記曾桑下淹三宿玉礫金沙照眼時太子塔前明月上
清光消受白蓮池

法雨寺

明周應賓普陀山志光熙峯下萬曆八年僧眞
融結茅以海潮庵名二十二年郡守吳安國改
曰海潮寺三十四年太監黨禮請於朝賜名護
國鎮海禪寺朱謹普陀山志康熙八年寺災二
十八年重建三十八年改賜今名並天花法雨

寺也

額恭建御書米芾詩帖碑亭寺中有松風閣芋
香樓留雲堂鶴煙居山門左爲錦屏山巒石晶
瑩林木青碧丹藥四時掩映如錦光熙峯一名
石蓮花此後寺也

松風閣轉芋香樓伴鶴留雲憶我遊爲問石蓮花放否
錦屏丹碧自春秋

普明寺

寶慶四明志普明院縣西北海中古泗洲堂也
翠堵波二以鐵爲之世傳阿育王所鑄錢氏忠

昌國典詠 卷九

三十四明節書
約園刊本

懿王寘之於此大中祥符中賜院額紹興十八

年僧曇解侈大之高麗入貢候風於此大德志
至正續

志俱作普明寺緒曾按定海縣志岱山古刹失載普明

又宋時高麗貢使皆至昌國寶慶志云東五潮

至西莊石馬山與高麗分界宋鄭興裔忠肅公

集今日三韓直趨四明距行都限一浙江爾雖

自四明至高麗海道渺瀰中隔沙島然南北行

各遇順風則歷險如夸楊應忱建炎戊申之後

其回也九月癸未發三韓戊子至明州之昌國

縣僅六日耳呂祖儉游候濤山記云是山前望
小霍大霍二山西出蟹浦東北望嘉門烈港間
之習於海道者云自虎蹲山七里整至嘉門抵
石弄涉洋山絕海螺礁又東北過黑水洋入高
麗封域日本又在高麗之東二國遇南風可發
風甚順不七八日至城下互市自元都燕京以
後高麗貢使不

由此
道

錢王宮裏金塗塔龍樹提婆乞一雙寄語晉仙姜白石

海山可有筆能扛

周文璞字晉仙方泉集姜堯章金剛
佛塔歌白石招我入書齋使我速禮

昌國典詠 卷九

三五四明叢書

約園刊本

金塗塔我疑此皆非世有
白石云是錢王禁中物

超果寺

寶慶四明志超果院縣東海中舊名資福晉天

福二年建皇朝治平二年賜今額大德昌國州

志超果寺在蓬萊鄉之岱山舊名資福晉天福

二年建往宋治平二年賜今額參政樓公鑰有

記明有邑曰定海去郡一百里而近山橫海中
名蛟門潮汐之所吞也出門則爲巨浸便風

乘潮而後至昌國遠矣岱山名蓬萊鄉其去縣
若縣之去定海也則益遠矣山有僧廬自古晉

天福二年建於高廷下號資福困於寇鈔不寧
厥居嶺西有白石峯尤爲秀拔林樾蒼潤時有

白雲蒙其巔人以爲福地皇朝乾隆四年徙焉
茅茨草棚僅合數楹治平二年明堂恩改賜今
額四年惟吉始建大殿法堂丈室紹興初慧實
增葺之遂得苟全歲久腐敗相尋一殿之外殆
不足蔽風雨淳熙十解如一來主是剝喟然曰
地雖僻乃吾徒所宜居室雖壞若一日必葺磨
以歲月尙庶幾乎有成當盡吾力以聽法緣失
今不爲後不可復爲矣勤爲從事不憚寒暑以
次修立增廣舊規不及十年院以告備外建三
門旁翼兩廡堂以處僧殿以覆藏下至庖廡舉
撤而新之輪奐俱美道俗稱歎一嘗聽學於延
慶者因深器之舉以居此人徒知其有得於教
乘不知其才具又足以辨此也蓋以因爲知人
當天福時有主僧惠說於高亭西粵請海塗爲
田崇寧政和間仲章復因爲馬乳山大巖谷巖
之地選上熟才足以支半年近又得寺僧惠興
捐鉢孟募眾緣一力經營莊成遂卒歲之望鄉
之士民歡喜和會相與言曰吾鄉邈然海山他

昌國典詠 卷九

三十四明嚴書

約園刊本

處佛屋相望補陀孤絕又去我不遠獨此山未
有爲眾植福之所今一公作此殊勝恍若化城
且又有以飽其徒是皆可書也前旣不得如天
台章安諸公爲之倡苟無以紀之其何以得不
朽乃撫邑之圖經考院之契券詳建立遷徙之
由因國仲觀之先求記於余仲觀鄉之善士也
其母與吾母俱王出少同硯席實兄事之嘗寓
是邑又與一厚余亦善一之能有成與克佐之
故併爲書之以告來者紹興三年清明朝請
大夫太府少卿兼玉牒所檢討官樓翰記 定

海縣志岱山古刹一曰超國寺宋咸淳戊午年

建一曰資福寺緒曾按超國乃超果之訛據大

德志超果舊名資福是資福卽超果而超果亦

非咸淳元年所建其誤分爲二又失載普明寺

然蓬萊鄉超果寺外別有資福寺大德志又云
資福寺在蓬萊鄉之五都晉天福八年建考五
都乃北界大德志云北界巡檢在蓬萊之五都
是北界之資福不在岱山之證岱山古刹一超
界一普明

白石峯巔白霧蒙神山深處幻珠宮蒼巖翠樾憑流覽
誰謂蓬瀛路不通

華雲寺

寶慶四明志華雲寺縣東北海中舊名香蘭周

昌國典詠

卷九

毛四明叢書

約園刊本

顯德七年建治平元年改賜空王建炎三年再

賜今額大德昌國州志在蓬萊之胸山

今衢山宋

高宗南渡改賜今額郡人迂齋樓公有跋石刻

尙存又蓬萊集仙道院在蓬萊鄉之胸山至元

十四年是鄉之士李心道勅建以爲一鄉祈祝

之地緒曾按元時蓬萊鄉分三村五都岱山巡

檢在一都二都北界巡檢在五都其三都四都

則胸山也普陀僧告余曰嘗至其地有古墓有

古刹余考古墓無名茲惟得其一佛寺一道院

樓迂齋名昉授文法於東萊有崇古文訣古文
標注其石刻宜爲海若所祕矣

疆門苔泚鼠狼湖古刹香蘭問有無神往迂齋金薤刻
誰沈鐵網出珊瑚

昌國典詠卷九

昌國典詠 卷九

三
天
四
明
叢
書
約
園
刊
本

昌國典詠卷十

清金陵朱緒曾述之撰

江南劉將軍墓

牛僧孺元怪錄黃門侍郎盧渙爲明州刺史屬
邑翁山縣溪谷迴無人嘗有盜發墓云初行見
車轍中有花磚因揭之知是古冢乃結十人到
縣投狀請路旁居止縣許之遂種麻令外人無
所見卽悉力發掘入其隧路漸至壙中有三石
門皆以鐵封之其盜先能誦呪因齋戒近之至

昌國典詠

卷十

一四明叢書
約園刊本

日兩門開每門中各有銅人銅馬數百執持干
戈其制精巧盜又齋戒三日中門半開有黃衣
人出曰漢征南將軍劉名忘使來相聞某生有征
伐大勳及死敕令護葬又鑄銅人馬等以象存
日儀衛奉計來此必要財貨所居之室實無他
物且官葬不瘞寶貨何必苦以神呪相侵若更
不已當不免兩損言訖復入門合如初又誦呪
數日不已門開一青衣又出傳語盜又不聽兩
扇欵闢大水漂蕩盜皆溺死一盜能泅而出自

縛詣官具說本末渙令復視其墓中門內有一石牀骷髏枕之水漂已半垂於牀下因卻爲封兩門窒隧路矣

太平廣記三百九十冢墓二

洪适隸續漢征

南將軍劉君神道云牛僧孺元怪錄載盧公渙爲明州刺史時有盜發漢征南劉將軍墓者在明之翁山縣其官氏偶同非此劉君也裨海異聞錄作象山縣誤

銅人銅馬執干戈麟閣雲臺績孰多辛苦盤洲巖考索

征南名字總消磨

昌國典詠

卷十

一四明叢書

約園刊本

韓學士墓

在翁洲山松江姜兆翀漱芳齋詩話唐韓學士偃入閩後無紀至魯王棲遁海島其少司馬惠安王忠孝字愧兩云近有斲山者得其斷碑知終歿於此以示徐闇公孚遠徐作詩云先生早去國不見受終時欲逐冥鴻志常懷捋虎髭史書淹舊迹野老斲殘碑爲誦香匳句高吟續楚辭見華亭徐孚遠釣璜堂集

紇干凍雀淚潸潸閩嶠潛蹤杳莫攀照海光騰龍鳳燭

一 杯馬鬣舊翁山

郭先生墓

大德昌國州志郭受句貫河南府官至奉議郎

終於長沙判官宋建炎間其子維徙居於此以

北學教授諸生從者如雲葬於西湖之原大德志富

都鄉有東湖榜曰郭先生墓其先以易學四世

登科兩尙主有官歷尙書及國子博士豐清敏

遺事跋云郭維者潁昌人以儒學修謹侍稷左

右最久建炎初李樸編次稷遺事多訪之緒曾

昌國典詠卷十

三四明叢書

約園刊本

按大德志謂郭名受其本貫河南府舟山志訛

爲郭受實河南府人定海縣志亦以受實爲名

又改其子名繼既誤其句讀又訛其字形矣受

爲豐清敏公稷之壻

皋皮坐擁讀書聲有道碑銜夕照明不憚乘桴傳洛學

海濱爭拜郭先生

王祕書墓

舟山志王祕書墓在城西隅藤坑山王仰字子

瞻藍田人宣和末以薦舉授祕書丞已而慮從

南遷愛翁洲山水之勝因家焉嘗施棺濟貧囊
以周鄰里又王曾字古思少耽學博極羣書蘊
藉過人系出太原曾祖仰扈蹕南遷寓居昌國
父進義嘗施棺五百以濟孤窮司府表薦兄曹
字古心亦老成有學中元鄉貢進士任壽州學
正

草草南遷恥策勳消磨蠟屐臥孤雲羨君分得東坡字
可有恢奇海外文

孫迪公墓

昌國典詠 卷十

四四明叢書
約園刊本

大德昌國州志孫枝字吉甫遂於文嘗撰普慈
寺羅漢圖記篤素張公大參見之稱賞曰海角
有此奇士以兄之子妻之嘗登考亭夫子之門

有答孫吉甫書

朱子文集答孫吉甫德粹之來
遠辱惠書雖未識而然足以知

賢者之志矣所喻氣質過剛未能自克而欲求
其所以轉移變化之道夫知其所偏而欲勝之
在吾日用之間屢省而痛懲之耳故周子有自
易其惡自致其中之說是豈他人所得而與於
其間哉然此亦或有說焉不明於理而徒欲救
其偏亦恐矯枉之過而反失夫中也故古人之
學雖莫急於自修而讀書講學之功有所不廢
蓋不如是無以見道體之全而審其是非邪正
之端也未由相
見幸且勉力 二子長起子字商友與父同登

甲戌進士第

按甲戌乃寧宗嘉定七年

郡太守程公覃爲立

重桂坊

按坊在明州郡城

初筮帖武戶曹會有卒伍哨

呼於市公出撫諭眾乃曰孫司戶清廉好官員不得相犯一州遂平立朝爲監察御史終太常

少卿官至朝散大夫次願質字去華未弱冠入

太原作賦有聲繇舍選登紹定壬辰進士第初

任分教池陽歷清要除諫官入中書官至朝散

大夫至正四明續志孫枝父允早從鄉先生沈

銖學學以眞實爲本教授鄉校者十年枝與銖

昌國典詠 卷十

五

四明叢書 約園刊本

之子端憲公煥亦相友善又登朱文公之門學

問益精粹著書解十三篇袁正獻公變見而歎

曰初謂子善爲文不意造理乃爾寧宗卽位詣

公車上瞽極言天下大計不見省嘉定七年登

進士第與子起子同榜袁變有和孫吉甫登第

詩二首

幾載英名表一鄉今年仙籍始浮香恩隆雲漢頌宸翰燕賜韶鈞出致坊父子

同登尤煒煜詩騷爲賦轉鏡獨頌言努力酬天

造勉使吾君冠百王生平心事影無涯老去情

俗豈復嘉便令扁舟歸故隱卻尋小園種幽花

癡兒微倖居前列

撲學流傳本故家第一不宜貪顯宦更煩師友護蘭芽允時尚無恙枝卓邁有智略自秦

隴荆襄達於江淮凡險要阨塞若指諸掌於邊
事軍謀尤諳習江淮帥延致幕府校以祿不及
親辭不就又云願質子璫知臨海縣奉母在官

既而大兵至母子俱蹈海死葉丞相夢鼎湯文清

漢王尚書應麟嘗以文章政事薦之

真愛黎齋
集題孫吉

甫遊東山跋云論者多非晉人尙清談譏謝太
傅之賢亦不免見譏嗟夫謝公豈易及哉淝水
之役苻秦以百萬之師下瞰長江京邑震恐不
知所措而公從容應之曾無懼色毋乃姑爲是
矯情以鎮物歟曰非也公之料事審矣平居暇
日家庭之閑與其弟及兒子朝夕切磨講之熟
矣制勝之具了然於胸中談笑指麾推折劔敵
迄不復振謝公豈易及哉吾友孫君吉甫學通

昌國典詠

卷

六國明叢書

約園刊本

古今述東山經行寓止之處甚備非愛東山也
愛謝公也昔召伯之教明於南國憩艾所在後
人追思勿翦其木而甘棠之詩作非愛甘棠也
愛召伯也吉甫之志或者其亦出於是也夫

明鄭真發陽外史集四明孫先生行狀孫諱元

蒙字正甫四世祖枝與其子起子同登宋嘉定

七年進士第以迪功郎監漳州南岳廟累贈朝

散大夫嘗師事宣獻樓公鑰端獻沈公煥正獻

袁公燮及見徽國文公證其所受學正文粹巒

爲儒宗所著海上羣人多傳誦曾祖願質宋朝

散大夫國子司業工部侍郎祖璫宋通直郎知

臨海縣父嗣宋將仕郎長兄元厚次兄元佐東
南詩學萃於四明先生得詩學於魯公月卿郡
庠延聘爲訓導攝教鄞學調松江府清忠書院
山長洪武六年以六科取士有司以先生仲子
章應詔洪武八年卒年八十五葬鄞縣黃山舟
山志孫參軍墓在城北小溪之原諱校字吉甫
宋時人按吉甫力辭闕幕不應有參軍之稱以
迪功郎監潭州南岳廟爲得其實至正續志云
鄞縣人全祖望甬上望族表亦云世居東泉蓋
自昌國遷居郡城子孫因家於鄞大德志列孫
枝孫起予孫願質於進士題名中知必有據又
鄞縣鎮海縣二志別無孫枝墓璿母子殉宋亡
之難尤忠烈不可泯也

十年鄉校事真儒重桂聯坊白髮娛椿菱長辭毛義檄
臥看簪笏滿雲衢

應參政墓

大德昌國州志應儼字之道自號葺址蘭坡先
生之猶子也少穎悟長刻志於學凡經史子集

與百家傳記靡不研覽從迂齋樓公游自是文
聲日振咸愛敬之兩膺漕薦嘉定癸未以詞賦
魁南省初調清江教授官次京教列屬上庠橫經
朱邸入祕書直齋署旣而丞玉牒兼南宮舍人
淳祐四年冬四被恩寵史館經筵翰林從橐官
至中大夫除參知政事封臨海郡侯有子法孫
請鄉漕官至承議郎延祐四明志應縣以詞賦
試南省第一繇未第時袁越公韶爲京尹繇爲
之掌牋記留門下一夕坐有美堂欣然若自得

昌國典詠

卷十

八

四明叢書

約園刊本

同門客吳必大喜樂府暮從外歸問曰何欣然
也以擬明堂詔書屬對甚善答之吳哂曰一第
脫飢寒猶未能明堂詔何施焉繇後直內制卒
用所擬語而吳以樂府游公卿困躓以死教授
臨安府鄭丞相清之見其文奇之始敍爲同舍
生樓昉教授鄉里時繇最後至清之固不識也
清之將拜相俾草麻後卒用之繇以著作郎兼
學士院權直並平開邊兵敗洛陽繇豫邊議坐
斥而清之亦罷相居東湖益與繇蒐拾文史號

建章集皆制詔所需也清之再相繼復用以侍
郎掌內制遂力薦爲內相理宗疑焉一夕召繼
入院降詔游侶左丞相鄭清之奉國軍節度使
兼侍讀趙與權皇兄安德軍節度使開府儀同
三司皇弟貴謙與芮授少保凡五制夜四鼓進
入上始信之翌日卽除翰林學士後拜參知政
事以疾告歸卒定海縣志應參政宅城西鎮齋
山麓應參政墓城西二十五里之浦東在紫薇
巖按大德志多載應繼記文又著顯爵淵源世

昌國典詠

九四明叢書

初園刊本

系錄清熙九年五月表進賜名鄭清之爲序有
候濤山詩云閣尾蒼茫四際同鬼峩巖石奠城
東雲連波白蒸鼇柱月帶潮青結蜃宮夾樹煙
籠花氣舞半鑑香映日光紅蒼藤滿砌依嵐翠
應許乘槎貫月中

海昌有應繼
南路鹽倉記

袁桷清容集過

庭述師友淵源錄應發孫參知政事繼之子父
爲翰林學士時能代父書命後祗其父書不出

雲連波白蒸鼇柱月帶潮青結蜃宮我誦君詩一憑弔
玉堂文采有遺風

余太師墓

大德昌國州志余天錫字純父自號畏齋世居
甬東村其先少傅領袖邑庠公擢癸未進士第
立登要津榮典鄉郡官至參知政事待宗族有
義廩堯贈太師諡忠惠余天任字子大自號退
齋忠惠公之弟嘗請漕舉以覃恩授初秩暨治
郡有聲官至兵部尙書贈正議大夫宋王應龍
翠屏筆談理宗癸丑歲劉元龍上古風云名器
君所司近來輕太甚文昌私宇之荷橐籠天任

禹國典詠

卷十

十四

明叢書

約圖刊本

延祐四明志天錫祖父滌教授史忠定子孫因
居於鄞天錫亦教授其子忠獻家遠性謹愿絕
不與外事忠獻器之是時忠獻在相位久皇子
濟王深疾之念欲有廢置而近屬無有會沂王
宮無嗣丞相欲借是陰立爲後備天錫試於鄉
秩告歸丞相曰今沂王無後里中宗子族屬相
似賢俊者幸具以來天錫絕江與越僧同舟舟
抵西門天大雨僧言門左有全保長家可避雨
如其言訪之保長知爲丞相館下客具雞黍甚

肅須臾有二子侍立全曰此吾外孫也日者嘗
言二雛後極貴問其姓長曰趙與萬次日與萬
天錫憶丞相所屬其號亦良是問其生月日告
於丞相丞相命二子來保長大喜鬻田治衣冠
心以爲沂邸後可冀也集姻黨且託其遇以行
天錫見於相府丞相善相人大奇之計事泄不
便遽復使歸保長大慙其鄉人亦竊笑之逾年
相忽曰越二子可復來乎保長謝不肯相密諭
曰二子長最貴宜撫純父家遂載與俱歸母夫
人朱氏爲沐浴教字禮度益嫺習未幾召入嗣
沂邸迄卽帝位是爲理宗天錫嘉定十七年進
士寶慶元年超除起居郎不數年拜參知政事
復守鄉郡母夫人封周楚國夫人壽過九十將
以壽日拜天錫爲相天錫以病卒贈太師諡忠
惠弟天任爲兵部尙書兄弟友恭方貧時率更
衣而出終歲同衾益晚貴盛復約以昭穆同葬
子尙賓能守孝謹從子晦尹臨安守蜀後守鄉
里在蜀以違年論闈州王惟中死士論惜之舟

山志余太師墓在城東七十里小展驛之南大
余橋小余橋俱在城北直街心天錫成者曰大
余天任成者曰小余又鹽倉驛虹橋書院亦天
錫建緒曾按宋時昌國顯宦莫盛於余氏然天
錫實彌遠逆黨宋史天錫本傳所載與延祐志
同皇太子竝嫉彌遠與楊后事寧宗崩彌遠矯
詔立與葛改名昀嗣帝位遂廢太子竝爲濟王
彌遠詐言竝有疾令天錫召醫視之諭旨逼竝
縊死以疾薨聞齊東野語史相遺其客余天錫

昌國興詠

卷十

十二四明叢書

約園刊本

來且頒宣醫視疾之旨時王本無疾實使之自
爲之所遂縊於州治之便室昇歸故第治喪本
州有老徐駐泊云嘗往視疾至則已死矣見其
已用繇被覆於地口鼻皆流血沾漬衣衾審爾
則非縊死矣是彌遠廢立之罪天錫成之也大
德志但云立登要津有微辭焉延祐志詳言詭
計其罪彰矣聞性道鄞縣志鄞青山有天任墓
而天錫葬昌國小展驛是兄弟昭穆同葬亦爽

其約

一時謀助覺闍黎鱗附俄然政府躋泡影須臾都是幻
兩東村北月湖西史丞相浩見覺長老入而生彌遠小名覺時人作詩云前身原是覺闍黎業障紛紛總不迷又史彌遠死已久陰魂夜歸題詩云早知泡影須臾悔把恩讐抵死分俱見田汝成西湖志

開夫人墓

舟山志開夫人墓在城東北三里淡水坑之原
夫人郭氏洪武中刑部尙書開濟妻諳文墨時
皇太后御坤寧宮召夫人檢披內省諸籍領宴

後濟坐廢置編管於茲因葬焉開忠字學古河

昌國典詠

卷十

十三四明叢書

約園刊本

南柘城人刑部尙書濟之子以父故安置昌國
家徒壁立痛不及廬父之墓昕夕悲號刻木以
祀養母夫人郭則日稱貸於人以資滫瀡如期
而償未始有纖毫負及郭終哀毀骨立廬墓三
年居常念父受國厚恩思以報稱永樂七年進
平邊策十餘事援古證今皆鑿鑿不妄草衣蔬
食年九十而卒葬城東淡水坑孫政克世其業
以明經爲全椒縣學訓導正統間巡撫焦侍郎
爲置宅一區以妥厥靈至嘉靖丁未知縣宋繼

祖又請於監司錄其後應勳以典祀事明史開濟字來學洛陽人洪武初以明經授河南府訓導入爲國子助教以疾罷歸十五年召試刑部尙書踰年實授濟以綜覈爲己任帝大以爲能然亦深刻好以法中傷人尋令郎中仇衍脫囚死爲獄官所發濟與侍郎王希哲主事王叔徵執獄官斃之其年十二月御史陶垕中等發其事帝怒下濟獄併希哲衍等皆棄市緒曾按明史陶字垕仲名鑄以字行舟山志陶鑄字原仲

昌國典詠

卷十

十四四明叢書

約園刊本

椿卿曾孫洪武己卯鄉舉青田教諭洪武二十六年徵爲監察御史劾奏刑部尙書開濟趙遷福建按察史所載不同是郭氏編管昌國在洪武時未聞有皇太后或高皇后馬氏嘗召之也明史陶垕仲名鑄以字行鄞人洪武十六年以國子生擢監察御史糾彈不避權貴劾刑部尙書開濟至死直聲震天下未幾擢福建按察使誅賊吏數十人興學勸士撫恤軍民帝下詔褒異布政使薛大方貪暴垕仲劾奏之大方辭相

連并逮至京訊實坐大方得罪詔厘仲還官厘仲言臣父昔爲方氏部曲以故官例徙鳳陽臣幼弱依兄撫養至於有成今兄亦爲鳳陽軍吏臣叨聖恩備位司憲欲捐祿養報生育恩使父母兄弟得復聚處竇戴聖天子孝治天下至意帝特許迎養去徙籍厘仲清介自持祿入悉以贍賓客未幾卒

織室餘生賴子賢荒墳花落聽啼鵲內庭彤管誰徵信
零落班昭女誠篇

昌國典詠 卷十

十五 四明叢書

約園刊本

韓句容墓

舟山志韓句容墓在城西十五里野嶽山韓鼎字廷器父仕昭貢入太學以毆傷役人問充南宮工部司吏病卒無力歸輓鬻產備貲奔號千里以求父屍夢江神指示其地得遺骨返葬發解壬子宣德七年尹於句容砥礪名節惠養黎元正統戊辰也先之變督餉過勞卒於龍潭驛事在句容名宦志中緒曾按明弘治句容縣志韓鼎正統七年由舉人爲句容令存心正大行政簡

要民多所畏服以疾卒於官

南都負骨夢神憑錦製容溪勵飲冰不意圖經搜海外
竟將遺事補金陵

傅烈女墓

舟山志傅烈女墓在城東北四十五里石牆墜
傅烈女邑人傅梓女也年甫十七美姿色未字
嘉靖閒夷寇至自倉卒女家瀕海遂爲所獲女
卽以石破面血塗地賊怒磔之知縣宋繼祖上
其事於巡撫暨祠於文明門之東又同時李氏

昌國典詠卷十

十六四明叢書

續刊本

張棟妻倭夷登據柯梅夫妻被執賊殺棟李號
哭罵賊義不受辱亂刀磔之旣而賊悔穴土以
窆有司爲改葬致祭扁其門曰貞烈按李烈婦
惜未載其墓地

一樹霜花覆女貞枝柯不改舊青春若從斷腕推書法
愧殺鬚眉受辱人

張忠穆公墓

鄞聞性道崑泉文恆雪交亭藏甕記雪交亭者
前閣部雲間鯢淵先生張公肯堂之舍館也在

壽洲城內亭前樹梅梨二本因以雪交名辛卯
秋洲城不守公率妾婦婦女投繯此亭者七而
門人蘇兆人與焉暨戚獲從死者合二十有七
人兆人字寅侯城將危也詣公講大義公曰已
備繯矣寅侯喜曰須再爲兆人備一繯隨與公
奔奔半欣然起徧視繯所大笑曰待某試之一
繫而絕公肅衣冠拜之曰寅侯需我同行題絕
命詩於緋袍懸亭之正左眷屬以次而偕繼之
以戚獲其詩曰虛名念載著人間晚節空勞學
面閒謾賦歸來慚靖節聊存正氣續文山君恩
未報徒憂悴臣道無虧在克艱寄語千秋青史
筆衣冠二字莫輕刪時邢人喬鉢任撫綏事亟
飛片葉來迓曰是有大奇事不可不延子來
莫敢觀微子來觀亦莫能言其意在公也不得
已而行幾參蛟不得已奪蛟涎而行蛟亦知不
得已者至則煙沙爨日霜魄成峯噫何忍言又
何忍不言不得已紀韻語四十字有祇留山外
月獨照水中天一日分今古于村改歲年之句

噫何忍不言又何忍言不得已詢公成仁地縱
橫寒玉蓋卒伍割繫帛并去其衣袋有揭袍貨
於衢有得錄其絕命詩噫何敢不觀又何忍觀
四望潸然惟公自題亭柱所謂常念古人能報
國未逢知己莫論兵者猶存噫不敢觀又何敢
不觀嗚呼尙忍觀哉尙忍言哉不得已依浮屠
法而茶毗焉不得已擬用七瓦棺別殮公以下
七骨忽有人偈亭以居欲焚委其骨不得已賂
其徐焉求小窆不可急得不得已買三大窆先

昌國典詠

卷十

十六國明倫書

總圖刊本

以潔緜裏公之全骨而題表之餘皆包護如法
不得已以各爲層油格隔而書之而總藏於大
窆甚不得已也窆巨不便他昇不得已而思卽
昇亦不便於此日不得已更思卽昇不便於此
日能無傷於此窆乎於是極不得已攻亭漏空
地去亭西南凡五步而藏焉又哀諸從死者之
不可離左右也不得已別以二大窆貯埋於東
南相去三半步是時事迫無從考詳眷屬及從
死者姓氏然又懼無以爲識也不得已書堅木

納之甕中又懼他人移也不得已覆以頑石而更懼後之無可蹤迹也不得已操觚以私誌其處此雪交亭臧獲記所繇作也嗚呼不得已而不敢觀不得已而又何忍不觀不得已而不忍言不得已而又何敢不言嗚呼孰忍觀哉孰忍言哉孰爲不得已之觀孰爲不得已之言哉要

以自言其不得已之觀且以自觀其不得已之

按此泉所記甕卽埋

言聊以自盡其不得已之心而已矣

於雪交亭則不言僧無凡請葬及昇公尸出城事必泉自記當不致誤蓋如瘞亭側後普陀僧

昌國典詠 卷十九 四明叢書

納園刊本

無凡乃移葬於茶山泉此記如蘇兆人字實侯及與公奔奔半視環大笑皆足補全氏之缺全祖望明太傅吏部尙書文淵閣大學士張公

神道碑銘云順治八年辛卯九月大兵破翁洲

太傅閣部留守華亭張公闔門死之大兵入其

家至所謂雪交亭下見遺骸二十有七有懸梁

間者亦有絕纜而墜者其中珥貂東帶佩玉者

則公也廡下亦有冠服儼然者則公之門下士

儀部蘇君兆人也有以兵死者則諸部將也亦

有浮尸水面者大兵爲之驚愕卻步歎息遷延

而退命扁其門鄞之諸生聞性道時在隨征府
倅喬鉢幕中聞而亟往視之思爲之殮顧滿城
鼎沸無所得棺公之故將汝都督應元已爲僧
補陀公前此曾託孤者也翌日入城謁帥府乞
葬故主諸大將皆怒曰汝主久抗天命以拒天
兵汝其餘孽也方竄伏不暇敢來葬此骨耶命
驅出斬之應元曰山僧本戴頭而來得葬故主
當歸就僂乞假命一日耳提督金礪憫之乃曰
是出家人姑貰之於是應元昇公尸出城性道

昌國典詠

卷十

二十四明叢書

約圖刊本

與定之諸生謝歸昌及補陀僧心蓮等募鄉民
昇公眷屬及賓從等尸出城然卒無所得棺乃
以火化之貯以三大甕其一貯公骨其一貯公

四姬

方周一畢姜

一婦

池氏

一女孫

茂

諸婢骨

侯婦彭其

一貯儀部以下骨

蘇北人

中軍將

林志燦

林桂

守備吳士俊僕人張俊等

葬於補陀之茶山茶山者應元所築寶稱庵以
避人者也時公尙有一孫茂滋遺命勿死以全
宗祀以存入鄞次年十月始得放還茂滋將負
公骨以歸應元以道梗令先載木主歸耐瘞先

塋而徐俟後期未幾茂滋亦卒公無後應元乃不復歸公骨而身居寶稱庵以奉公墓未幾應元亦卒寶稱庵圯公墓遂沒於榛莽閒雍正丙午予遊補陀諸僧導予遊故蹟予概弗往而先登茶山求公埋骨之地尙有一石題曰張相國墓隱秀庵僧百成予宗人也謂予曰子旣肅拜公墓曷爲文以紀之其麗牲之石吾當謀之以爲山中之重嗚呼荒山野冢非有石麟辟邪翁仲之儀也非有墓田丙舍之寄也然則百成之

惓惓於此其亦重可感也予乃博考唐魯二王野乘參之明史折衷於茂滋所述論定其異同以爲公碑按公諱肯堂字載寧號鯢淵南直隸松江府華亭人也天啓乙丑進士釋褐知大名之潞縣流寇方充斥河南彰德等府烽火相望與大名祗隔一河公練民兵沿河立堡圍甲禦寇至舉礮擊之莫敢渡者大名守盧公象昇以爲能令濱河諸縣倣之因盡行其法畿南其後所謂天雄軍者也以考最擢御史崇禎八年流

賊陷鳳陽皇陵震驚公疏劾閣臣且條上滅賊方略有五尋出按福建時撫軍沈公猶龍亦松產良吏也公與之同心剿撫海寇閩氛稍輯力薦徐公世明之廉卒爲安撫還朝掌河南道疏言監司營競紛紜意所欲就則保留久任意所欲避則易地借才今歲燕秦明歲閩粵道路往返動以數千程限稽遲多踰數月故有一番之更移者必多一番之擾害帝是之十二年疏言裁練之法當以屯實練如欲求練總練備之官

先於衛所世弁求之而卽屬以清核本屯之任欲得兵卒宜卽於衛所官軍餘子中選之而卽令補其久虛之伍欲求兵餉宜盡查各衛所軍產原額復之而卽課以開墾之事舉一練務卽可復一屯職選一新兵卽可還一舊餉河北山東地相錯一方奏效餘可迎刃辦也章下所司當是時亡國之政莫甚於練餉而屯田雖有二撫不過虛語使能以公言實力行之可救其弊而爲時已晚終不能用楊嗣昌出督師逮熊文

燦公知嗣昌之必仍用撫也諒言文燦喪師辱國今撫臣出賊又必以撫乞憐伺間而動請著爲例自今有爲撫議者議出編氓行伍以奸細反聞論議出道將紳衿以通賊論議出督撫鎮帥以誤國論疏入嗣昌舉人愷奉旨請責十四年言嗣昌受事且二年賊勢日橫宜解其權詔未報而嗣昌已死是冬公言今討賊之人甚多巡撫之外更有撫治總督之上又有督師位號雖殊事權無別今楚自報捷豫自報敗甚至南陽失守禍中宗藩督師職掌安在試問今督師者將居中而運以發縱指示爲功乎抑分賊而辦以焦頭爛額爲事乎今爲秦保二督者將兼領提封相爲犄角之勢乎抑遇賊卽勦專提出境之師乎今爲撫者將一稟督師之令進退惟其指揮乎抑兼視賊之急可以擇利乎凡此肯綮中樞冥冥而決諸臣憤憤而任至失地喪師疆事不可問矣下所司詳議於時天子憂勞殊

甚願成操切之治大吏稍不當意輒置於理而
荒殘之地逋稅至數十萬征輸愈迫流亡愈多
適大祲二京山東西河南陝西等處人相食大
吏以餉匱乏故令有司催科如故公疏言天災
可畏宜行寬大之政今任繭絲之吏以求必不
可得之糧弱者轉死溝壑強者嘯聚山林是驅
之爲盜也長官一切以法從事囹圄盈滿而盜
不可除其不爲盜者皆以餓致奄奄何以禦盜
宜下肆赦之條捐逋欠招流亡赦過誤開自新

昌國典詠

卷十

三四四明叢書

約園刊本

庶幾可以挽回天意會召舊輔周延儒入京公
面陳要務延儒是公言捐糧五百餘萬清冤獄
以千計皆公之力十六年疏請休復 來言事

諸臣言諸臣率意敷陳罪止成於狂瞽在聖明
薄從降罰法姑予以困橫然夷考諸臣所言或
議征求宜緩或陳刑獄宜寬或糾行閒功罪之
淆或爭朝端名節之重或糾巨奸於氣緜方張
之日或詆近侍於威權思竊之時一腔忠愛天
日臨之偶爾摧折便作逐臣雖盛世原無棄人

何官不可自効然使之回翔下位何如竟子賜
環得旨俞允於是原降科臣李清等皆得召用
自公掌道凡所敷陳不墮同時門戶詭激之習
皆其可見之施行者是年陞大理寺丞尋以都
御史撫福建時調閩師赴登需餉七萬公陛辭
面奏言恐力難猝任於是大學士黃公景昉助
公請分其半於粵初下車平漳南大盜總兵鄭
芝龍舊以作亂海上受撫官至大將頗倚巢窟
跋扈芝龍招大盜五十餘人報公欲爲標下用

昌國典詠

卷十

三五四明徵書

約園刊本

公曰勦盜元戎職也未有朝命而擅受降則不
可以疏告於朝得嚴旨悉斬之芝龍以此恨公
南中稱制遣步將周蕃帥師助防江璽書獎諭
汀洲賊閩王豬婆營盤踞簾子洞南贛巡撫李
永茂告急公親征之招撫數百人令知寧化縣
於華玉率以勤王詔復用閩督學郭之奇爲翰
林且子超擢公力言其非而止南中失守芝龍
弟鴻逵奉唐王至公具啓迎之王復書以兩京
淪沒陵寢暴露懷枕戈復讎之志而無其地流

離蹈海幾作波臣惟天南一片地先生保障以
待中興高皇在天之靈實式憑之書至急以書
約漳浦黃尙書道周尙書故自浙入閩馳至芝
龍意頗猶豫而以其弟鴻逵所迎勉就約六月
監國七月稱制晉公副樞再晉總憲公面陳恢
復大計因言江干之禍皆由罪輔馬士英又加
以棄主而逃今聞其在浙法所不赦故唐王登
極詔中卽發其罪士英叩關自理七疏皆不納
而芝龍力爲之請詔令其恢復杭州始申雪於

昌國典詠 卷十

三五四明叢書
約園刊本

是士英竟不得入芝龍益恨王銳意中興顧后
曾氏以知書又前同在高牆中食淡攻苦相憐
頗參預外事王臨朝則后垂簾座後共聽政公
疏言本朝高文二后皆有聖善之德助成王業
然皆宮闈之中默爲贊助若垂簾之制非聖世
所宜不可以示遠人疏入曾后恚王遂疏焉說
者謂唐王在烈廟時有英察之稱而溺於內寵
是有以知其不能成大功也芝龍無意恢復亦
惡公之日以親征勸王思黜之猶以翊戴功晉

太子少師官冢宰仍兼憲長而以其私人爲巡撫奪其兵又令總理留務造器轉餉八月又遣監臨秋試蓋外之也尋詔以冢宰專掌院事而以銓事屬之曾公櫻丙戌正月公累疏請兵詔加公少保兼戶部工部尙書總制北征雖奉旨賜劔撫鎮以下許便宜從事而不過空言時公孫茂滋家居方遣汝應元歸省之而吳淞兵起夏文忠公允彝陳公子龍爲之魁汝應元者雄俊人也以公命奉茂滋發家財助軍閩中授應

元御旗牌總兵官已而兵敗徐公孚遠浮海赴公而茂滋亦與應元至爲公言吳淞雖事不克而敗卒猶保聚相觀望儻有招之者可一呼而集公乃請于自親征由浙東而已以舟師由海道抵吳淞招諸軍爲犄角所謂水師之議也曹文忠公學佺力贊之謂徼天之幸在此一舉乃捐餉一萬以速其行且言當乘風疾發公請以徐公孚遠朱公永祐趙公玉成參其軍皆故吳淞諸軍領袖也周公之夔則故蘇推官舊與東

林有隙者至是家居起兵報國甚勇且熟於海
道故公亦用之而以平海將軍周鶴芝爲前軍
定洋將軍辛一根爲中軍樓船將軍林習爲後
軍詔晉公大學士行有日矣芝龍密疏止之以
郭必昌將步卒先公發而令公待命島上必昌
受命遂不出三關一步而公以數舟入海徘徊
島上者半載朝事不復相聞郵筒亦隔絕六月
復下督師之詔軍資器械并餉三萬已爲芝龍
所取公自募得六千人七月閩王親出師延平

且幸贛州方引領望消息而芝龍引大兵入追
王及之公痛哭誓不欲生時公屯鷺門其旁爲
東石卽芝龍所居也會鶴芝軍至勸公以爲封
疆之臣封疆失則死之今公奉北伐之命非封
疆臣也不知振旅以爲後圖公乃入其軍鶴芝
亦以盜起海上至大將然其人忠順非芝龍比
故公之出帥欲以爲先鋒時鶴芝爲楊耿所糾
公請宥而用之及芝龍之降以書招鶴芝計事
鶴芝會之道遇公公止之鶴芝不信旣至知其

決降遂與公謀出師破海口諸城大兵勢盛鶴
芝度不能抗由閩入浙有周洪益者蕩湖伯阮
進部將也劫公於路踰當入翁洲翁之總兵官
黃斌卿者無遠略雖外致隆禮館公於參將故
署而公所言弗用也但謀據翁厚自封殖以偷
安海外鶴芝議乞日本師已有成約蓋鶴芝故
與日本國王善故也斌卿沮之鶴芝怒入閩斌
卿乃自遣其弟孝卿副安昌王以行日本不見
鶴芝師卒不出公不得志栽花種竹於圃中作

昌園典詠

卷十

三九四明叢書

約園刊本

寓生居記以見志

其詞見雪交亭下不復錄

又貽姚江黃都

御史宗義書曰銅槃之役僕惡敢後顧飄梗隨
流又安假黃鵠之一羽皆指斌卿之擅命不肯

與諸軍協力而思據彈丸以老也無何而張名
振等奉魯王至公力勸斌卿奉迎不聽諸軍問
罪於翁斌卿屢敗乃求救於公公爲之上章待
罪請使之改心事君名振等不可斌卿遂死王
入翁以公爲大學士輔政公虛所居邸以爲王
宮時從王至者太保沈閣部宸荃以公耆德宿

望讓爲首揆宸荃以疾請休公獨相加太傅張
名振之殺王朝先也公力解之而不能得國事
盡歸名振公亦不得有所豫每飛書發使不如
意者十九則憤恨不食咄咄終日然老成持正
中外倚之翁人有欲納女於王者公聞其已嘗
許嫁於人疏諫王遽卻之築雪交亭於邸中夾
以一梅一梨開花則兩頭相接嘗歎謂蘇兆人
汝應元曰此吾止水也兆人對曰公死兆人必
不獨生公撫其孫茂滋顧應元曰下官一綫之
託其在君乎應元曰諾於是應元披緇赴普陀
而兆人始終從公又二年而大兵至張名振奉
王擣吳淞思以牽制大兵而以公爲留守公遣
蕩湖伯阮進邀擊大洋風反師燿大兵直抵城
下安洋將軍劉世勳固守力竭城陷先一夕少
保禮部尙書吳公稚山至作永訣詞因集家屬
曰無爲人辱及晨諸姬方氏周氏畢氏冢婦沈
氏卽茂滋母也女孫茂漪俱先投繯諸姬姜氏
投水畢姬先登姜姬止之曰死亦當以序莫恩

恩也公謂茂滋曰汝不可死其速去然得全與否非吾所能必也公投纒梁塵甫動家人報儀部縊廡下矣公亟呼酒往醑之曰君少待我復入纒九月初二日也茂滋狂號欲共死中軍將林志燦林桂掖之行甫出門而亂兵集茂滋脫去志燦桂等以格鬪死守備吳士俊家人張俊彭歡皆絕脰死茂滋尋被執其得生也賴應元與鄧諸生陸宇燦前戶部董守諭董德偁崇明諸生宋龍大名前鄉貢進士蕭伯閣閩劉鳳翥定海諸生范兆芝等救之以免詳見茂滋所著餘生錄蓋自天兵南下所向不血刃其以一郡抗命者曰贛曰金華其以一縣抗命者曰江陰至翁洲不過孤島如黑子而竟相支拄多所夷傷至使諸將皆以爲南下所未有於二京殆有光焉則元老之所以報國者良無愧矣嗚呼公以經世之才牽絲則爲循吏入臺省則爲名諫臣撫軍則爲賢節度顧皆不久其任未得展其用乃遭喪亂先翼戴於閩七事猶或可爲也而

厄於悍帥及己丑以後延殘息耳方肅虜定西
平西蕩湖虎爭之際公卿危於朝露賴以至誠
宿望調護其間試讀寓生亭記令人黯然神傷
零丁惘惘之情形如在目前其云死不徒死則
止水之先議也補陀爲大士道場願儒者所弗
信得公之骨葬焉海島爲有光矣而制府聞公
有絕命詞手迹懸賞募之一老兵得以獻制府
賞之其人不受曰以慰公昭忠之意耳非羨公
金也聞者賢之公生平以用世爲學不以詞章

自見及蕭寥島上始稍有述作以遺日而高雅
有承平之遺風惜兵革之後所存無百一而雪
交亭自亂後公所植一梅一梨獨無恙浙東諸
遺民如黃公宗羲接其種於姚江高公宰秦接
其種於甬上至今二郡亦皆有雪交亭其銘曰
小白華峯睡香翩翩兮海印池邊玉盤盃如船
兮縞衣素簪足清歡兮遙望雪交南枝同團兮
公乎驂箕遊此閭兮百年過者曰是唐宰相魯
公之阡兮又張太傅守墓僧無凡塔志銘無凡

姓汝氏名應元字善長南直隸華亭人故太傅
張公麾下總兵官都督同知也少讀書通文筆
顧大魁碩有勇幹善料事以家貧事同里張公
肯堂時年尙未二十張公一見異之曰此非隸
役中人張公撫軍福建無凡在幕府最荷委任
往來海上指麾諸將以捕盜積功至都司僉書
然尙侍軍未上也乙酉四月以張公孫茂滋同
歸松江而南中亡夏考功允彝倡義時吳淞總
兵吳志葵故出夏門下以麾下應之薦紳則尙

皇國典詠

皇朝明徵書

新國刊本

書猶龍陳給事子龍李舍人待問皆松之望也
無凡遽以便宜盡發張氏家丁出家財爲支軍
一隊與志葵合或駭之曰此大事何怱怱無凡
答曰我公志也於是夏陳諸公相納以袍笏列
拜無凡於營前且曰斯四十年領袖東林之錢
尙書所不肯爲而無凡名大震志葵師敗無凡
護茂滋浮海入閩隆武知之大喜卽授御旗牌
總兵官都督同知福州軍政司之鄭氏張公雖
太宰不得有所展布隆武議親征以張公任水

師率麾下從禡牙將發鄭氏以其私人郭必昌代之已而鄭氏降隆武出走張公浮海至舟山依黃斌卿適監國魯王方失浙東叩關求援斌卿不納張公力爭不聽無凡曰斌卿意叵測應元請使死士刺之奪其軍以迎監國張公曰危道也汝姑止張名振之應松江也都督亦踴躍欲赴張公曰事未可知吾今不可一日離汝蓋自張公散軍入海飄泊螭灘鼇背之間瀕於危者不一皆無凡扈持之嘗撫茂滋謂之曰我大

臣宜死國下官一綫之寄其在君乎幸無忘無凡曰謹受命忽一日大風雨呼之則已空閣不知所往張公大驚如失手足次日有補陀僧入城曰昨有一偉男子來腰間佩劍猶帶血痕忽膜拜不可止亟求薙度麾之不去不知何許人也張公家人聞之亟歸告公曰此必吾家應元也已而以書謝曰公完髮所以報國應元削髮所以報公息壤之約弗敢忘也自是遂爲僧於補陀之茶山所謂寶稱庵者釋名行誠而字無

凡辛卯舟山破張公以二十七人死之獨命茂
茲出亡無凡遽入舟山則已失茂滋所在乃詣
轅門求葬故主諸帥欲斬之有一帥故佞佛憐
其僧也好語解之曰汝亦義士然此骨非汝所
得葬也不畏死耶無凡曰願葬故主而死雖死
不恨其帥乃曰吾今許汝葬葬畢來此曰諾乃
歸斂張公并諸骨爲一大冢瘞之徑詣轅門諸
帥皆驚異乃命安置太白山中無凡旣不得自
由密遣人四出訶茂滋聞其羈鄣獄中乃令同
院僧之出入帥府者爲前許葬之帥言無凡精
曉禪理可語也其帥大喜遽延與語相得甚歡
則乘閒爲言茂滋忠臣裔可矜且孺子無足慮
請往視焉許之無凡乃請之當事求出茂滋不
得以合山行眾請之又不得請以身代又不得
會鄣之義士陸宇燦等以合門四十餘口保之
而閩中劉貢士鳳翥亦爲言之茂滋乃得出無
凡又爲力請竟得放歸華亭數年茂滋病卒無
凡遂終身守張公之墓老死於補陀中其銘曰

都督晚年頗遭誣屈謂其居山尙交張杰懸壘
之役實所決裂嗚呼稗官一何失實不負鮑淵
忍負蒼水宮山之言了非曲諱豈期思舊鑄此
疵累敢曰大儒遂無誤毀錢光繡輓張鮑淵黑
風崩城吹海立修鯨跳舞妖蛟泣此口冠裳等
貝球斂手陽侯爲拱揖絕島經營五載餘誰言
成旅非良圖臣心未友臣力竭尺組畢命安躊
躇生孔明死秀夫幸與不幸斯人徒不須精衛
銜微木大海雖大行當枯緒曾按定海縣志所

昌國典詠

卷十

三

四明叢書

約園刊本

云帥追餘孽至普陀無凡請葬閣部尸又云爲
僧已六年均失其實

華亭朱履升詩此中藏殺骨爲
我訪祈連自註張鮑淵葬此

孫枝護得續書芬一諾能償地下聞香茗年年寒食節
老僧淚灑信公墳

張定西墓

墓在蘆花畧全祖望明故太師定西侯張公墓
碑子家先族母張孺人爲蒼水尙書女先族父
以是避地居黃巖康熙庚子先族母以展墓歸
子時年十六從之間舊事先族母曰吾父與定

西侯同事久每言其志節之可哀而謗口之多
屈且曰定西墓在蘆花塞汝他日可爲之謀片
石焉予曰諾蹉跎二十餘年未之踐也乾隆戊
午始克爲之參稽諸野史之異同以成定論使
異日攷翁洲遺事者得有所折衷焉定西諱名
振字侯服南直隸應天府江寧縣人也少伉爽
有大略壯遊京師東廠太監曹化淳延之爲上
客時奄人中惟化淳以王安門下故與東林親
公亦遂得與復社諸公通聲息熊公開元之廷

昌國興詠

卷十

三七

四明叢書

約園刊本

杖也公陰屬杖者不死而公實未嘗識面也
崇禎癸未授台州石浦遊擊乙酉南都破安撫
使至浙東公獨不受命已而監國起事加公富
平將軍時肅虜伯黃斌卿以閩中之命守翁洲
翁洲與石浦相倚角斌卿因與公爲姻薦之閩
中時閩浙方爭而二軍兼受閩浙之命議由海
道竊崇明擾三吳以爲錢唐之援未行錢唐帥
潰方國安欲以監國降監國脫走至石浦之南
田公棄石浦扈王欲保翁洲會叛將張國柱以

軍攻翁洲斌卿求救於公公破之因勸斌卿納
王而斌卿不從公計無所出適永勝伯鄭彩至
以其軍共扈王入閩王晉封公定西伯公見閩
中諸將林立請歸浙中招故部以壯其軍及還
而石浦已入本朝乃之翁洲依斌卿斌卿見公
之以孤軍依之也稍侮之丁亥松江帥吳勝兆
來歸請一軍爲援願以所部合力向南都斌卿
猶豫不欲應公方有自遠於翁洲之志因請以
其軍赴約而故都御史沈公廷揚等爭勸之公

昌園典詠卷十

三

四明叢書

約園刊本

遂整軍抵崇明遇颶風盡喪其軍沈公死之公
得逸復入翁洲而其弟及甥皆死斌卿以公之

無軍也益侮之公乃招故部營於南田而黃張

之隙始大構

此據黃文宗義董文守諭高文宇
泰所紀皆然則黃曲張直顯然矣

黃之罪莫大於拒盜國而舟山志以爲
黃欲應吳張竊其旗先往則誣甚矣

初公之

救斌卿也部將阮進最有功斌卿不得公而說

進使叛公及公北發進以不習三吳水道不從

南入閩招軍頗盛王旣晉封公定西侯亦封進

蕩湖伯至是公由南田復健跳以書招進進復

與公合時閩中地盡失諸將以王復入浙公與
進迎王次於健跳斌卿不至大兵圍健跳進使
人告糴於斌卿又不得於是公與諸將議海上
諸島惟翁洲稍大而斌卿負固不若共討而誅
之則王可駐軍乃傳檄討斌卿斌卿見諸軍大
集度不能抗乃上表待罪請迎王以自贖公許
之而進卒擊殺斌卿沈之於海斌卿頗能以小
惠結士心故其死也多惜之者甚且訴其死之
屈以爲公奪其地而誘殺之然斌卿一拒監國
於丙戌微公棄地扈從則監國閩中之二年不
可得延再拒於己丑微公合軍誅討則翁洲之
二年不可得延此事迹之顯然者而乃據愚民
之口以混黑白其亦昧矣監國旣居翁洲晉公
太師當國庚寅公殺平西伯王朝先朝先本斌
卿將公與進招之平翁洲之功公頗忌之遂
襲殺焉朝先驍勇翁洲人仗之及死部將遂多
降於本朝請爲鄉導以攻翁洲予嘗謂公之殺
斌卿爲有功而以其非罪殺朝先則有過此則

不能以相掩者也辛卯秋大兵下翁洲公以蛟
關天險海上諸軍熟於風信足以相拒必不能
猝渡乃留阮進守橫水洋以弟左都督名揚副
安洋將軍劉世勳守城而自以兵奉王擣吳淞
以牽制之或謂公曰物議謂公借此避敵矣公
曰吾老母妻子諸弟皆在城吾豈有他心哉軍
遂發而進以反風失勢戰死世勳名揚力守急
呼公還救未至城陷公之太夫人范氏夫人馬
氏名揚偕其弟及妾闔門舉火自焚死參謀軍

昌園典故

卷十

四十一 四明叢書

約園刊本

事順天顧明楫亦預焉公聞信慟哭曰臣誤國
誤家死不足贖欲投於海王與諸將救之而止
乃復扈王次於鷺門癸巳公以軍入長江直抵
金焦遙望石頭城拜祭孝陵題詩慟哭甲午復
以軍入江掠瓜儀深入侵江寧之觀音門時以
上游有蠟書請爲內應故公再舉而所約卒不
至乃復遷屯軍南田是年公卒遺言令以所部
歸張公蒼水悉以後事付之論者以爲陶謙之
在豫州不是過也蒼水爲葬之蘆花嶽初翁洲

之破也沈公宸荃在公軍咎公恃險輕出以致
敗不數月沈公泊舟南日山失維不知出之或
以爲公本奉王以逃固無是理至沈公之死亦
何以定其爲公要之公之累蹶累起以死奉王
其精忠不可誣而恃險輕出則亦天意爲之不
可成敗逐雷同之口至於當國之後多病其專
諒爲事之所有然以公有丙戌己丑兩度之大
功吳淞翁洲闔門之大節卒之再入大江以求
申其志則其專命擅殺與夫恃險輕出之罪吾
固不必爲之諱而以爲賢於黃斌卿萬萬矣今
之作翁洲志乘者曲筆於斌卿而深文於公混
祀斌卿於辛卯死事諸臣之首而公兄弟反不
預何其謬戾一至於此耶予故序公之事鑱之
墓上固非但畢吾族母之志也更爲哀詞曰翁
洲石浦彷彿於殘宋之厓山公魂不死長留此
閒功過不掩曲筆宜刪蕭花寒月如聞哀淚之
潛潛緒曾按全謝山以定海縣志左袒黃斌卿
力詆定西作定西侯神道碑以正其誤余至普

陀見老僧坐飛沙舉團蕉中藏舊鈔本舟山事
略有定西侯傳多謝山所未詳又知定西忌王
朝先亦非實因錄之云定西侯張公名振字侯
服南京應天府上元人父少溪慷慨有義行母
范氏夢宋將張世傑而名振生及長精韜略騎
射擊刺之術與弟名遠名揚名甲從弟繼榮號
張氏五俊名振伉爽有智略結交多豪俠游京
師熊開元受廷杖陰爲屬杖者得不死名振登
崇禎戊辰右榜進士癸未授台州石浦遊擊丙

崑園典詠

卷十

聖

四明叢書

約園刊本

戊七月魯王紹興兵潰奔舟山守將黃斌卿拒
不納名振迎居石浦加富平將軍思海外惟翁
洲稍大必得爲監國地會張國柱攻舟山斌卿
求救名振破之以女妻斌卿子誓共守舟山留
都督僉事劉世勳奉王居石浦世勳字允之亦
應天武進士名振在舟山日夕勸迎王斌卿疑
不決初蛟關裨將王朝先歸斌卿驍勇爲眾護
斌卿多猜忌使其將朱玖劫殺溫鎮賀君堯因
襲朝先泗水得脫復以三書招朝先陰遣陸偉

僞迎劫之橫水洋朝先又泗水免大恚名振解
衣衣之贈千金丁亥吳淞吳兆勝血書招舟山
來援斌卿不敢往名振赴援聯鯨次黃連港颶
風大作全軍覆沒大兵擒名遠不屈斬之名振
浮篷上不死易僧服遁還舟山斌卿謀殺之事
洩名振避南田秋永勝伯鄭彩鷹王入閩戊子
七月斌卿子自莆田如舟山斌卿莆田人名振壻也
邀留十日斌卿信飛語以爲劫殺怒攻南田其
子歸乃慙謝十月名振破昌國衛據健跳時間

昌國典詠

卷十

四明叢書

約園刊本

地盡失迎王居健跳加名振大將軍定西侯大
兵圍健跳告糴於斌卿不許名振舵工阮進善
水戰斌卿誘使附己又疑忌之名振招之來己
丑十一月名振朝先進等共奏斌卿罪狀王命
水陸並討名振請敕斌卿迎王自贖二十一日
朝先致溫旨緩其備以兵突斌卿舟斌卿懼奉
敕朝先使尹明詐見揮刃斬斌卿沈之水名振
宣赦赦其弟孝卿厚撫其家屬華亭沈浩然東
山行云東山山頭落日黃樓船萬軸刀如霜東

山山頭落日黑長星夜飛半天赤星飛卻入蛟
人宮侯兮侯兮歸其中海若哀嘯鼇足斷老蛟
騰出爲長虹城中老翁洗血視願侯同生復同
死侯無在舟侯在舟高牙大纛焚於此東山巖
巖滄海波山高水深柰侯何注張名振奉魯王
至舟山張肯堂勸黃斌卿奉迎斌卿不從卒爲
張名振使阮進殺之東山在昌國城進南二里
迤邐入海斌卿之舟在焉己丑九月二十四日
夜見殺於是作東山行王始入翁山加名振太
師與太傅張肯堂共執朝政名揚左都督名甲
副總兵劉世勳安洋將軍繼榮先從王入閩固
守仙霞關力戰死亦追贈左都督名遠亦贈左
都督名振御軍有法與民無擾明之舊臣爭往
依之兵勢頗盛議恢復方略以圖進取朝先併
有斌卿之眾加平西伯恃功驕恣其下張濟明
呂廷詔等互相煽與諸將水火爭糧爭汛無虛
日囚御史徐心水榜掠名士周容燧其一足所
爲多不法嘗怒目叱阮進曰吾殺斌卿汝何封

蕩湖伯王慮變庚寅九月名振遣阮進襲殺之
濟明奪哨船投降大清陳虛實願充先鋒辛丑
夏大兵三路進攻八月二十日名振與諸將會
議謂蛟關天險大兵必不能猝渡命阮進拒橫
水洋劉世勳守舟山城名揚名甲佐之名振自
奉王擣吳淞拒北來之師以相牽制二十二日
天大霧大清杭州副都統吳汝珍提督田雄固
山金礪等出蛟門霧中進不及覺大兵觸舟進
倉卒以火拒戰反風自潛墮水死二十四日破

螺頭門參將李錫貢及弟錫祚戰死岐陽王裔
也大兵直抵城下世勳激厲將士灑血呼天晝
夜拒守二十八日詐降伏大礮擊殺先入者九
月一日裨將金允彥邱元吉跳城降嚮其子傳
四月初二日大清增兵攻城夜半星隕如雨大
兵鑿地道初三日午刻城摧陷世勳身貫兩矢
自刎死名揚名甲巷戰死名振母范氏妻馬氏
妾某氏名遠名甲名揚繼榮妻共奉少溪公木
主自焚死名振妻姪馬呈圖馬貢圖親屬僕從

等二十餘人俱赴火世勳妻某氏亦同死名振
奉王自吳淞回救會諸將火燒門候半時潮漲
卽至突見火光燭天知城已破遂牽王去壬辰
春扈王至廈門鄭成功欲害之大言曰爾爲定
西侯所定何事名振解衣請視背背刺赤心報
國四字長徑四寸深入肌膚成功愧且拜癸巳
三月名振破金塘獲金允彥磔之遂由北洋入
崇明截長江登山題詩有十年橫澗一孤臣
之句

詩云十年橫澗一孤臣佳氣鍾山望裏真
鵝首義旗方出楚燕雲羽檄已通閩王師

昌國典詠卷十

四十四明叢書
約園刊本

枹鼓心肝噎父老壺漿涕淚親南拜孝陵軍編
孫會看大濤碼龍津魯王名以海詭海爲澗也

九月駐平陽甲午掠吳淞得戰船二百號進攻
崇明定南伯徐仁爵戰死仁爵中山王裔乙未

寧波守將張洪德奔名振八月遣英義伯阮駿

攻舟山陷之名振徒步入城祭母及辛卯戰亡

將士哭聲震天十一月台州僧說州將馬信以

城附軍勢復盛名振忽憐疾二十八日戌末大

星墮海光芒如電有聲亥刻坐起擊牀運呼先

帝數聲嘔血而逝年六十七葬蘆花臺台州僧

發狂死僧俗姓李名昇岐陽王裔丙申二月三日舟山城哭六月望大兵出蛟門杭州副都統吳汝珍率提督田雄總兵李杰再攻舟山阮駿大舟膠於沙與陳六御劉永錫張洪德丁宏業俱戰死張晉爵扼螺頭門乘名振大舟大戰兩日夜力竭自刎太常卿陳九徵副使俞師範皆死大清始克舟山爲順治八年九月二日再下舟山爲十二年六月二十六日也夫以名振不識天命輔孽藩奮螳臂偷息窮島全室就殲出沒海上者十餘年竟白首善終爲我聖朝顯戮所未加褒諡所未及然勝國殉節諸臣錄於名揚云定西侯名振之弟舟山破母范氏赴水死親屬二十餘人同自焚死是亦深諒名振之忠矣較俯首入貳臣傳者豈不判若天淵哉名振豐頤修髯面微赤容止閒雅善撫士嘗終日戰庖人進食揮之去軍中有太師不食戰士忘飢之語兵部侍郎張煌言收其餘燼屯鹿頭後屯南田甲辰被獲亦不屈死乾隆丙申諡煌言忠

烈張忠烈哭定西侯墓詩牙琴碎後不勝愁絮
酒新澆土一坏冢上麒麟那入畫汀前鴻雁已
分儔知君遺恨猶矐目似我孤蹤敢掉頭來歲
清明寒食節可能重到翦春楸

滬濱樓船尙未歸舟山宮殿劫灰飛十年精衛心填海
潮打寒雲浸蕨薇

同歸域

鄞聞性道心泉詩集偕文衣喬公鉢收座翁洲
與難遺骸卒事爲詩記之天星晝隕紛如雨蹈

昌國典詠

卷十

四六四明叢書

約園刊本

刃投纒赴烈炬魂遊寥廓遺骸崩厓碎礮相
支柱蛟龍怒吼不敢窺烏鳶哀號空復聚朝
暮暮暴露久何人乞收瘞羈旅海東波沸連鼓
擊城北土高失鐘簾參軍見之心骨悲訴天不
應叩地許與余俯拾堆高原掘坎芑藏共一字
以同歸域三字識之雖缺陳奠自春秋不釐姓名誰客主
林風淒其日色暗恍惚雲旗爭飄舉神物巨靈
來呵禁山君龍伯永守禦埋餘整容特下拜淚
迸飛泉垂萬縷野草先爲瀆血紅吞聲谷鳥寂

無語他年定逢好事人漫題三字憑記取定海
縣志同歸大域王師圍城及旬而下之一時名
公卿僑寓於此者俱慷慨就義而居人聞聲亦
不謀而同一飯之頃橫尸若山郡幕僚喬君鉢
收而火之悉瘞於城之北岡題其域曰同歸此
順治八年辛卯九月初二日也喬鉢內邱人有
昌國懷古詩環海多膏壤況通萬里津山川唐
舊邑文物宋遺民要地需封守殘黎仗拊循重
遷應軫念誰爲上書陳時議徒亂後居民喬首

昌國典詠卷十

吳四明叢書

約園刊本

宜置城邑後卒如其言知縣事繆燧患歲久兆
域頽圯尸骸暴露出私錢屬耆民郭璘召工市
石垣而封之此康熙三十五年三月初六日事
也繆燧同歸域放歌序云蓋聞號鼎攀龍莫改
忠臣之節盟津叩馬不加義士之誅菟裘之血
碧千秋化虹貫日張巡之齒存孤壘騎尾歸天
身雖與國同亡名乃到今不死同歸域者葬故
明與難翁洲之譜搢紳先生也飲淚田橫之島
猶奉殘朔於春王抗節厓山之舟恥投降表於

河伯衣薪蹈刃賦詩絕命者十人裂帛縶梁入
室如生者百口他如子死父幼死長僕死主僵
山皆不屈之骸以及婦從夫媳從姑女從母填
塹盡含貞之骨肝腦狼籍鬼神環擁而長呵齒
骼縱橫風雨偶過而作淚火以埋諸深坎哀而
瘞之北邙爰有參軍爲之義舉雖逢尼父難題
墓於延陵縱有中郎曷勒銘於斷碣芳草萋萋
寒食常餒若敖之魂殘榆黯黯斜陽孰酌王孫
之酒逢聖朝之寬厚復舊邑於滄桑移橫海之

昌國典詠

卷十

五

四明叢書

約園刊本

樓船建牙鰲背標伏波之銅柱吹角鯨頭燕麥
未生種花敢同潘縣豺荆初剪尋薇遂過商山
見將壞之一坏撼城浪嚙謀不祧之兩祭負郭
畬香何幸羊山來登漢峴下詔單父共舉蒸嘗
買虞芮之閒田永春秋之芳薦猶恐明禋未秩
几筵不逮夫百年旋將幽躅分標姓名具臚於
各憲表忠作觀祇爲吳越恩私有過澤枯眞沐
皇仁浩大固已封同比墓共知義異崇鄉者矣
燧邑乘雖登衷懷未暢念茲窮島永寂寒阡碑

愈不過莫登亡王之墓陸衡已往誰云大漠之
墟乃於暇日偶作放歌揚已逝之幽芳闔不朽
之奇節用貽同志其發高吟嗚呼君父人之大
倫安問興亡何代忠孝關乎至性不分羣怨皆
詩下筆含悲行歌當哭效輓辭於蒿里豈同瘞
旅之文追哀些於楚江聊補招魂之句歌曰甬
東東海海中洲中有隆隆土一坏忠臣義士同
日死火而瘞之萬骨哀參軍題曰同歸域域頽
地棄狐貉遊芳草不生寒日照排空濁浪將與

昌國典詠 卷十

至四明叢書
約圖刊本

譬天子仁明置鎮邑忠魂磊落無長愁摘星挹
露清不餒何須俎豆及荒邱帥臣過此心慘然
曰此不祭民何天灑血塗肝報君父安辨商日
與周年偕予建祠及守冢贍以負郭半頃田義
魄貞憐得從祀春禴秋嘗潔粢牲穹碑未勒封
墓石下馬誰不拜山巔欲令義烈長垂後文章
力與天地久出師表後正氣歌兩丞相今曾死
否覩淵張公雪交亭六帛齊懸如生首吳公抱
主死殯宮火中吟詩不絕口赴海蹈刃沈與李

諸公從此聲雷吼千忠萬節同日歸石爛厓枯
終不朽滄桑倏忽六十春蓉浦作歌懷古人寄
語天下同心者不分出處扶天倫同歸域在城
北二里雙髻山下成仁祠之後總兵藍公理捐
買民田撥儒學掌春秋祭祀此康熙四十年
事也繆燧同歸大域碑記嘗讀漢高祖本紀屠
秦滅項天下大定田橫以五百人居海島招之
橫卒自殺而五百人俱慕義死無二心詫其節
以爲不可及後閱宋季厓山事又未嘗不歎其

萬國典詠

卷十

臣四明叢書

約園刊本

迹同而志彌悲也歲辛卯王師薄翁洲九月朔
有二日城陷時死事張公肯堂朱公永祐吳公
鍾巒李公向中沈公宸荃等各眷屬皆遇難都
人士女守義死者纍纍相枕藉經歷喬君鉢不
忍暴露火而燧之北郭勒石曰同歸大域嗚呼
若而人者是眞得所歸矣我國家定鼎之初兵
不血刃而車書一統定邑彈丸之地孤懸海嶼
夫豈不知一木不能支大厦之傾而孤臣義士
寧麋軀碎首以殉一城其與宋季趙臣何異天

地之理全而受之當全而歸之臣死其君子死其父妻死其夫卑幼死其長上爲全歸一也今之精英靈爽或飛揚於雲漢或游衍於山川蕩而爲波濤揭而爲星日吾烏能測其歸乎惟是忠孝至性盡人而具當其平居仰靡所觀感則頽然流廢而無以激發其欣慕慷慨之懷故盛朝口仕不惜闔揚前烈以風勵斯世余初佐茲土周覽郭外父老指其旁曰此喬公所建同歸大域處也寒煙衰草滿目悲涼孤鬼窟其中

昌國典詠

卷十

五

昌國典詠本

牛羊踐其下且遺骸旅櫬交錯其間混珠玉於泥沙委芝蘭於荆棘良足悲矣傳之又久又孰知墟莽閒爲忠孝節義同日而死者之一抔土也哉越數日適鄉耆郭璘來告欲募眾力築垣樹塔以表墓道余慨然曰是余之責也夫是余之責也夫捐資竣事鐫石以誌不朽康熙丙子歲三月知縣事繆燧記祭同歸域文維康熙三十四年歲次乙亥時當清明挂紙之辰知縣繆燧率闔邑之衿士耆舊備具牲醴致祭於辛卯

死事諸靈之前曰我世祖章皇帝誅闖賊撫殘
黎正位燕都天下無不傳檄而定獨先生輩偕
闔邑兵民堅守翁洲抗衡天命身首異地而不
屑一顧何其愚也雖然臣爲君死子爲父死妻
爲夫死卑幼爲其長上而死志則苦矣節則愈
高矣嗟乎寧殺身以成仁毋求生以害仁同日
捐軀無所留恨諸先生在天之靈或炳爲日月
或屹爲山嶽豈復在濤奔風撼之所爭其時享
哉亦豈知糜爛之頃有喬幕爲之塋域五十年

皇國典詠卷十

五十四明叢書

續國朝本

後余從而修之復從而祭之也哉聞之延陵季
子曰骨肉之歸於土也天也而魂氣無不知也
然則死者未爲無知者矣今爲死事諸先靈求
其子姓曉以大義請諸上官設食置宇躬拜祠
下薦其馨香而爲之歌以侑之歌曰嗚呼死事
諸先生卓哉一代之偉人或乘綸而珥筆擯甲
而談兵遭國家之不造均抗節於翁城子從其
父兮妻從其夫卑幼從其長上兮不可計數者
編氓古稱有死而無二三時萬人而同心下比

田橫之五百上追商季之三仁精氣鬱而爲喬
嶽丹忱揭而爲星辰風濤怪石皆游魂之所化
也吾知其不可磨滅者偕天地而常伸嗚呼草
蔓兮煙荒春露兮秋霜牧豎傷心於黃土農夫
想像於斜陽余請上官而設食率爾子姓而升
香一坏同域萬古流芳聖主頒綸音於翰苑張
公書竹帛於草堂行見式閭而表墓抑且下慰
夫從亡嗟爾孤臣與孽子又何惆悵乎滄桑謹
侑一觴神其來饗

皇國典詠 卷十

五十四明 叢書
約園刊本

颶風掀浪覆厓門一旅孤城死報恩無數青燐藏碧血
我我坏土並乾坤

繆公衣冠墓

江陰縣志繆燧字雯曜以例選沂水令別調浙
江定海定濱海水鹹不宜穀燧修築塘岸築鹹
蓄淡增田數萬畝修定海志葺學宮設書院增
諸生廩額至十名奸民有爲盜海洋者設方略
擒之署府事暨各廳縣事所至有惠政仕海上
二十三年卒於官民懷其德呈請留葬子民垣

不可大吏令留衣冠葬之以誌遺愛定海縣志
知縣繆燧康熙三十四年補任緒曾按順治十
二年乙未復下舟山因海氛未靖明年遷徙城
鄉民入內地至康熙二十七年立定海縣治
邑令李侗周聖化皆有政績繆公實繼之公又
字蓉浦康熙乙亥任定海令至丙申自乙亥至
五十五年
丙申凡二十一
年在任最久 去海稅浮額禁鹽廠私販免塗
蕩包賠築壘田塘墾惠心實政民至今賴之又
修成仁祠同歸域以表忠義屬耆老夏時棟搜

昌國典詠

卷十

五十四明叢書

約園刊本

采故實創定海縣志八卷詳繪十七壘各大山
環海縣境諸圖皆得諸耳聞目見至軍制形勝
田賦水利所載案牘皆確切詳盡洞悉原委雖
於黃斌卿未能直筆海外少書籍於考古閒有
疏舛然瑕不掩瑜亦經十數年精力以成之者
後之人當補正之而不可輕加刪削也公嘗攝
寧波府篆陞杭州總捕同知未任卒以櫬歸邑
人築衣冠墓於普慈寺側春秋致祭又於城北
隅雪交亭故址立義學名蓉浦書院奉粟主以

祀

猶認衣冠拜墓門海鄉遺愛至今存何人宦囊營田宅
莫保松楸到子孫

定海令姚公殉節處

公名懷祥字斯徵號履堂先世金陵人曾祖龍
女遷侯官公中嘉慶戊寅舉人道光乙未大挑
知縣浙江試用署象山龍游嶼縣皆有聲庚子
五月以公嘗任象山習海事檄署定海縣事時
閩粵皆有夷警舟山孤懸海外議積糧築屯未

昌國典詠

卷十

五七

四明叢書

約園刊本

就六月初四日突有四夷船窺南韭山洋

象山界

初五日船數十隻駛入五奎山公曰我當示無

畏毅然駕小舟攜老僕張發徑登火輪船夷驚

愕鼓樂奉酒以迎公引滿問何故涉吾土夷對

以欲得紅毛馬頭通商耳公曰當奉天朝諭旨

抗論良久夷頗挫公返舟入城申報請援委典

史全福往村舉招募鄉勇得數百人授器械登

陣酉刻夷舟逼衙頭公謂總兵張朝發曰夷未

知我虛實宜堅壁待外援我兵寡無紀律若浪

戰一敗城去矣張鎮曰城非吾責吾領水師知
阨海口夷若登岸吾罪大矣悉兩營兵出拒初
七日張鎮以礮擊夷礮聲疊轟張鎮傷左股
不能軍弁兵昇奔鎮海旋潰爛而死維時壁壘
一空城上鄉勇相顧潰散公竟夕彈壓坐南城
上水漿不入口左右不滿二十人復招民登城
初八日南城角摧鎗傷公臂猶繞城呼召無有
應者雙髻山下聞有民聚守急往招之夷蠶擁
入城公捷胸大痛過成仁祠嘔血升餘曰此古

昌國典詠

卷一

五

四明叢書

約園刊本

人殉難處吾何生爲奮身投普慈寺山下萬工
池紳士金士奎鍾勳往救之氣已絕兩目猶瞪
昇尸殯青舉典史全福亦死全字疇五甘肅人
二十一年六月吏部議照陣亡例給雲騎尉世
職姚公長子廷璋承襲襲次完給恩騎尉罔替
禮部議照六品官例全葬銀一百兩致祭銀八
兩行查事蹟交翰林院立傳入祀本籍府城昭
忠祠公以一身殉節青史爭光俎豆馨香賞延
於世足慰九原矣二十六年五月十四日緒曾

至普慈寺訪公殉難處錢學煥茂才指所謂萬
工池者肅然再拜憶余與公乙未同大挑同至
浙江原籍金陵又同里也杭城吳山五忠祠公
首位次署乍浦同知韋逢甲卽用知縣顏履敬
鎮海縣丞李向陽全典史居殿焉余嘗爲楚些
以迎神其辭曰嗚呼五公名齊華嵩職守則異
殉難攸同慘海波之騰沸驚礮火之飛紅翁洲
猝罹夫鯨噬噓毒霧於甬東戰句章而少挫九
山復危而被攻嗟五公或守官而隨營兮當城
陷師潰之下乃牽衣不去遂各効其孤忠惟屏
儒而未秩兮恨不殪怪纏於強弓痛湛身於鋒
鏑明大義於厥衷夫人之不可失者職守不易
顯者勇功勇有所限而功不就職遂欲守而不
能守惟一死不辱能自全其始終上五星下五
嶽昭白日互長虹俾逆酋動色而羣驚且拜識
聖朝之養士厚而士之報稱隆天子曰都賞延
於世庶幾其無怨恫洋洋海水兮梯航通吳山
之高兮俎豆崇神之來兮驂赤豹而乘風千秋

百世兮垂臣鑒於無窮伏惟尙饗緒會以爲吳
山雖奉俎豆若茲地姚公全公碧血所淪宜建
專祠肖像以祀余知舟山父老感公遺澤必有
其舉之者也公面赤豐頤眉稜紫生有異表云
浩然勁氣折颯輪青骨知君死後神血食英靈能捍患
永教東海不揚塵

昌國典詠卷十

昌國典詠 卷十

本

四明叢書
約園刊本

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本